

**SIXTH LEGISLATIVE ASSEMBLY OF MIZORAM  
( THIRTEENTH SESSION )**

**LIST OF BUSINESS**

FOR SIXTH SITTING ON TUESDAY, THE 19<sup>th</sup> MARCH, 2013  
(Time 10:30 AM to 1:00 PM and 2:00 PM to 4:00 PM)

**QUESTIONS**

1. **Questions** entered in separate list to be asked and oral answers given.

**PRESENTATION OF REPORT**

2. **Pu LALTHANSANGA**, to present to the House the Fifth Report of Committee on Government Assurances 2012-2013.

**FINANCIAL BUSINESS**

**GENERAL DISCUSSION ON THE ANNUAL BUDGET FOR  
THE YEAR 2013-2014**

3. General Discussion on the Annual Budget for the year 2013-2014 (to be concluded).

NGURTHANZUALA  
Secretary

....

**SPEAKER** : Tangka sum ngainatu chuan tangka sumah duhtawk a hmu lo vang a, hausak ngainatu chuan duhtawk a hlep hek lo vang.

(Thuhriltu 5:10)

Starred Question No. 61-na kan la ang a, Member zahawmtak Pu T.T. Pu T.T. Zothansanga'n rawn zawt sela.

**Pu T.T. ZOTHANSANGA** : Pu Speaker, ka lawm e. Starred question 61-na Tourism Minister zahawmtak ka zawhna chu hei hi a ni :

- (a) Tun Sorkar hnuaiia Tourist Lodge sak zat leh tih changtlun zat min hrilh thei em ?
- (b) Tourist Lodge-te hi mimal kuta hlan tumna a awm em? tih hi a ni.

**SPEAKER** : Chhang turin a changtu Minister zahawmtak Pu S. Hiato i lo ko ang.

**Pu S. HIATO, MINISTER** : Pu Speaker, Pu T.T. Zothansanga Member zahawmtak zawhna chhanna chu tun Sorkar hnuaiia Tourist Lodge sak zawh tawh leh sak mek zel zat chu khua/hmun 19-ah neih a ni a. Chungte chu Sialsuk, Aibawk, Darlawn, Khanpui, Thingsulthliah, Zawlnuam, Chakhang, Niawhtlang, Berawtlang, Bungtlang South, Chhumkhum, Phura, Longmasu, New Latawh, Maubawk 'L', Serkawr, Zawngling, Aizawl, Serlui 'B' lake te an ni a. Tin, tun Sorkar chhunga Tourist Lodge tih changtlun nana sak belh zat chu khua/hmun 14-ah neih a ni bawk a. Chungte chu Saichho, Thenzawl, Durtlang, Sakawrdai, Kanghmun, West Phaileng, Lengpui, Chawngte, Tawipui South, Serchhip, Reiek, Lengpui, Berawtlang te an ni a. Tin, heng bakah hian Government of India, Ministry of Tourism atangin project sanctioned tawh, hna tan tura hmalak mekna te chu heng te hi an ni – Rural Tourism, Thenzawl; Rural Tourism, Lungtian; Tourist Lodge, Khawzawl; Tourist Destination, Demagiri, (Tlabung) te an ni e.

**SPEAKER** : Zawhbelhna Pu T.T. Zothansanga a nia, a dawtah Pu John Siamkunga, a dawtah Pu K. Liantlinga, a dawtah Pu Lalduhoma kan la ang, e, khati lam chu nakin deuhah dinglam 2 leh veilam 2 kha a tawk viau.

**Pu T.T. ZOTHANSANGA** : Pu Speaker, ka zawhbelhna chu hei hi a ni :

- (1) Pu Speaker, hei kum 2008 kan Sorkar hnu atang khan Champhai Tourist Lodge khi tih changtlun tum a ni a. Khitah khian sum engzatnge ruahman a nih? Engtikah nge sak zawh a nih ang ? tih ka zawt hmasa a. Hei kum khat dawn lai sak hi chawlh niin ka hria a, min han hrilhfiah sela.
- (2) Sikkim atanga mithiam kan rawih te hi tute nge an nih ? Mizoramini hetiang mithiam hi kan nei ve em? tih a ni a.
- (3) Tourist Lodge-te hian revenue an nei tha lo em ni? tih kha ka zawhna a ni.

**SPEAKER** : Le, zawhbelhna Pu K. Liantlinga. Pu John-a chu a inchwawkin.

**Pu K. LIANTLINGA** : Pu Speaker, ka lawm e. Tourism Department-in an insak an ruahmanna kha a tha viau a staff a enkawltu tur, Chowkidar atangin a chunglam thleng post creation hi a awm tawh em ? DP & AR khan an lo dang leh ang a, Finance Department in an approved leh si loh chuan khang inte kha a thing leh thuap mai dawn a. Chuvang chuan staff mamawh tam a ni si a, engtiangin nge kan Sorkar hian Tourism Department hian hma a lak chhoh chiah tih kha ka zawhna a ni e.

**SPEAKER** : Pu John Siamkunga.

**Pu JOHN SIAMKUNGA** : Pu Speaker ka lawm e, tuna kan Minister zahawmtak chhanna kha ka hresual lo a nih chuan 19 zingah khan South Vanlaiphai leh Darzo a Tourist Lodge sakte khi a tel ve lova, khingte khi la commission loh an ni a, a khaw hnih ve ve khian, khang khan engatinge sak zawh tawh kha telh loh a nih? tih kha ka'n zawt tel a ni.

**SPEAKER** : Pu Lalduhoma.

**Pu LALDUHOMA** : Pu Speaker, Mizoram Tourism Development Authority hi kan nei a, an kutah hian sum tam tak a lu ta, tunah pawh hian nuai 1000 chuang an kutah hian a awm a, chu chu hetia budget kan han Pass hnu hian Directorate in a sum a neih a kha engtinge Development Authority nen hian an insem thin tih hi ka hre duh a, nge a hranpain fund dawnna an nei ? Bank ah te pawh tam tak tunah hian an dah meka, tichuan khata tanga project lo kal kha kan tih dan pangngaiiah chuan PWD ah transfer in PWD in hna an thawk thin a ni a. Mizoram Tourism Development Authority hian anmahni hian hna lian pui pui hi an thawk teuh niin a lang bawk a, helai kalhmang hi kan chiang lo em em bawk a, a department nen pawh chuan eng ang takin nge an thawh a, tunge thu nei zawka, tunge sum chang tam zawk tih pawh hi zuk hriat sak a har viau mai a. Hemi hnathawh dan hi chiang deuh hlekin min han hrih se ka duh a. Tin, a member te hi official deuh vek an ni a, hei technical mission te pawh kan han ti a, official deuh vek tho kha society ah khan member-ah an awm a, a ngai leh ngai vek tho mai kha an ni a, hengah te pawh hian thil fello te pawh hi a awm thei a, midang a tui mi pawn lam mite pawh hi han awm ve deuh teuh sela, chutiang tur te chu a ni dawn lawm ni ? a inform dan kalhmang te pawh hi, tih kan zawt duh a.

Tin, privatization chungchang thu hi Tourism Board in privatise tura a rel daih tawh, rei tawh tak a ni a, chutah chuan tuna kan tourist lodge hrang hrang te leh wayside restaurant kan han tih ang chi tam tak luah loh a ruak, chhe leh mek a awm si a. Tin, enkawl mekte pawh hi department in a enkawl chuan an lost deuh vek bawk si a, chuvang chuan privatise ila tih kha a ni a, chumi atan chuan a list siam ila, pakhatna departmentin chang se, pahnihna private in, chutianga thlan thlak chu nise tih te pawh Board hian kan rel tawh a, hemi kawngah hian eng hma nge lak ni tawh ? Engtirnan Chhiahtlang ami khi lo privatise dawn ta ila, kum engzatnge kan lease dawn, engzatnge a ram value, property engzatnge an neih, engtinge thlatin khami te hnen atang khan kan lakluh ang tih te chhut chhuaha, mipui hnena zawrh tur kha a ni dawn ta a, chumi kawngah chuan thawm ri va engmah hriat kan la nei bawk si lo a, helaiiah hian engchin nge sawrkarin hma a lak tawh ? tih ka zawt a ni.

**SPEAKER** : Ti khan han chhang phawt sela, kan Minister hi a la chhang khatin ka hria a, zawhbelhna kha in thinur ka hlau si a, karawn ko ang che u.

**Pu S.HIATO, MINISTER** : Pu Speaker, zawhbelhna Pu T.T Zothansanga, member zahawmtak, Champhai a pawisa sanction zat kha, Champhai Tourist Lodge a project hi a chhehvel nen a vaiin nuai 442 leh sing 35000 a ni a, Champhai Tourist Lodge bik tan nuai 270 a ni a, Kawlkulh atan nuai 141 a ni a, Hringlangtlang atan nuai 31 a ni. Tin, P.K Dong chanchin Sikkim lam mi kha, hei hmasawna tura hmalakna kawngah Sikkim mi rawih lai hi P.K Dong a ni a, Sikkim mikher rawih a nihna chhan chu amah hi Government of India Ministry of Tourism officer fel tak, India ah leh Europe a rei tak lo thawk tawh tawn hriat nei tha tak leh mi rin hlauh a ni tih department in a hria a, chumi avang chuan Mizoram sawrkar pawn a ruai ta a ni. P.K Dong experience neih tawh dan chu hetiang hi a ni –

1. Executive Director, Sikkim Tourism Development Co-operation ah 1998-2007 thleng a thawk a, Revenue Director, Europe-ah 1984-1997 a thawk a, Director, Government of India, Tourist Office, Kerela-ah 1985-'87-ah a thawk tawh bawk a. Director, Tourism Project in Planning Division, Ministry of Tourism, Government of India, New Delhi-ah 1984-ah a thawk tawh a, Manager, Government of India, Tourist Office, Shillong-ah 1982-'83 a thawk a, Assistant Director, in-charge of Cultural and Tourism and Planning Division, Government of India ah 1977 leh 1981-ah a thawk tawh bawk a, Assistant Tourist Officer, Government of West Bengal 1967-1977 thlengin a thawk a ni. Heng bakah hian State of Tourism Development leh hmasawna atana sulsutu ber zinga pakhat nia hriat a ni a. Meghalaya-ah te, Arunachal Pradesh-ah te, Assam-ah te pawh an lo ruai tawh thin a. A chhan hrang hrang leh experience tha a nei tih hriat a nih avangin P.K.Donga hi Consultant atana ruai kan ni tih kha ka chhanna ni se.

Tin Revenue hi kan nei tha vaklo em tih zawhna kha, nia, a hmun azir hi a ni a. Tourist Lodge Chaltlangah te, Beraw tlangah te, tin, hei Lunglei te, Saihaah te, Thenzawlah te, Champhaiahte chuan revenue kan hmu tha thawkhat a, a zat chiah hi tunah chuan ka chhang thei lova, a te deuhah hi chuan kan hmuh chhiatna tam tak a awm a ni, tih kha ka chhanna ni mai se.

Tin, Pu K. Liantlinga zawhna kha a pawimawh a, Tourism hi kum 25 chhung kha kan naute muster roll-in an thawk a, a then chu pension hnai tawhte an ni a, an mangang em em a, hei kan Chief Minister hian min ngaihtuahpui a, Cabinet Meeting-ah kan thlen a, posts 34 a hranin min siamsak a, chumi atang chuan Assistant Receptionist-te, Receptionist-te leh LDA atangin engemaw zat kan kai chho ta a, kan lawm a, tikhan engemaw zat chu min changtlun tir a ni tih hi ka sawi duh a ni a. A dang pawh indaih lohna a tam avangin hma kan la chho mek a ni.

Tin, Vanlaiphai leh Darzo hi kan zawhna a rei tawh a, hei lo pawh East Lungdar te, N. Vanlaiphai te, Bualpui NG te, khitah Sakawrdai te, Darlawn te, hmun hran hranah pawh a in kan zawhna a rei tawh a. Mahse, PWD hnathawhah lungawina tur chiah awm lovin an thawk ti ila, ka sawi sual a nih chuan min lo ngaidam se, a chung chih hi dyna

roof an chih a, an chih thiam lo nge? A far deuh vek mai a. Chu chuan hawng thei lovin min siam a, tunah chuan theih tawp chhuahin hma an la a, repair hnate pawh an thawk mek a. Darzo te, Vanlaiphai te, tin, hmun hran hrana mite pawh tun Financial Year chhoah hi chuan hawn hman turin kan inbuatsaih mek a ni tih kha ka chhanna ni se.

Tin, Pu Duha zawhnaah khan Tourism Development authority kha, hei hi a pawimawh em em mai a. Hei hi tun Sorkar kan luh hma lawka din a ni tawh a. Chu chu kan ring chho a ni. Pakhatnaah chuan Mizoram Tourism Development Authority hi ni 21.7. 2008-a din a ni a. Memberte chu hon'ble Minister Chairman a ni a, Secretary Tourism Department, Vice-Chairman chu Director of Tourism, Under Secretary, Joint Director, Finance Secretary, Treasurer chu Deputy Secretary, Tourism Department a ni a, Executive Member-ah khan tuna kan sawi ang khan Finance Department-in an Representative Secretary te emaw Joint Secretary te emaw, a remchang chang an ni a. SE, PWD (bldg) hi Technical Representative-a ruat an ni a, tin, Hotels Association atangin representative pahnih ruat an ni a. Tin, Tour Operator atangin Representative ruat bawk a ni. Tunah hian an pawisa hi mimalin kan kawl mai lova, Axis Bank-ah vaibelchhe 99 leh 4,89,299 dah mek a ni a, interest awm zat chu 87,20,792 a ni. Tin, Vijaya Bank-ah hian vaibelche 55leh singkhat sangruk leh zariat sawmli pathum dah mek a ni a, a interest hi vaibelchhe 12 leh nuai 12,42,768 a ni. Tin, MTDA hi deptt., hnuaiah society din a ni a, Ministry of Tourism, Govt. of India thurawn in project implementation atana a din a ni. Project implement tur hian Technical Firm te rawih nan hma a la mek a ni a, heng bakah hian sum neih ang in Aero sport lamah pawh hma la in mithiam leh expert te ruain hna a thawk mek a ni. Tourism promotion na tur hmalakna te hi Board remtihna in a sponsor theih bawk a ni.

Tin, hnathawh mumal lo tih kha Pu Duha khan a hmasa khan a sawi a, a bik takin Serlui 'B' ah, Serlui 'B' ah hian tunah hian 80% kan thawk tawh a Pu Speaker hei a thlalak te pawh ka rawn keng a, kan thawhna zawng zawng. Kan dam chuan june thla hmaa hawn hman hi ka in beisei a, chu chu Member zahawm tak kha ka hriattir duh a. Tunah hian Mizoram Tourism Development Authority in a thawh lai chu Serlui 'B' Tourist Lodge sanction zat hi cheng nuai 384 leh 3900 a ni a, a hna hi 80% thawh tawh a ni. Tah chuan Tourist Destination Aizawl kan nei bawk a chu chu nuai 457.61 a ni a. Work component hi Hmuifang te, Reiek te, Tourist Lodge, Chaltlang te, Tourist Resort, Beraw tlang te, Tourist Lodge, Lengpui te, Viewing Gallery, Tlangnuam te hi 80% progress neih mek a ni. Aizawl district project atan hian Royal Engineering, Aizawl te thlan niin hei hi Board in a thlan a ni a, chu chu a neitu chu K.Lalrimawia, Engineer a ni. Tin, Serlui 'B' atan hian Lushai Engineer Pvt.Ltd thlan a ni a, chu chu Michael C.Lalmuanpuia hi a proprietor a ni. Pawisa hi kan hmang mai mai lo va, anni hi hman tangkai kan tumna chhan a awm a PWD eng emaw zat kan thawh tir tawh a, dik tak chuan supervision-ah te kan in rawlh theih loh avangin a hna a tha hran pa lo viau a. Tin, Architecture design te hi a duh rei em em a, an tih hnuaah pawh hna thawh a muan em avang in competition awm nan hei Tourism Development Authority a awm bawk a Engineer thiam tak hi restricted tender a ko in appoint an ni a, amah pawh tunah rih chuan a tha rih viau in kan hria a ni, chu chu ka chhan theih tawk a ni e, Pu Speaker, ka lawm e.

**S P E A K E R** : Pu K.Lianzuala'n zawt ve leh phawt rawh se.

**Pu K.LIANZUALA** : Pu Speaker, Baktawngah Tourist Lodge sak tumna a awm em ? tih kha ka zawhbelhna chu a ni e.

**Pu T.T.ZOTHANSANGA** : Pu Speaker, Champhai ami kha engtikah nge zawh anih ang tih lai tak kha min chhang lovin ka hria.

**Pu LALDUHOMA** : Pu Speaker, privatization chungchang pawh kha min chhang lo.

**S P E A K E R** : Pu T.T.Zothansanga, a zawhna neitu zawhna pawh kha han chhang nghal sela, privatization chungchange pawh. Member ten an tuipui che a i department.

**Pu S.HIATO, MINISTER** : Pu Speaker, a lo tam deuh hian lo chhan loh kha a awm a, pawl ka ti viau a. Baktawngah hian khi Kohhran pakhat lian tak an awm a, khawvel hian an hre tan tawh a, tlawhtu mi eng emaw zat hi an lo kal tawh thin a. Chuvangin heng ho tan hian Tourist Lodge a hranpain siam sak ni se tiin kan hotuten scheme an siam vek tawh a, a pawm pawh an pawm tawh a. Mahse, kumin hi Financial crisis avangin min sanction sak hman lova, reilo teah min sanction sak kan beisei a ni. Tin, private leh PPP mode a thawhna tur hi ni e, Chief Minister ho a meeting ah pawh kan sawi tawh a. A hma thei ang berin privatise nise avai hian, kan staff te kan indaih thei bawk si lova. Tin, lekhathiam khalama hnathawk chak tak tak te pawh kha engemaw zat an awm ve sia tiin an rel a. Chu chu term and condition te, a inpek dan te, engzatnge pawisa sorkar in a chhan anga, engzat nge an chan ang tihte leh thil dang dang kha keinin kan ruahman thiam si lova. Chumi avang tak chu ania Pu Speaker, P.K.Donga te kan han rawihna chhan, ani hian tunah hian ruahmanna a siam chho mek a. Chumi atan chuan privatise kan tumna hi kan tum khua te chu Tourist Home Zonuam, Highway Restaurant Buhchang, Highway Restaurant Tawipui 'S', Highway Restaurant Chhiahtlang, Highway Restaurant Thingdawl, Tourist Resort Beraw Tlang, Tourist Resort Hmuifang, Tourist Lodge Chalfilh, Tourist Lodge Darlawn, Tourist Lodge Sakawrdai, Tourist Lodge Vairengte, Tourist Lodge Bairabi, Tourist Lodge Saipum, Tourist Lodge Changsil, Tourist Lodge Pangzawl, Tourist Lodge Paithar, khaw 16 hi privatise tura hmalak mek a ni a. Khami report atih veleh privatise thei turin ka inbeisei a ni. Tin, Champhai hi an zo thawkhat tawh a, tunah hian hawn theih turin kan inbuatsaih mek a ni tih kha ka chhanna a ni nghal e, Ka lawm e.

**S P E A K E R** : Awle, zawhna dangah kan lo kal tawh ang a, zawhna 62-na zawt turin member zahawm tak Pu B.Lalthlengliana i lo ko ang.

**Pu B.LALTHLENGLIANA** : Pu Speaker, Agriculture Minister zahawm tak chhan atan – Damdai (Pangang zau) Kolasib district ah Red Oil Palm hmun Tin 100 dawn hmun kum 2012 khan vah a awm em? tih ka zawt e.

\* Speech not corrected.

**S P E A K E R** : A chhang turin a changtu Minister zahawm tak Pu H.Liansailova i lo ko ang.

**Pu H.LIANSAILOVA, MINISTER** : Pu Speaker, member zahawm tak Pu Lalthlengliana zawhna chhanna chu - Kum 2012 kumtir lamah khan Kolasib district a Damdai (Pangang zau) ah Oil Palm chinna tur vah a ni.

**SPEAKER** : Zawhbelhna Pu B.Lalthlengliana, a dawtah Pu Lalduhoma.

**Pu B.LALTHLENGLIANA** : Pu Speaker, awm dawn hle maia. Hei hi tute nge a neitute ? tih ka zawt duh a. Tin, hemi avahna hi a neitute suma vah a ni em? Ka hriat danin a vahna Tin 100 hmun ram vahna hi Agriculture Department pawisa a vah niin report ka dawng a, DAO Kolasib thawhtir a ni a. Chungte chu a dik em? tih ka zawt a. A neitu mi engzatnge ? Tu tutenge ? tih ka zawt a ni.

\* Speech not corrected.

**SPEAKER** : Pu Lalduhoma.

**Pu LALDUHOMA** : Pu Speaker, tunhnaiah hian Godrej company hian Red Oil Palm rahte hi a hmunahrawn la tawh lovin kawngpuiah minrawn pe tur a ni an ti tih kan hria a. Chu chuanin, farmers te tan harsatna nasa a thlen mek a. Link road pawh awm lohna a la tam sia, hla tak tak te a ni si a. Helai harsatna hi sorkar in a hria em? engtinng a ngaihtuah dawn tih ka zawt duh a. Tin, hetiang a contract farming kan neih chhun anih avangin Red Oil chinna hmun hi chu link road tha tawktak pek zel hi top priority a neih a thain ka hria a. NLUP ah te pawh infrastructure component sum thahnem tawktak a awm a. Tiang zawng hian sorkar hian hma laksak a tum em kawnglaih hna te hi tih ka zawt e.

**SPEAKER** : A chhang turin a changtu Minister i lo ko ang.

**Pu H. LIANSAILOVA, MINISTER** : Pu Speaker zawttu Pu B.Lalthlengliana member zahawm tak zawh belhna kha, helai hmunah hian hectare 51.82 vah tir an ni a. Tin, a lo neitute hi hming 40 an awm a, hming ka hriat zawh a nih avangin ka han chhiar chhuak ang e.

- 1) S. Khaia, Tuitha Veng
- 2) L. Tholiana, Rengtekawn
- 3) Parthangzuali, Rengtekawn
- 4) T.K. Thanga, Rengtekawn
- 5) Zamchhuana, Tuitha Veng
- 6) Hawlmanga, Tuitha Veng
- 7) Seikhawgina, College Veng
- 8) K. Sailiana, Tuitha Veng
- 9) Hmingmawia [S.K.Kama (L), Rengtekawn

- 10) Hemseia, Rengtekawn
- 11) Civilthanga, Rengtekawn
- 12) Tluanglianthanga, Tuitha Veng
- 13) Lalthanmawia, Hmar Veng
- 14) Zangura, Tuitha Veng
- 15) Liana, Tuitha Veng
- 16) Lalthangfala, Rengtekawn
- 17) C. Lalpiangthanga, Rengtekawn
- 18) Tuahmanga, Rengtekawn
- 19) Tuahtlingi, Rengtekawn
- 20) Seikhawthanga, Tuitha Veng
- 21) Remliana, Rengtekawn
- 22) Roluahpuia, Project Veng
- 23) Manga, Chilchar road
- 24) R.K. Vala, Venglai
- 25) Sanghminga, Venglai
- 26) Lalremsanga, Venglai
- 27) Ronghaka, Venglai
- 28) F. Rinkima, Venglai
- 29) B. Tluanga, Vengthar
- 30) Thianghlimi, Venglai
- 31) KL. Hawmpuiliana, Venglai
- 32) Nicholas Lianzela, Tumpui
- 33) Rinsanga, Venglai
- 34) Tlangthanzauva, Venglai
- 35) Khawmpuiliana, Venglai
- 36) Lianzela, Tumpui
- 37) Rinsanga, Venglai
- 38) Tlangthanzauva, Venglai
- 39) Lalthianghlina, Salem Veng
- 40) Lalchharliana, Diakkawn

Khang te kha a ni a. Tin, a chi hi sawi zui ilangin, pek an ni hlawm a. Amaherawhchu, kawng tha taw lo leh ram hnuai deuh a nih avangin Sanghal leh Sakuh ten an ei chhiat sak nasa a, kan hlawhchham a ni ber e, an ti a, hei hi en zui tur a ni.

Tin, Member zahawm tak Pu Lalduhoma, zawhna kha, Godrej Agrovat Private Limited te nen 2004 atanga contract farming a kal tura agreement te pawh lo signed tawh a nih angin tluang takin kan kal zel a. Helai Damdiai ho harsatna an taw ang hian a tir lamah



khan ramsa in a tichhe nasa a, chuang chuan 2007 leh 2008 mautam khan a belhchhah avangin zuva a nghal zual a. Tin, a tirah tak chuan loneitute pawhin phurna nei lutuk lovin hna thawh deuh te pawh a ni a. Chuang chuan kan survival rate kha a tha lo khawp mai a, za a sawmli te, thenkhat ah chuan hlawhchham ti tih pawh a ni a. Amaherawh chu tan han lak thar leh a nih takah hian kan hlawhtling viau a. Tunah hian hectare 6000 dawn Kolasib District ah hian kan cover pha tawh a, tin, a rah seng te pawh thahnem tak a awm tawh a. Chuang chuan Godrej lam pawh hi a factory din a agreement a kan lo dah ang hian hna thawh nisela tiin kan nawr a, kum khatah quintal 3000/4000 dawn tunah hian an lei a. Kan ngaihtlak tak ang khan an lovah an buk sak a, tikhan an kalsan leh mai a tumah in a hman tangkai pawh awm lovin, Kg ah Rs 4.75/- in leisak an ni a. Kan loneitute zingah taima tak a thawk te leh hlawhtlin tum engemaw zat an lo awm chho zel a, tunah hian kum khat a nuai 2 nuai 3 thleng pawisa lalute pawh an awm tan a, chuang chuan kan hlawhtling chho zel dawna hriat avangin Central lam pawhin min phur pui a, a kawng lam hi kan sawi zing a tunhma zawng kha chuan a link road hi Central Scheme ah hian a awm thei lova, amaherawh chu tun tumah hian min rawn phalsak dan a awm ta a. Hei kan Chief Minister in kan Union Minister hnenah pawh a bika ngaihtuah kan ngaihna lai, hemi link road hi, State dang leh phai ram ang an nih loh zia te pawh hrilhfiain, hetah te pawh amah lokal ngei pawhin a hmunah te pawh kan kawhnmuh avangin RKVY Scheme II hi zalen deuh hleka kan hman theih turin min rawn siam sak ta a, chumi hmang chuan RKVY hmang hian kawng pawimawh zual chu hma la turin kan in buatsaih a, tun atanga reilote ah hian chung kawng te chu hei survey an zo thawkhat tawh a, khawi lai lai ah emaw chuan hma kan la thei ang a. Tin, a rate chungchangah hian District Zonal Committee an awm a, a lei dan tur arrangement chungchangah pawh chung te chuan an ngaihtuah a, company te nen. Tuna harsatna an han sawi kha khawilai emaw atang chuan kan hre tan a, amaherawh chu a Zonal Committee te leh a company te nen lo sawiho leh a loneituten a harsatna an tawh loh theih dan tur leh a company tan pawh a factory a thlen a a hlawkna han umzui tur awm chuang lo a nih a in hrethiam tlang deuhin sawifel nisela tiin (Interruption) Pu LALDUHOMA : Ka zawhna lai tak a kha chu kawng laih chhung khan an buai tho tho dawn a, a hma zawnga an thlama va kal a va leisak a paih nghal tur pawh leisak zel kha an ni a a lawmawm tehlul nen, tunah kawngpuiah in rawn chhawpchuah loh chuan an han ti ta thut mai hian a ti buaithlak ta em em mai a, helai te mai a hi tun mai a an harsatna lai chu a ni.

**Pu H. LIANSILOVA, MINISTER** : Chu chu tuna ka han sawi tak ang khan a Zonal Committee te nen a company te nen lo sawiho in hemi a harsatna loneituten an tawh lohna tur hi lo ngaihtuah turin tih an ni a, chuang chuan a hnulam zui ah hi chuan kan hre ta rih lova an kal ngaiin an la kal thei zel ta ah mimal ang phei chuan ka'n ngai ta ringawt a, kan hnen rawn thleng zui a awm ta rih lova chu chu ka chhan theih dan a ni e.

**SPEAKER** : Awle, zawhna 3 (Interruption)

**Pu B. LALTHLEGLIANA** : Pu Speaker, lawk a zawttu ka ni bawk a ka zawhna kha min la chhang full lova. Kha kan Minister zahawm takin a ram neitute a rawn sawi a, mi 40 lai mai kha private mi an lo ni a. Khatia nih chuan Agriculture Department sum a Kolasib DAO vah tir ni a ka zawh kha a dik reng em? Department sum a khang zawng zawng lo han vah sak kha a dik nge diklo. Ka hriat zel danah chuan tikhan DAO khan DAO Office sum khan a lo vat a, Directorate lam atang khan sum kha an pek leh theih tak si loh avang khan DAO liabilities ah khan a lut ta a, DAO thinrim khan he thil hi a sawi chhuak niawm tak a ni. Chung te chu kan thil hriat dan a ni a. Amaherawh chu kan Minister zahawm tak khan a rawn chhang a mi 40 lai lo a lo ni si a, khalai kha khawngaih takin min rawn hrilhfiat leh se ka va duh ve.

\* Speech not corrected

**Pu H.LIANSILOVA, MINISTER** : A scheme-ah hianin a lo neitu a thlan lut duh te kha chu a vah man te awmin a scheme ah hian a in keng tel a, tin, DAO in thahnemngaih thila advance a pawisa remchang a lo hmang anih pawhin an hmuh tur atanga la adjust leh mai theih dan awm a chutianga hmalak turah ngai ilangin. Tin, helai loneituten ram an han bawh laia hi ram ruak remchang compact area a awm thei tur ni a DAO ina a rawn report avanga hetiang hma an la hi niin a langa, tin, a Damdiai Agriculture Area Association te pawh in dinin Association hian heng chhungkaw chingtu tur te pawh hi an enzui ve a ni a, amaherawhchu tuna kan sawi tak ang khan hlawhchham in an la awm riha, mahselangin helai compact area emaw hmun remchangah hian a company lam leh Oil Palm Research Centre ami an Director ho a lokal ten a chi tha siamna tur hetiang compact area hi kan duh khawp maia, department nena tangho in thawh dan te a awm lawm ni ? an tih avangin henglai hmun te pawh hi la thlithlai leh mek tur a niin ka ringa, chuvang chuan tuna kan han chhan tak ang khan hmalakna hmasa hi chu beisei angin a hlawhtling ta lova, amaherawhchu beidawng tur chu kan nilo turah ka in ngaia, hmun remchang leh tin, a oil palm chin hrim hrim hi kan ram economy siamthatna atan a tha a, tin, Central in min phurpui bawk a. Chuvang chuan tuna a DAO kal chhuak tawhin emaw hma a lo lak tawhna a engemaw harsatna an tawh avanga a sawichhuak anih pawhin a dinhmun sorkar atanga kan hriat dan chu tuna kan chhan dan kha a ni a. Mimala thahnemngai leh engemaw phur deuh hleka hma a lo la anih pawhin chhun zawm zel tur chu a ni anga, hlawhchham lo tur chuan kan in ngai a ni.

**SPEAKER** : Awle, zawhna 63 na zawt turin Pu T.T. Zothansanga i lo sawm ang.

**Pu T.T.ZOTHANSANGA** : Pu Speaker, Ka lawm e, Trade & Commerce Minister zahawm tak ka zawhna starred question no 63 na chu hei hi a ni. Food testing Laboratory hi kan nei tawh em ?

**SPEAKER** : A chhang turin a changtu Minister zahawm tak Pu Lalrinliana Sailo i lo ko ang.

**Pu LALRINLIANA SAILO, MINISTER** : Pu Speaker, Champhai North bialtu zahawm tak Pu T.T.Zothansanga zawhna starred question 63-na 'Food Testing Laboratory hi kan nei tawh em tih chhanna chu : Food Testing Laboratory hi kan la nei lova, Thenzawlah tunah hian kan ruahman meka, kan neih thuai kan beisei.

**SPEAKER** : Zawh belhna Pu T.T.Zothansanga, a dawtah Pu R.L.Pianmawia te i lo sawm ang.

**Pu T.T.ZOTHANSANGA** : Pu Speaker, ka zawhbelhna chu hei hi a ni, Hotel leh Restaurant a eitur thianghlim leh thianghlim loh hi endik dan a awm em ? tih ka zawt duh a, hei Mizoramah Tourist te kan han nei tawh thin a, Mizoram hmun hrang hranga han kal hianin kan restaurant te a lo fai tawk lova, chawhmeh thing ni awm tak rawn lak ang chi te, hetia chawhmeh hmun khata han suah dul dul ang chi te, hetiang ang kawngah hianin kan thianghlim tawk lovin hnam dangten min hria a, hemi kawngah hian kan eitur thianghlim leh thianghlim loh kawngah endik dan a awm em tih kha ka zawhna 1 na a ni a.

Tin, a 2 na ah chuan sawhthing Mizoramah kan ching nasa thin a, kum 2009 hmalam leh hnulam ah engemaw harsatna kan tawh dan te, tun kan sawrkar hnuah hian eng chen nge kan solve theih tawh tih kha min han hrilh se kan duh a tin, a pathumna ah hei tui hi kan duh angin khawi hmunah pawh hian kan tla khawp chiah lo tih kan hria a, Aizawlah hian hei Vanglaini ah te pawh tui hi an rawn zuar thina, "Kham kara mi tuithianghlim te an han ti a, a thianghlim" hlawm khawp mai a, hetih lai karah hian a thianghlim lo hi a tel anih ka ring a. Chuvangin hemi Food Testing Laboratory kan neih dawn takah chuan hetiang ang an tui zawrh, trip a an han zawrh ang chi ho hi Licence neia han siam a, engtin emaw a endik leh theih dan a awm ang em ? tin, engemaw tui an han tih a tam mai a, khawilai hmun ami nge maw an lak tih te kha hre zel thei sela. Tuithianghlim lo hi an zuar palh ang tih kan hlau em em a. Tuithianghlim lo atang hian natna tam ber hi a lo kal hi a nisi a, khalalaia kha kan tui zawrh chungchang pawh hi min han sawfiah sak teh se.

**Pu R.L. PIANMWIA** : Pu Speaker ka zawhbelhna chu Food Testing Laboratory kha Thenzawl lamah ruahman a nih thu sawi a ni a, Aizawlah hian tha tawk tak kan neih hi a pawimawh a Aizawlah hian kan nei thei em tih leh Sawhthing rate chungchangah khan Sawrkar kal ta hun chhungah leh tun sawrkarah hian enge sawhthing rate danglamna a awm em tih ka zawt e.

**SPEAKER** : A chhang turin Trade & Commerce Minister a nia a chhang thei hlawm nual turah ngai ila, tui lam pang te kha PHE lam te pawh ni hial awm a nia mahse han chhang teh se.

**Pu LALRINLIANA SAILO, MINISTER** : Pu Speaker zawhna neitu zahawm takin a zawhna Hotel leh Restaurant a ei leh in tur thianghlim leh thianghlim loh chungchang kha nia kan mawh a ni a. Health Department ah hian Trade & Commerce ang

kha chuan chhang lo ila tha in ka hria a, kha kha chu Trade & Commerce ang kha chuan chutianga a tihna kan nei lem lo a. Food Testing Laboratory hi chu Foreign atanga lo kal kan Member zahzawm takin Pu TT.Zothansanga'n a sawi ang khan a rem rem hi an rawn la lut a ni mai a, chu chu a thianghlim leh thianghlim loh lo test tura tih kan ni a. Kan vannei a Health atang hian kan han dil thin a Drug Testing Laboratoty te food te NEC ah te kan han theh lut ve thin a kan hlawhtling mai thin lova, Trade & Commerce hian kan zuk dil a min pe ta mai a. Tiang chuan kan han kalpui dawn a a lo complicate hrep mai a he thil hi, Expert a thiam a thawktu te an lo ngai a, Health Department a kan mi thiam te kaih hruai nain kan han kal nawk nawk a, a testing lai taka hi kan la neilo vek a, amaherawh chu hriselna atana pawilo leh pawilo hi chu kan mawh chu a ni em mai zoram ang chuan hei hi Trade & Commerce ang chuan kan mawh a ni lova Health Department ang chuan kan mawh a ni a kan en reng tho a. RIPANS ah sawn standard lutuk lem lo chu kan nei ve a duh thu chu a la sam vak lo, chu chu kan kal dan chu a ni a. sawhthing rate chungchang Pu Piana rawn zawh kha chhang nghal ta ila kan sawrkar hi kan vannei hle in ka hria 2009 hma lam leh hnu lam khan rate eng angnge tih niin ka hria a, 2009 lam khan kut hnathawktu ten min hrilh dan leh kan hriat danah Kg-a Rs 8 a thleng ngai lova, a chhan kha awmin kan hria a. Kan House Leader zahawm takin kan sorkar hlim tein kut hnathawktute tan a hmalak na turin Gate hi kan thiat tur a ni a ti a a hminga changtu nihna angin kan han thiat kha a ni a, a lawmawm hlein ka hria a khami tum khan Vairengte ah Kg ah ₹ 30 a thleng nghal a wawin ni ah pawh hian Pu Speaker Vairengte ah kan hnung kar khan kan latest report ah chuan Kg – ah 34 a thleng a ni, a lawmawm khawp mai.

Tin Tui chungchang hi chu PHE a ni a, Public Health Engeneer tho a ni a chutiangan kan lo test ngai lova amaherawh chu a tui chawitute pawh hi Kristian ringtu tha tak Mizo nula/tlangval an ni a, tui thianghlim lo chu an zawrk ka ring lova khalam kha chu kan kut a ni lo na a chhan tho tur tih kha sawi dan niin ka hria a. Tin Thenzawl a kan dah chhan hi Pu Speaker, kan Member zahawm tak Pu Piana rawn zawh ang khan kan zuk dil thin a Health department angin min pek mai loh avangin min rawn pe ta mai a kha Tlabung lam te, sawmi Akyab lampangte Zokhawthar lampangte kan kep tuai a, hemi anih avang hianin Aizawl-ah dah ta ila sawlam atanga lokal kha a thleng zung zung lovang tih an hlau a, tin, Zokhawthar-ah lo dah ta ila hmun khat chauh kha kan chan chuan a chang kha a zau lo deuh lawm ni hmunkhat chauh a min rawn pek takin tiin ngun takin kan ngaihtuah khawm a, Thenzawl hi a lai ber anih hi tiin kan ngaihtuah a, tichuan Thenzawlah kan dah ta a, Aizawlah hi chuanin tum anga kan awm chuan hemi Health lampang hian kan dil a, NEC ah hian in hmu ang kan rawn pe ang che u tih thawm kan han dawng thin a, kan hmu mai rih lova, kan beisei hnai tih kha ka chhanna a ni e.

**SPEAKER** : Zawhna No. 64-na zawt turin hei mi pali zawhna intawm a ni a. Pu P. P. Thawla te, Pu K. Lianzuala te, Pu K. Liantlianga leh Pu Hmingdailova Khiangte te an ni a, heta rawn ziak hmasak ber hi Pu P.P. Thawla a ni a, hei an club khawm anih avangin note pawh a ngah viau a a zawhna hian, Pu P.P. Thawla zawt turin ilo ko ang.

**Pu P.P. THAWLA** : Pu Speaker, ka lawm e. Education Department enkawltu Minister zahawm tak chhan atan member pali ten kan zawhna chu -

- (a) Mizorama High School Headmaster post ruak 55 leh Middle School Headmaster post ruak 27 te kha fill-up an ni tawh em ?
- (b) Kum 1993-a provincialised High School teacher zinga mi Headmaster a promote an awm tawh em ?
- (c) Awm ta se tutenge an nih a, eng High School ah te nge ?
- (d) Mizoram Sorkar hnuaiah hian High School Sawmnga leh Panga lai Headmaster nei lova an awm hi eng chen nge chin fel a nih tawh min hrilh thei em ?
- (e) Mizoram hnuaia M.E. School-ah hian Headmaster an nei kim tawh em ?
- (f) High School, Middle School leh Primary School-a Headmaster nei lo te engtikah nge pek an nih dawn ?
- (g) Government High School Hortoki leh Government Chalkunga High School, Bualpui te tan Headmaster engtikah nge pek an nih ang ? tih a ni e.

**SPEAKER** : Awle a chhang turin a changtu Minister zahawm tak Pu Lalsawta, ilo ko ang.

**Pu LALSAWTA, MINISTER** : Pu Speaker, ka lawm e. Kan member zahawm tak te - Pu P.P. Thawla te, Pu K. Lianzuala te, Pu K. Liantlinga leh Pu Hmingdailova Khiangte te zawhna intawm a chhanna chu hetiang hi a ni -

- (a) Mizoram High School Headmaster post ruak 55 te hi fill up a ni lo. Tin, Middle School Headmaster post ruak 27 te hi fill up an ni tawh.
- (b) Kum 1993 ah hian High School Provincialised an awm loh avangin High School Teacher zinga mi Headmaster a promote an awm nih lo.
- (c) Nil
- (d) Mizoram Sorkar hnuaia High School Sawmnga leh panga lai Headmaster nei lova awm te hi Headmaster pek tuma hma lak mek zel a ni. Tin, Pu Speaker (f) - na - High School, Middle School leh Primary School te Headmaster nei lo te engtikah nge pek an nih dawn ? tih kha a chhanna chu - Heng High School, Middle School leh Primary School a Headmaster nei lo te hi a rang thei ang bera pek tura ruahmanna kalpui mek a ni e tih a ni a.

A tawp ber (g)-na - Government High School, Hortoki leh Government High School, Bualpui te tan Headmaster engtikah nge pek an nih ang ? tih chhanna chu - Headmaster post ruak 53 fill up phalna DP & AR leh Finance Department atangin kan nei tawh a, kan ti fel thuai dawn e, tih a ni.

**SPEAKER** : Zawh belhna Pu Hmingdailova leh Pu K. Liantlinga, Pu P.P. Thawla pawh, zawhna neitu. Tunah Pu Hmingdailova.

**Pu HMINGDAILOVA KHIANGTE** : Pu Speaker ka lawm e. Ka zawhna bik deuh chu a tawp pahnih kha a ni a. Amaherawhchu, kan Minister zahawm tak khan 'kan tifel thuai dawn e' a tih kha han ring phawt mai ila.

Ka zawhbelhna chu Pu Speaker, SSA teacher-te hi Tuirial bial atang khuan Aizawlah attachment-in 7/8 vel ka nei a. Tin, Kolasib atang khuan 10 aia tam an awm bawk a, heng hi kan Minister zahawm tak khan kan rawn dah kir leh vek dawn e min ti tawh tak nain vawiin thleng hian an lo kir awm thawm hi ka hre lova. Kan Minister zahawm tak hian engtik hunah nge min pek kir leh ang tih hi ka'n zawt a ni.

**SPEAKER** : Tunah Pu K. Liantlinga.

**Pu K. LIANTLINGA** : Pu Speaker ka lawm e. Helai (b)-na hi kan zawt chiang duh deuh va, ka zawhna chu a ni chiah lo na a. Kum 1993 a provincialised High School teacher zinga mi Headmaster promoted an awm tawh em tih kha kan zawt duh a. Must provincialised hman anih kha, kum 1992 ah khan, a ni in ka hria, khami kha a zawhna ni awmin ka hria a, khami ang khan a chhan theih tho em? tih ka'n zawt duh a. Ka hriat soal loh chuan kum 1992 niin ka hria. Tin, High School Headmaster 55 te hnawh khah loh kha (b) na ka zawhna a ni a, kha kha chu hmalak mek a ni tih kha ring phawt mai ila a tha in ka ring a, hmalak mek na na na chu.

Ka'n zawh duh pakhat chu Central Sorkar hian duhsakna sang tak min rawn pe a RMSA hnuaiah, School building engemawzat sakna leh tin, qualified teacher a full in an la thap thap vek a tin, Science Laboratory te engkim duhthusamin min rawn siamsak a. Amaherawhchu, School an han kal tir a, High School naupang an ngah tawh loh avangin private in an exam tir a; hei hi Subject - III Committee ang pawh khan kan thlir tawh a. Central in min rawn tih sak, State sorkar meuh ina a hmalakna kha private school anga, private student anga enkawl kha a fel awm lo mange tih kha kan sawi a. Kan kawmchhak chiahah khuan Special Hindi School a awm a, khu khu CBSE in a rawn din a ni a, khu khu chu an recognized nghal vek mai a an exam chho ta a kum 3 hnuah khan an performance kha an en mai a, khatiang ang khan kan MBSE Act ah hi chuan a theih love tiin private in an exam tir a. Act kha lo theih loh pawh nise State sorkar hmalakna meuhah chuan, Central te pawhin ruahmanna an siam anih chuan kan Act a kha one time relaxation emaw kan sorkar hian a ti thei mai lawm ni. Tin, hemi chungchangah hian an School te a tha a exam centre atan pawh a hman tlak a ni, a tirah chuan school naupang an tam lo; khung Hindi school-ah pawh khuan an tam lo. Amaherawhchu 30/40 lek atangin an tan a, tunah khuan Mizoram a School rintlak ber te zinga a mi a lo ni chho ta a. Khatiang ang kha Central hian a tum niin ka hria a, recognition hi Board (MBSE) hian a pe thei mai lawm ni, kan sorkar hian ngaihtuah ngun sela, tlemin han relax sela. Zirtirtu lak tur B.Ed tih chungchangah pawh khan an relax thei tho si a, central Sorkar meuhin hma min rawn lakpui naah hi chuan, a tih theih lawm ni tih kha kan zawt duh a. Tin, a pahnih naah chuan Sialsuk tlangdung pheisaw, tunhma chuan hnuchhawn ram deuh a ni a, helamah Serchhip lamah motor a kal a vangin, a bial saw a thim viau a, Sorkar hmasa khan Minister bialtu an nei tawh a, tunah pawh hian Parliamentary Secretary bialtu an nei tawh a. Hetah hianin plus two school hi a la awm ve miah lo mai a, heta tan hian dah ve tur hian hma a lak theih ang em? Ruahmanna a awm thei angem? tih kha kan zawt duh a ni e. Ka lawm e.

**SPEAKER** : Pu P.P. Thawla.

**Pu P.P.THAWLA** : Pu Speaker, kum 1993 khan High School tam tak provincialised a ni a, mahse State General Election puan a lo nih leh tak avangin cancelled a ni a, 1994 January ni 1 atanga effective in provincialised order kha chhuah that leh a ni. Chuvangin 1994 a provincialised High School Teacher ho atang khan Headmaster promotion pek an ni em tih kha zawhna chu a ni zawk a ni. Chu chu ka zawhbelh e.

**SPEAKER** : Chhang turin a changtu Minister i lo ko ang.

**Pu HMINGDAILOVA KHIANGTE** : Pu Speaker, khawngaih takin ka'n tibuai lawk. Zawhna tawp ber Govt. Chaltlang High School, Bualpui tih kha Bukpui zawk a ni e. Ka la tisial fo a ni maw Govt. Chalkunga High School, Bualpui kha Bukpui tih tur a ni. Ka lam sual ve a ni e.

**Pu LALSAWTA, MINISTER** : Pu Speaker, Member ten an zawhna intawm leh zawh belhna hi kan chhang ang a, ka chhan hma in Education Department a promotion hi department dang nen a inang lo tih hi min hriatpui kan duh hmasa phawt a. Department dangah hi chuan promotion a nih dawn hian tlem te te an nih thin avangin khawilaiah nge post ruak a, chutah chuan tunge kal dawn tih te pawh an in hre thei deuh zel a. Keiniah chuan 20/30 a chang chuan chung aia tam te an ni tlangpui thin a. Tin, Pu Speaker, kan hriat theuh angin a kum 1960/70 chho velah khan Matric pass ho hi March ni 1 ah khan kan piang deuh vek mai a, March ni khat a piang deuh vek kan nih avang khan a chhuah pawh hi kan chhuak rual deuh vek mai a. Chutiang kum 20 dawn lai March ni 1 a matric lo pass ta duah duah chuan helaiah hian a rual a chhuak hi an tam khawp mai a. February 28 emaw 29 ah emaw hian. Hengte avang hian promotion chungchangah hian kan Headmaster an ni emaw, Teacher an ni emaw, department dang te ang a tlem te te a promote an nih loh avang hian kan danglam deuh hlek bik a. Khalai kha min hriatsak kan duh phawt a, tuna ka sawi ang khan Education Department hi ACR te an ziak ve a, uluk taka tih ve chu a ni a.

**SPEAKER** : Hun a tawp a House zawh an ngai tlat mai, an chhang zo dawn em ni zawhna awm ang ang chu chhang zo rawh se aw.

**Pu LALSAWTA, MINISTER** : Amaherawhchu Office a awmte an nih loh avangin Pu Speaker ACR anmahnirawn tan tur te a nih avang khan zirtirtu tam tak hian khalam pang khan an ngaihsak lem lova. ACR loh avanga promotion tih hleitheit loh in nghahkhawm ngai hi a tam duh khawp mai a neih em em lem loh a ni bawk a, hengah hian kan hriat theuh angin DP&AR-te, Finance Department te, tin officer an lo nih chinah phei chuan Mizoram Public Service Commission ten an tih tur dik tak an han tih ve vek chuan hun hi a duh rei ve hrim hrim a, chungte avang chuan promotion hi kan ti zung zung thei lova. Tin, chu ai maha lian, a tak tak ni ve tlat si chu headmaster ni lova an hlawh headmaster tluk emaw headmaster pel tur awm hiala khawpuih te lo awm tawh tan, a bikin hmeichhe tan phei chuan fate nen lehkha zir tawh kha, tiang karah khanin thingtlanga choka hran han neih a, inluah tur han zawng chawp a, chhungkhat han zawng chawp a han kal leh hi an tan hian a

har khawp mai a, promote han ni mahse a tak takah chuan khawsakna hniam rawk khawp a promote kha a ni ve tlat mai a. Chu ang zawng zawng te kan han ngaihtuah chuan keimahni lam pang atanga kan hmanhmawh viauva kan han in tur viauva a vau te pawh kan han in vau viau karah hian an khawvel, anmahni tak tak kan hriat thiamna lai hi a awm tlat mai a. Han inkar luh lutuk theih loh hi an ni ve thin a ni, chungte avang chuan promote order kan han siam a kal ta lo te pawh hi an awm teuh zel a, chungte avang tak chuan tunah hi chuan a dan hi zawm tho siin, amaherawh chu a method zawk a erawh hi chu tidanglam hret ila chuti lo chuan High School, emaw Middle School emaw, Primary School thlengin Headmaster kan nei hlei thei lo a ni ringawt mai a. Mizo kan nihna leh mihring kan nihna angin kan inkhawngaih lo thei silova kawng hran i dap ang u kan ti a, tunah chuan Department lam pawhin chutiang lam hawi deuh hlek chuan tun aia chak zawka tih dan tur hi chu kan rawn ruat chho mek a, chu chu promotion chungchanga hetia lo awm teuh mai thin engngatinge maw Department hi in chak lo emaw ni chu aw tih tur khawpa lo awm thei hi Pu Speaker, a chhanna tlangpui hriat thiam ngai tak ve si a nih dan a ni a.

Zawh belhna Member zahawm tak Pu Hmingdailovan a zawhna, khalai chungchang kha chu tunah hian kan sawi tawh ang khan tih mek a ni, kan ti a. Tin, SSA Teacher ho tih lai kha nia zirtirtu te hi an tam tham a Pathian zarah tawng thu chhe lo nise, harsatna hrang hrang nei hi an lo awm ve a, chung karah chuan hriat thiam loh hleih theih loh hi an awm a ni. Heng karah hian kan C.M te pawh hi kan han rawn a, ani pawh hian in kal tir mai a tha ang a an tih kar ah natna khirh khan tak tak te an lo awm bawh chang nen kan tum ang hian an tih hleih theih loh ve a, tin kan sawrkar hnuah a thiam thiam kan la ang kan ti a, a thiam thiam kan lak hian harsatna min thlen chin a awm a, thiam deuh deuh ho hi hnadang lo hmu zung zung chi te an lo ni a, tin hnadang melh reng te an lo ni a. Khawpui hi an tan a hlu khawp mai a churang chuan Pu Speaker, thawk ang reng ral sai deuhva tih ching hi an tam a, mahsengin hetiang reng hi chuan kan kal thei lovanga.( Pu Hmingdailova : Pu Speaker kan belh lawk teh ang khawngaihin Tuirial bial atang khan khatiang hna kha chu hmuzo an tam ve thove min lak sak zawk mai ula a tha lawm ni, mahni veng lama thawh duh zel a hotute an tih buai dawn kha chuan kan bial ami lehkhathiam ve tho khatiang thawk tawh kha chu an awm ve tho mai a.

Min lak sak ve tawh mai se a tha lawm ni tih zawhna kan siam e) (Speaker : kha zawhna kha chu chhan kher a ngai chuang tawh lovang) chuan Member zahawm tak Pu K.Liantlinga rawn zawhna provincialise chungchang kha hetiang hi a lo hawk thui duh khawp mai a Pu Speaker, an provincialise hma khan an mahni ah khan grade an lo awm ve a, zirtirtu an awm a headmaster te an lo awm ve a. Mahse provincialise kan han tih khan sawrkara an han luh dawn khan Headmaster kha Headmaster ah an luh ve dawn si chuan sorkarah Headmaster nih in beisei kha a tlarin an lo tlar dul tawh a, service lo due tawh kum 20 dawn dawn lo awm tawhte an awm tawh kara Headmaster kai in beisei zirtirtu sorkar sikul ni si, khang lehpel a nimin lawka Provincialised Headmaster a an chho ringawt tur kha fel tawh lova hriat a nih avangin an R.R te pawh kan siam tha leh a. Tin, khatiang an service te kan han chuktuah rem khan vawiinah hi chuan 1994 member zahawm tak Pu Thawlla rawn sawi anga an luh ni kan han siam that leh ami kha qualify an la awm hrih lo a ni. Headmaster kaisang tur khan private kan provincialised ho zing ami kha. Tin, Headmaster High School



ami chungchangte khangho kha tunah hian an buaipui mek a, kan beisei dan chuan Academic session a zawm thei tur chuan kan tih theih kan ring a. Tin, RMSA High School member zahawm tak Pu Tlinga rawn sawi kha a ni viau a, amarawhchu hei hi kan member zahawm tak leh House pawhin min hriatpui se ka duh chu a In kan neih hma in hengho hi lo la vat ula zirtirtu an mamawh a nih si chuan lo la vat phawt mai ulangin, chuti chuan School hi eng tin tin emaw kal ve phawt mai selangin Hall-ah te emaw a remchang chang building lian deuhah te emaw kal ve phawt mai an ti a. Chutiang chu RMSA atanga an programme a nih tlat avangin kan zawm a. Mahsengin khatia kan han zawm khan a nihna takah chuan High School pangngai te an lo nei ve tho a, private a lo din te an awm ve tho a zirlai hi kan nei tlem khawp mai a. Zirlai kan neih tlem bawk si avang khan a pangngai ang taka han run tir tum pawh khan a building awm lo karah kan mumal lo khawp a. Mahse kan mumal ve na chhunah hi chuan matric an exam theihna tur atan kan han buaipui a harsatna kan nei lova tlem erawh chu harsatna kan nei a. Tin, RMSA hi High School lampang a nih avangin a kum tir ah kha chuan exam an awm lo a ni. Pawl kua atanga tan kha an ni a, pawl kua chauh kan admit avang khan a kum lehah exam tur an awm ve chauh a. Chuvang chuan helai harsatna hi chu chutiang taka harsatna tham a awm lem lova. Tin, Aizawl South III tlangdungah sawn Higher Secondary School a awm lo tawp mai a tih kha thahnem ngaihna a lawmawm a. Amarawhchu Kolasib District ah pawh khuan sorkar Higher Secondary hi kan nei miah lova heng ang te hmun dang dangah hian Higher Secondary kan neih lohna hi a tam khawp mai a Pu Speaker. Government School 199 kan neih laiin chumi te atanga chhuak zuk zawm turah pawl 11 zawm tur kha Govt' Higher Secondary School hi 20 chauh kan nei a ni. A in chawm zo lo lutuk a, chuvang chuan heng hi chu kan sorkar lai hian ti ila kan han ti tak nain 2008 kuma School 337 zet upgrade a ni khan vawiin thleng hian min tawrh tir a kan la phur ngat ngat a zirtirtu 1800 chuang zet mai anih bawk si avang khan kan insum tuan a ni hrih a, vawiin thleng hi chuan Higher Secondary duh tam tak kan member zahawm tak tak te zingah pawh an awm chungin kan in tihsak thei lova, Finance lamah te kan harsa bawk si a. Tin, nimin khan khami Adhoc School 206, 337 zing ami phalna kha chu min rawn pe chiah a. Chuvang chuan a harsa ve bawk a pawisa lam kha, khamite zirtirtu khati zat kan han buaipuina atan khan kan hmang char char a. He sorkar ah hi chuan Education department hi chuan insumin kan tluanltling a ni ta ringawt mai a. Chuvangin South III lampang tlangdung te hmun tam takah a niang Kolasib district ah te pawh Higher Secondary kan la nei hrih lo te kha tunah chuan kan hria a, mahse kan dinhmunin a zir ngang hrih lo a ni tih kha ka chhanna a ni e, ka lawm e.

**SPEAKER** : Hei minute 11 laiin kan hmang chuang nghe nghe a. Sawiho naah kan kal leh tawh anga, sawihona a kan kal hmian tih tur pawimawh deuh mai kan nei a . Pu Lalthansanga, Chairman Committee on Government Assurances in “The brief report of committee on Government Assurances 2012-2013” hi House-ah rawn present sela, i lo sawm ang. Tin han sawifiahna tlem a neih pawh kan phalsak ang. I lo ko ang.

**Pu LALTHANSANGA** : Pu Speaker ka lawm e. Hei vawiina ka report present turah hian 7<sup>th</sup> session leh 8<sup>th</sup> session leh 9<sup>th</sup> session leh 10<sup>th</sup> session of the 6<sup>th</sup> Mizoram Legislative Assembly chhungah Minister ten Honble member te house a assurances an pek sorkar a a concerned dept. hrang hrang ten an implement dan ziahlan a ni a. Chapter li ah then

a ni a. Sorkar in a implement dan committee in lungawithlak a tih te chapter khatah dah a ni a. Committee in bawhzui zel loh nise a tihte chapter hnihna ah dah a ni a. Sorkar in a implement dan a duhtawk loh further recommendation a siam te chapter thum ah dah a ni a. Chapter li naah hian Minister in assurance a pek department a a thawh chhuah an la rawn chhan loh dah a ni a. Department te hian house a Minister ten assurance an pek te hi a hma thei ang bera implement thin nise tih hi committee duhdan a ni a. Chapter thumna hnuai ah hian committee in further recommendation a neih te hi an implement dan committee ah an la submit leh tura tih a ni a. Minister ten house a assurance an pek a rang thei ang bera implementation report Assembly ah theh lut thin turin committee chuan sorkar a beisei a ni. I phalna leh he House zahawm tak remtihna in 5<sup>th</sup> report of committee on Govt. Assurances hi he House zahawm takah hian ka rawn present e. Ka lawm e.

**SPEAKER** : Awle a copy kha han sem rawh ule . Tunah chuan Financial Bussiness lamah kan kal leh tawh anga. Annual Budget 2013-2014 nimin lama general discussion kan neih kha kan chhonzawm anga. Nimin ah khan member 13 in hun an hmang tawh a, wawiin bak chu sawina hun tur kan nei dawn tawh lova general discussion hi chu. Tin kan hun kha tlai dar 4, dar 10:30 atanga tlai dar 4 tih kha hria ila. Khata kan inkhung len theih dan tur kha zawng ila minute 10 nimin ang bawh khan hmang ila bell hi minute 8 ah kan rawn tiri anga. Tunge han sawi hmasa dawn le ban han phar vat rawh u. Pu Joseph Lalhimpuia.

**Pu JOSEPH LALHLIMPUA** : Pu Speaker ka lawm e. Lawmthu sawinain bul kan tan anga. Pu Speaker, Planning Commission in kan plan Budget mumal tak pawh min ruahman sak hma in kan House Leader zahawmtak leh kan Finance Minister zahawmtakin full budget min han pe thei a, kan han sawiho thei hi a lawmawm ka ti a, hetah hian C.M ruahmannate, kan Finance Minister inpekna te leh concerned department thawhrim naah leh in pekna te leh an thawhrim rah te pawh a ni a, lawmthu kan sawi hmasa a ni.

Tin, pahnihnaah chuan Pu Speaker, sorkar chakzia tarlanna tam tak kan hmuin ka hria a, a ziakin kan hmu a tawite te a han sawi ka duh a. Pakhatna ah chuan Annual Plan fund pung zel te, kum 4 kan sorkar ta a, kum 5-na kan hmang mek a ni. Henga kan Annual Plan Fund pung zel te hi a lawmawm ka ti a. Tin, Natioanl average aia kan growth rate sang zawk tura beiseina kan han nei te hi a lawmawmin ka hria a, tin, State te zingah kan budget speech ah khan an tarlang tawh tho a, India rama chanchinbu lartak pakhat India Today in state te te zingah investment ti thatber ah lawmman min han pe te pawh hi kan hmasawna te leh sorkar chakzia tarlanna niin ka hria a.

Tin, sum leh pai ngielnghehna chungchangah fiscal sustainability ngaih pawimawh a ni chhun zawm zel te hi wawiin ah hian Pu Speaker a lawmawm ka ti a, zirna chungchanga hma kan sawn theihna tura scholarship chungchanga ruahmanna dah a ni te hi zir laite leh a mawhphurtute leh chhungkaw tin tan a lawmawm hle in ka hria a lawmthu ka sawi a ni.

Tin, Pu Speaker data lamah hmasawna chungchangah nasatakin kan thang chho a ni tih ka hria a, kan House Leader zahawmtakin a sawi fo thin Planning tha siam tur

chuan Statistic tha a ngai a ni a ti a, kan ramah statistic in ang renga kan ngaih pawh department tam takah in ang lo, entirnan BPL kan tih ang chite thil tam tak chutiang chu sawitur a awm anga. Tin sorkar ah hian statistical Data Village Level Statistic Index te, baseline survey te pawh hi hmasawna ruhrel siamna atan thil pawimawh tak a ni a.

Tin, 10% lumpsum provision for North Eastern Region chaktaka bawhzui anih thu Minister in a tarlan te, helaiah hian District capital leh hmun tam tak kan khawpui town area atana sum leh pai tam tak lak chhuah tura awm mek te hi a lawmawm ka ti a chak taka hmalak zui zel nisela. Tin, Pu Speaker, Tidim, Falam, Rih, Kalymiau kawng siamna tura border trade hmasawna tur chungchanga sum vaibelchhe 711 chuang pawisa central sorkar in arawn dah sak te hi a lawmawm ka ti. Hetih rual erawh hi chuan Bangladesh nena kan border trade Tlabung tunhma kan pi leh pu te hunlaia atanga in sumdawn tawn nana kan hman thin hi hmalak chhun zawm zel nisela a lawmawm hlein ka ring a. Nakinah wind up na ahte pawh eng emaw hma lakna awmte pawh kan hre theiin ka ring a.

Tin, performance monitoring leh transparence sorkar kan nihzia tarlan na an awm zel te hi a lawmawm hle in ka hria a, tin, PMEF hnuai ah RFD department 40 ah hman tan tura ruahmanna an awmte hi lawmawm ka ti a, State Finance Commission mumal taka an kal chho te hi lawmawm hle in ka hria Pu Speaker.

Tin, P& E chungchangah Pu Speaker, vawiina kan dinhmun hi kan duh khawp lo vek a, amaherawchu Zofa ten Power lama kan intodelhna tur atan erawh chuan Pu Lal Thanhawla sorkar kaihruai sorkar in hma a la nasa ber a, Vawiin thleng pawhin nasa takin a thawk a ni tih hi chu kan hria in ka ring a, hei hi a lawmawmin ka hria a. Han sawi zau hlek ila, ka bial enkawl ve Lunglei East Constituency ah pawh veng tin atangin an inthlang chhuak tawh a ni 26 ah hian Tuirial Hydrel Project siam mek a hmuna tlawh turin kal an tum nghe nghe a, tunah hian kal na turin Transport Department ah Bus te dilin thlenna turin khulaiah Agriculture ah kan dil mek a, P&E hotute pawh hemi chungchang min hrilhfiah tur hian kan ngen a chutiang chu kan ram dinhmun a niin, power lama kan hmalakna hi a lawmawm hle in ka hria.

NLUP chungchangah kan sawi tam hle a, he house zahawmtak pawnah leh chhungah te leh chanchinbu lam ah te pawh, thu tam tak sawi erawhchu ka tum lova Pu Speaker, ka rilru a lo awm ve ka tehkhin thu phei chu a ni lo mai thei a hei hi a ni mitdel tihdam chungchang ka rilru ah a lo lang a, pharisai ten a tidamtu che hi misual tak a nih thu leh engmah sawi darh lo tura an tih pawhin, chu mitdel mit lo var ta chuan min tidamtu hi tu nge a ni ka hre hauh lo mai a, amaherawchu tunhma khan ka mit a del thin a, tunah erawhchuan ka hmu thei ta tih ka hria a tih ang deuh hlek kha niin ka hria. Vawiinah hian 2008 inthlan dawnah NLUP an ti thei dawn lo, khawi atang mahin pawisa an nei lo tih te, chumi hnuah P.M package a ni lo tih te, FAO te hi NLUP vanga lo kal an ni lo tih hi sawi sawi mahse Pu Speaker a dawngtute hi an lawm tak zet a ni. Chuvangin NLUP avangin an tling leh dawn an tih te pawh hi thil mak a ni hran lovin ka hria a. NLUP chungchangah tawite in kan tarlang duh a ni.

Tin, Pu Speaker, Special Area Programme chungchang hi a lawmawm hle in ka hria a. Kan House Leader leh kan Finance Minister zahawm tak hnenah lawmthu ka sawi nawn leh a ni. Decentralization of Powers te, Powers to the People han tih te Article 243 ZD ah te, India ramah hian mipuite hnenah, thingtlang mi te hnenah, village ah thuneihna te awm sela tih te hi India sorkar duh dan a ni a. Chumi tihlawhtlin theihna tura Decentralized Government kan neih theihna tur sorkarin ruahmanna a siam te hi a lawmawm hle in ka hria a. Hei Aizawl undivided District thinah District Planning Committee te dingin Nuai 500 tunah hian ruahman sak a ni a. Tin Lunglei High Powered Committee, Lunglei District tan Nuai 600 ruahman a ni a. Tin Sialkaltlang hmunte pawh nikum lamah ruahman a ni a. Tin budget pumpui kan neih hunah te pheih chuan hmasawna dangte pawh kan la neih belh turah ngai ila. Pu Speaker, tawite a kan han sawi zau duh a awm a, Lunglei High Powered Committee chungchang hi vawiin ah hian Lunglei District atanga lo kal ka ni bawk a Lunglei mipui aiawhin, District mipui aiawhin lawmthu ka sawi nawn a ni.

Kan House Leader zahawm takin ruahmanna a siamte, kum 1990, September 6 ah Council of Minister in a passed hnuah Lunglei High Power hi din a ni a. Vawiin ni ah chuan kum 23 hmel a lo hmu ta a. Hei hi tun sorkar kum 4 emaw lek chhung hian Vaibelchhe 32 chuang Lunglei High Powered Committee kutah hian he sorkar in pawisa a dah tawh nghe nghe a ni. Kan pi leh pu, Lal, lal lai hun atangin mahni a ro in rel hnam kan ni a. Chumi hnuah Sap, British, kumpinu sorkarin Mizoram min rawn awp ta a. Lushai expedition 1889 ah an lo chhuak a. Colonel Vincent Trigger a hovin Tlabung atangin Lunglei ah an lut a chuta tangin hmun hrang hrangah chuan Mizoram chu min rawn awp ta a. Pu Speaker, (Speaker : Minute 2 i la nei). 1891, April 1 Lunglei District leh Chhimtuipui District thin chu South Lushai Hills ti in Bengal sorkar hnuaiyah min dah a. Chutah chuan Superintendent in min awp a ni. Chu Superintendent hmasa ber chu Charlie Steward Murray Manliana kan tih kha a ni a. Sipai 529 a nei a. 1891 ah June 3 ah North Lushai Hills Undivided District thin a kha Captain Harbat Brown an min awp a. Political Officer niin sipai 500 a awp nghe nghe a ni. Tichuan Pu Speaker, a bul thum kan tarlan duhna chhan chu Chin Lushai Hills Conference vawi 2 na December ni 14 leh 18 chhungin 1896 ah Lunglei ah neih a ni a. Hemi tum hian North Lushai Hills leh South Lushai Hills kha Lushai Hills District ah siam a ni a. Lunglei District ah South Lushai Hills awp thin Superintendent pawh kha Aizawlah dah a ni ta a. Lunglei District chu Sub Divisional Officer in a awp ta a. Chin Hills chu Chin District chu Burma ramah hemi tum atang hian dah a ni ta a ni. Chumi atang chuan Lunglei District hian hniam lam kan pan zel ni a ngaih anih avangin mipui phunchiarna te, rilru damlohna te tam tak a awm a. Amaherawh chu kan hriat angin kan House Leader zahawm tak Pu Lal Thanhawla kaihruai sorkar hmasa ah Lunglei District ten a development in min thlawhkhum a ni min thleng ve lo a ni an tih chu kan House Leader zahawm takin a dik a ni tih hria in High Power Committee 1990 kum ah a lo din tawh a. Vawiin ah chuan a par kan hmu chho mek te pawh hi a lawmawm hle in ka hria a.

Nichina kan sawi tak ang khan tun sorkar kum li leh a chanve lek chhung pawh hian Vaibelchhe 32 chuang sorkar in hmasawna min pe a. Kan lawm tak zet a ni tih vawiin ah hian ka sawi nawn leh duh a. Special Development Initiative for Lunglei District, (Pu Speaker ka zo tep.). Vaibelchhe 104 chuang siamin kan House Leader ruahmanna in

nikum November 7 ah khan Prime Minister Office ah kan thelut a. Kan Prime Minister zahawm tak te, Union Minister engemaw zat in he project atana dilna an lo hmuh thu leh an bawh zui thu te pawh hi vawiin ni ah hi chuan ziakin kan Chief Minister hnenah an rawn hriattir in an rawn pe tawh nghe nghe a ni. Vawiin ah chuan sorkar hmasa kum 10 chhung khan khatih laia Chief Minister zahawm tak kha 2008 inthlan zawhah Lunglei ah a va kal a, Lunglei MJA ten engatinge kum 10 chhung Chief Minister i nih chhung khan Lungleiah zan 2 chiah i lo riah Lunglei min va ngaihthah ve an ti a. Chumi tuma a chhanna hnathawh tur a tam em a ka lo kal hmanlo a ni tih a ni a. Vawiin ah hian Lunglei mipuite rilru ah chuan sawihona hmasa hruiute khan inchhirna leh insiam that duhna leh Lunglei District mipuite tana hnathawh tumna awka la awm reng reng lo tih hi a chiang a. Chuvangin tun kumtawp lamah kan in thlan hun turah hi chuan MLA bial 7 ah hian Lunglei hmangaihtu sorkar bial 7 kan neih theih turah te pawh Pu Speker, kan ngai tawh hial a ni. Chuvangin Lunglei District ngaihthah thin tih kha vawiin ah chuan ngaihsak a lo ni ta hi kan lawm a. Kan Budget Speech ah tarlan anih avang hian pawisa tam tak ruahman a nih avangte hian Lunglei District atanga, tun hma-in Chhim lamah thluak a awm thin tih lo mu ta kha tunah hian kaihthawh mek a ni a. Zirlai ti tha te chawimawina, Sports lama ti tha te tan incentive cash award te kan siam a. Tournament lianpui pui te kan buatsaih a. Infrastructure tam tak vawiin-ah hian din thar a ni a. Zoram leh Zofa-te tan ke pen turin sawlamah sawn thluak kan recharge mek a ni tih Pu Speaker, vawiinah hian ka tarlang duh a ni. Chutianga kan kal chhoh chuan kan rama inrem lohna awm thin te, hleih nei bik ni-a inngaihna te leh tu tu ten emaw Lunglei District hi kan ngaihsak lutuk over ang a an tih thin te pawh hi Pu Speaker, a bul thum atang hian ngaihsak a phu a ni. Ngaihsak a phu ang takin Pu Lal Thanhawla kaihhruai Sorkar in a ngaihsak a. Kan Finance Minister zahawmtak in chumi ngaihsakna lantirna atan chuan sum leh pai tam tak vawiin-ah hian min pe te hi kan lawm tak zet a ni tih ka'n tarlang a ni. Ka lawm e.

**SPEAKER** : Pu Nirupam Chakma i lo ko ang.

**Pu NIRUPAM CHAKMA** : Pu Speaker, hun min pek avangin ka lawm e. A hmasa bera ka sawi duh chu kum 33 hnu-ah hmanni lawkah kan Finance Minister zahawm takin District Treasury Chawngte-ah min hawn sak a. Kum 33 hma-a sanction a ni a. Hnathawktu pawh appoint vek tawh a ni a. Mahse, hawng thei lovin kan awm a. Tun tuma Record siamtu kan Finance Minister zahawmtak hnenah hian CADC mipui aiawhin lawmthu ka sawi hmasa a. Tin, Pu Speaker, hawn mai a ni lova, a function a ni. Chuvangin Budget atangin Chawngte mipui hian kawng tam takah an chhawr a ni tih kha ka sawi duh hmasa a.

Tin, Primary Health Centre (PHC) hmanni lawkah khan Borapansuri-ah kan Health Minister zahawmtakin min hawnsak bawk a. Kha pawh kha rei tak function lovin a awm a. Tunah a function thei ta a. PPP mode in CADC Sorkar leh Mizoram Sorkar tangkawpin tunah a function thei ta hi CADC aiawhin lawmthu ka sawi duh a ni.

Pu Speaker, NLUP chungchangah – Kan inthlang dawn a, NLUP Second Phase Sorkar in a sem mai turah kan ngai a. Ama'rawh chu, Second Phase first installment Agriculture leh Veterinary Department hian an sem hman lo hi paw ka ti hle a. First installment hi a rang lamin min sem sak sela. Inthlanah advantage kan nei deuh ang a. MNF

duhdan ni lo hian. MNF leh mi dangte pawhin sem kha an duh vak lova. Ama'rawh chu, Inthlan zawh veleh min sem sak sela a tha khawp ang. Tin, Election Commission in cash assistant distribution kha a khap tawh a. Chuvang chuan, tunah chuan tihngaihna a awm tawh lova. Inthlan zawh veleh hei hi Department min la pe lo te chu Agriculture leh Veterinary ahte hian a rang lamin hma la se tih ka ngen a, beneficiaries an tam si a.

Pu Speaker, vawiinah thil tam tak sawi tur a awm a. Ama'rawh chu, ka sawi tur zingah thu pawimawh tak Law College leh Mizoram Law College leh Kalamangar chungchang ka sawi duh a ni. Pu Speaker, he College pahnih hi Mizoramah deficit college neih chhun a ni a. Mizoram deficit college tam tak provincialized an ni tawh a, hemi college pahnih chiah hi deficit a la awm a. Hemi chungchungah Session hmasa leh nikum lamah te pawh ka sawi tawh a, provincialization chungchungah, Sorkarin seriously-a ngaihtuah a ngai a ni. Tun dinhmunah chuan deficit college-ah contributory fund an nei a, Mizoram 10% share pek a ngai a, Sorkar college-ah chuan pek a ngai lo, senso a awm lo a ni. Mahse, deficit college anih avangin 10% contributory fund share kha pek ngai anih avangin he deficit college-ah hian senso kha a tam zawk a ni. Tin, medical reimbursement te pawh college-ah zirtirtute hmuh ang kha an hmu tho a, engmah danglamna a awm lo. Tin, recruitment chungchungah Kalmalnagar College chu sanctioned post pawh 33 a awm a, a filled up vek tawh a. Tin, Law College-ah khan Principal 1 leh regular staff Lecturer 7 leh mi 5 dang chu regular lo an lak a ni a, non-teaching staff 19 an awm a. Kamalanagar college-ah pawh non-teaching staff engemaw zat chu an awm a. Chuvang chuan, provincialize mah ila, chuti vakin senso kha a awm dawn lova. He thil hi Sorkarin khawngaihtakin kuminah ngei provincialize sela. Chutichuan Mizoram College zawng zawng hi provincialized a ni tawh anga, deficit tih kha hman a ngai dawn lo a ni. Pu Speaker, he college pahnih hian UGC grantte pawh an dawng ve a ni. Chuvang chuan Government College nen engmah danglam vakna a awm tawh lo a ni. Amaherawchu, a danglamna chu Job Security kha a awm tawh lova, pension chungchungah te danglamna a nei a, hmanni lawkah Kamalanagar college-ah Lecturer pakhat a thi thut a, chutiangah chuan an chungte pawh an mangang hle a ni. Pu Speaker, hei hi vawi tam tak ka sawi tawh a, hetiang a sawi thei tur hian House-ah chance hi a bikin ka nei tlem mai thei a ni. Saw tah kan chhim lamah election kha a awm a, keipawh hi candidate-ah ka tang mai thei a ni. Chu chu zep tur a awm lova, chuvang chuan tun Budget session pawh hi ka tan chuan a hnuhnung ber a ni mai thei a ni. Chuvang chuan, chance ka neih dawn loh avangin, i may not have more chance to speak on the Budget speech discussion. Chuvang chuan he thil chu Minister zahawmtakin chak takin kan Sorkarah bawhzui sela tih kha ka sawi duh a. I have a very personal emotional attachment in these two colleges. Kalmalanagar College Chairman ka ni bawk a, Sorkarin min dah a. Tin, Law College-ah kha chuan ka zir chhuak a ni. Chuvang chuan personally pawn ka duhsak em em a, MLA angin he House-ah sawi theia ka a awm hi ka lawm em em a ni. Pu Speaker. Tin, NLUP chungchungah 1 lakh 50 thousand tunah sawrkarin a target a ni a, kan member zahawm tak tak te sawi ang khan 1 lakh 50 thousand chu Congress chungkua ah Mizoramah a awm lo in ka hria, chuvang chuan he thil hi sawi sawi a ngai lo, Congress ringawt an ni lo, midang NNF leh MPC te pawhin an dawng vek a, tin kan sawrkar leh zel dawn a, a la dawng tur te pawhin NLUP an duh chuan Congress vote mai ula, Congress an vote mai loh chuan MNF policy ah NLUP a awm si lo a, ZNP lah sawrkarna la tur chuan ka distant dream ah pawh ka hmu lo reng reng. Chuvang

chuan inthlan na ah Congress an vote mai loh chuan NLUP hi a tawp hun a awm anga, problem tam tak a awm phah anga mitam takin an dawng thei lo ang. Pu Rama te pawh a bel a duh chuan Congress mai rawh se. Pu Speaker, sometimes the politicians also cut jokes but it is not a joke, I speak very seriously, a tawp berah chuan Pu Speaker, thil pakhat chiah ka sawi duh chu, Mizoram Health Care Scheme chungchangah khan RSBY, keini bial angah te chuan registration an ti lo, chuvangin khawngaih takin hun kha hawn belh sela a tha khawp ang. Tin, result frame work documents sawrkar tih chakna tur hmanrua atan ti a, paragraph 67 a Finance Minister zahawmtakin hei Budget speech ah a sawi hi tha ka ti a, 'Central sawrkarin 11<sup>th</sup> Sept,2009 atan khan performance monitoring and evaluation system tih chu sawrkar department hrang hrangin an tih tur an tih that tawk leh tawk loh teh nan an hmang a, TMES hnuaih chuan department tinte khan result framework documents siamin hetah hian kum khat chhungah an department-in tih tur leh tih tum pawimawh deuh deuhthe dah tur a ni,' tia a sawi hi ropui ka ti a,hei hi thil thar a ni. Budget sawrkar kalphungah leh financial management ah thil thar, policy thar a nih angin Mizoram sawrkar pawhin a adopt a ni tih kha a sawi leh a, hemi chungchangah department hrang hrangah official te leh MLA te pawh eng emaw orientation course angin training min pe ta se a tha khawp ang. Ka lawm e, Pu Speaker.

\* Speech not corrected.

**SPEAKER** : Member zahawmtak kha Chakma Autonomous District Council lamah Leader-in a phal chuanin candidate nih a tum hle ni awm a ni a, kum 5 vel sawta a va service hnuah pawh House-ah a lo kir leh ang chu mawle, bye bye mai lovin. Awle tunah Pu C.Ramhluna.

**Pu C.RAMHLUNA** : Member zahawmtak Pu Nirupam a kha saw lama tlin a tum a nih chuan min tih that deuh a ngai maithei a, a chhan chu a bial leh ka bial kha a inhnaih si a, chungkhat laina vek kan ni a, chuvang chuan ka tanpui thei maithei a ni. Pu Speaker, tun tuma kan session ah hian full budget kan han sawi tur hi a khingbai riau in ka hria a. A chhan chu Constitution article 202, 206, 207 te kan han en khan a full budget tak tak, pawisa hmuh tur zat kan hriat hmaa hetiangah budget a full a han tih hi tih ngai loh thil kha a ni a. Keini pawh hian kum 3 lai kha vote on account a kan lo tih tawh kha a ni a 2010-11 te, 2011-12 leh 2012-13 te kha Planning Commission in kan allotment kha an la tih fel loh avangin vote on account khan kan ti thin kha a ni a, kumin hi engtizia teh reng nge ni full budget, Planning Commission atanga pawisa kan hmuh tur zat pawh hriat hma a kan han ti tlat hi hriatthiam a harsa ka ti a. Ding lam a mite kha tlem in an ral a ti ta emaw ni aw tih te ka ngaihtuah a, tianga crore 2300 nikum ang level a min han sawipui na chhan pawh hi khatiang te vang kha emaw ni aw te ka ti a. Chumi vang chuan hei annual financial statement te pawh hi han en ta ni ilangin hriatthiam a harsa a. Tin, chubakah chuan a figure te hi a ngai put put deuh khan a awm deuh vek mai a. A chhan chu Planning Commission-ah khan kan va kal ang a pawisa engzat nge kan hmuh dawn tih kha a hriat si loh avangin a figure hi dah hleih theih pawh kha a ni lo reng a. Chuvang chuan duhthusam a han sawi pawh a harsa ka ti a, vote on account chu nisela duh thu a sam deuh hlek tur tih kha kan sawi lawk duh a. Tin, chubakah chuan Deptt. 38 lai mai kan han study a, hetiangah a han dahah hian Demand for Grant-ah te pawh khan en ta ang ila, deptt., 34 kha chu a tlahniam vek a, deptt., 4 kha a ngai khan a awm ta

taw kha a ni a. Hetia han ngaih mai chuan Planning & Programme Implementation Deptt.-ah khan pawisa kha a in park vak ta mai kha a ni a, vaibelchhe 945.35 a in park ta a. Hetia han ngaih mai chuan NLUP kha 370 crore kha in ear-mark anih si chuan khami kha paih ta ang ni ula 575.35 crore a kha chu State Matching Share atana pawisa in duh zat a kha in dah fel hnuah, NLUP nena in dah fel hnuah khan a balance kha chu Deptt., hrang hrangah khan sem theih mai awm tak a ni a. Nimahsela in sem ta baw k si lo va, heti hian PIP ah hian in park ta vak a, kha khan nasa takin discussion hi a ti khingbai viau in ka hria a, chu chu Pu Speaker kan sawi duh a ni.

Tin, Annual Financial Statement han en vang vang hian thil pahnih khat han sawi chian han sawi deuh hlek duh ka nei a. Hei State own tax revenue hi en ta ni ilangin, hei taxes on vehicles-ah te pawh hian nikum kumin kal laiah hian nuai 2317.93 kha in hmuh theih laiin, kuminah hian in 2051chauh kha in estimate ta angte pawh hi full budget kan sawi hleih theih loh avanga hetiang a lo kal ta emaw ni aw te ka ti a.

Tin, chubakah chuan hmanni khan Special Plan Assistance for Road Development-ah te khan kumin chhungah hian 200 crore kha in dah kha a ni a, hei hi Pu Speaker, han hriat chian kan duh em em mai a, a chhan chu hemi SPA for Road project road development hi Planning Commission in a conditional nei a a approve tawh sa kha Finance Ministry khan in a phalsak leh ta lo ni a hriatna kan nei a 200 crore a hi. Hei hi chianguang deuh hleka in hriattir nisela a tha in ka hria a, 200 crore hi tunah hian sanction a ni ta em? tih te pawh hi han hriat kha a chakawm in ka hria a, chu chu Pu Speaker kan sawi duh a. Tin, chubakah chuan kan House hian Contingency fund atan khan 200 crore a kha dah kan nei reng a. Nikumah khan in dah reng a hman pawh in hmang a. Nimahsela kuminah hemi Contingency Fund-ah hian cheng khat mah dah an ni ta lo hi engnge ni a chhan tih kha kan hre duh baw k a. A chhan chu Contingency Fund hian nasa takin sorkar hnathawh pawh kha a ti awlsam a. A bik takin Centrally Sponsored Scheme te hi two installment te a pek tih lampang a sanction an hmuh tawh kha chuanin 1<sup>st</sup> installment piahlam pangah pawisa hman tulna angte lo awm sela, hemi contingency fund atang hian lo hman lawk kha theih kha ni a. Mahse, hei dah a ni ta miah lo mai a, nikumah chuan in hmang tangkai viau si a. Henglai te pawh hi Pu Speaker, kan tul ta lo nge nia, dan kan nei reng si laia hetiang a kan dah ta lo te pawh hi hriatthiam a harsa ka ti deuh hlek a. Chu chu Pu Speaker, ka han sawi duh a ni.

Tin, chubakah chuan hei receipt budget hi kan en vang vang ta a. Receipt budget atang hian thil han sawi chian deuh ngai awmin ka hria a. State on non-tax revenue ah hian nikumah khan budget estimate ah cheng nuai 2290, sing 2 leh sang 2, 942.99 lakhs dah anih lai khan in revise ta vak a. Tichuan, nuai 20675.17 chauh kha in revise khatah khan a kiam ta duai mai zawk a. Kumin ah hian budget estimate ah hian nuai 26600 kha in dah leh ta baw k si a. A tira nikumah khan 22942.99 a pawh kha in phak loh si lai khan 26600 han dah tak duai mai hi kan budget estimate hi a sang lutuk mai awm mange hei hi a ngaihtuah awm deuh ang em? tihte kha ka ngaihtuahna ah khan a awm a. Tin, chubakah chuan hei devolution of central taxes and duties ah hian nikumah khan nuai 8100 leh 81371 kha dah anih lai khan 79264 hi revise estimate ah khan a rawn lang ta a. Hei hi tunah hian March kan kal tawh mek a. Chuvang chuan hei hi kan hmuh theih turah kan han ngaihsak cheu a, chutihlai chuan



budget estimate ah khan crore 935.66 kha a lo lang ta duai mai a. Hei hi a harsa lutuk ang em tihte kha ka ngaihtuah a Pu Speaker, hun a van tlem dawn ve? Chu chu rilru ah khan a awm a. Kha kha kan sawi duh a. Tin, chubakah chuan hei hmanni khan entertainment tax kha kan pass a, a act a kha. Nikumah khan nuai 59 kha kan la lut a, entertainment tax atang khan kumin ah hian a ngai tho kha kan dah ta a, khami kan pass lai khan hemi pass anih chuan another 15 lakhs a kha kan hmuh theih ang tih kha finance memorandum ah khan a lang ta lo si a. Chuti anih chuan 74 lakhs kha niawm tak a ni a. Hetah hian 59 chauh kha a rawn lang leh ta bawk si laite kha keimahni own statement leh kan act ten en pawh khan a in tally lo a ni deuh lo maw tih kha ngaihnan a awm a, kan sawi duh a ni.

Tin, Pu Speaker, kan sawi leh duh chu, hemi employment status hi han sawichhuah lawk ka duh a. Hemi salary and employment a lehkhabu min pekah khan sanction post hi 52107 tih khan ziah a ni a. Mahse an chhutchhuah chian chuan Group A,B,C,D ah khan 52134 kha ni zawkin alang a. Chuan, post fill-up a hi 44819 kha a ni ta a, chuan post vacant kha 7315 kha a ni ta a. Tichuan, hemi atan hian kan chhutchhuah mai mai ah hian plan post a ni a, 15% vel hi kan hmang niin a lang a kan plan budget atang hian. Chu chu a sang teh chiam lo a. Nimahsela, thil pakhat ka ngaihtuahna a awm chu District Council ah hian post a lo tam em em mai a, District Council pathum hian post 8578 hi sanction post kan nei a. Hemi atang hian post 6182 kha an fill-up a, khami atang khan 2396 kha fill-up loh khan a awm ta a. Chuvang chuan, hengte pawh hi enchian deuh a van tha awm e, a tam deuh a ni lo maw? District Council te tak te 3 a post sang riat leh ti zet han neih a kha Pu Speaker, kha kha kan sawi duh a.

**S P E A K E R** : Tawp tum deuh hnai tawh rawh aw, nimirah hun tha in nei a, in sawi tha duh mang si lova.

**Pu C.RAMHLUNA** : Awle, chuan Pu Speaker, kan plan pundan hi han sawi mai mai ka duh a. 2005-2006 ah khan 11% khan a pung ta a. 2008-2009 ah khan four figure budget kan neih chiah chiah kum kha a ni a, chumi ah chuan 17.65 in a sang ta a. Tunah hian 33.3% in kan pung ta a. Khalai ah khan NLUP han paih khan Plan Budget chhung a awm avang khan a punna hi kumin chhungah pawh hian 13.3% a sang a ni tih kha Pu Speaker, ka sawi duh a. Kan Gross Domestic Product hi lawmawm em em a ka hriat chu, tunah hian 10% in kan thleng chho ta a. 2008 leh 2009 ah khan sorkar thar a lo pian chiah khan kan GSDP kha 8.97 a ni a, tunah hian 10% in kan lo awm ta a. Nimahsela, Plan Budget a punna hi 2008 – 2009 kan chhut chuan one and half time in a pung tihna a ni ta a. Khami anih kha chuan GSDP pawh hi khatiang level a han pung ta nisela chuan hemi Plan Budget punna hian awmzia a nei turah ka ngai deuh hlek ang a.

Chumi bakah service sector hian 60% kha a contribute tlat a. Industry sector in 22%, Agriculture Sector in 18% a ni a. Tuna kan NLUP pawh hi Industry leh Agriculture sector a mi kha a ni a. An contribution a hi 40% a mi hi a ni a, 60% hi chu transport te, storage te, trade te, hotel te, restaurant te khatiang thawk leh sorkar hnathawk ho kha a ni ta a. hei hi 40 economy a ni a. Helai ah hian Pu Speaker, kan growth rate pawh

hi a san dan hi sustain deuh hlek sela, nghet sela, sound growth part a kha kan zawn a tulin ka hria a. Pu Speaker, ni e, Health Care case chungchang thu te pawh sawi ka duh khawp mai a, mahse, Demand for grant ah khan kan sawi chho turah ngai ila, a tha ang e. Hun min pek belh avangin ka lawm e.

**SPEAKER** : Pu R.Lalrinawma.

**Pu R. LALRINAWMA** : Pu Speaker, ka lawm e. Tun sorkar term tawp lam Budget hnuhnung ber kan sawiho ta a. Tun sorkar ministry buaina leh harsatna nasa lutuk awm lovin, a ministry leh a mimal ministry kengtute angah pawh han puh mawhna tur emaw, ram pum nghawnga han sawiselna tur emaw awm lova vawiinni thlenga tluang taka Budget hnuhnung sawiho theia kan awm hi a lawmawm ka ti a. Thlamuang takin, nimin lamah Pu Speaker, i vei lam atang te pawhin ram a ralmuang a, lawmawm kan ti, tih an rawn sawi a. Chutih rualin politics ah erawh chuan ralmuang lo, tih te kha a rawn ri a. Amaerawhchu, he lamah erawh chuan politics a ralmuang a ni. A thlamuan thlak hle a, Politics a ralmuang lo te chu an awmna party a ralmuang lo party, a an awm vang a ni ang tih kha a ngaihtuah theihin ka hria a a. He lamah rawn phei ve se, thlamuang tak leh ralmuang takin an awm ve mai ang tih kha ka chah duh nghal a ni.

Pu Speaker, lawmthu sawi tur tam tak a awm a, kan member pui te tam takin lawmthu sawina te an sawi tawh a, an sawi hnu te pawh han sawi nawn leh nawk nawk a ngaiin ka hria a. A chhan chu a lawmawm em avangin. Bible ah pawh 'Lawm fo rawh u, ka ti leh pek thin ang, lawm rawh u', tih te, 'Bang lovin lawmthu hril rawh u,' tih te a awm kha.

Chuvang chuan, hei, 2012-2013 chhunga kan Annual Plan punna vaibelchhe 2300, hemi a punna hi a hma a kum nen tehkhin chuan 35.29% a lo pung te hi a lawmawm a. Kum 1987 State kan nih atanga Annual Plan pun san ber a ni a, heng te hi lawmna chang kan hriat a tul a. Ka hma lawkah khan an sawi a, a pung a, pun chu, mahse, 'NLUP hi paih ta ila' an han ti tal mai a, Budget hnuaiyah mipui chan tur lo awm ta, paih duhna tlat thinslung vawiin ni thlenga a lo awm te hi a vanduaithlak hlein ka hria a. Mipui chan tur Budget ah a lo awm ta a. Budget pawh a lo pung ta a, 35.29% lai a lo pung kha mipui chan tura lo pungah khan mipui chan tur tam tak a lo awm tak vang a ni a khami paih a chhut tum tlat mai rilru kha tha lo in ka hria a. Tin, Planning Commission of India report kum 2002-2007 inkar Mizoram thanna 5.1% a nih laiin tun Ministry hun tam zawk 2007 – 2012 inkar a thanna 8.87% a thanna a lo ni te hi a lawmawm a. Tichuan 2012 – 2013 chhunga ram pum thanna 5% chauh anih laiin Mizoram thanna chu 10.37% a lo ni a, heng avanga India Today in Best Performing State in Investment among small State lawmman min han pek te hengte hi sawi nep chi a ni lova. State tam tak record tha lo lama record an neih laia lawmman dawng tlak a he Ministry in a kaihruai hi sawi nep chi niin ka hre lova. Tin, kan sum leh pai dehchhuah GSDP kum 2012-2013 chhunga a thanna kum hmasa lam aain 15.74% a a lo pung te hi a lawmawm a. Kan Finance Minister zahawm tak speech a para 39-na a hmasawna

hna a tam thei ang ber thawhna tura capital expensive tam thei ang ber dah tum a ni kha a lawmawm ka ti a.

Tin, vote on account in kan kal thin a tun tumah erawh chuan Planning Commission in kan sum tur la bithliah lo mahsela full budget a kan han kal thei tur hi a lawmawm a member tam takin lawmthu an sawi tawh a. Pu Speaker, i veilam a mite hian vote on account a kan kal hian full budget in kan kal lo sawi tur a awm lo an ti thin a. Vawiinah full budget in kan kal a vote on account chu nisela sawi tur a awm tur an ti leh si a chuvang chuan an thu leh ui beng a hlin tur a awm lo in ka hria, Chuvang chuan full budget a tlai a hmasawna tur hna tam tak a tlai thin zia hre tu vek kan ni a, vote on account a kan kal chuan loh theih loh a thla thum thla li vel sum kan mamawh salary atan te kan pass chauh thin a ni a tunah erawh chuan 2013 -2014 kum thar tir te atangin hmasawna hna a thawh theih dawn a ni a heng hi a lawmawm em em a, a punna bithliah fel anih hnu ah phei chuan Supplementary Grant-te kha thun luh leh mai tur a nih thu te kha Finance Minister Speech ah te khan a lang a.

Tin, Pu Speaker, a lawmawm ka tih em em chu plan expenditure, mumal taka plan pawisa hman a nih nan a Department zawng zawngte chu anmahni inenkawlina tur bik atana senso tur chu plan hnuiaia post awm zawng zawng hlawh tur zat bithliah atanga za zel a chhut tur hei hi lawmawm ka ti a, hei hian plan pawisa atanga inrelbawlina lam senso tih tlem leh hmasawna hnathawhna tur atana sum tam zawk dah a nih theihna tur a lo ni a. Tunhmain Budget-ah sum tam tak tak kan pass a sorkar hnathawk hlawh ah tam tak a kal a, inrelbawl nan tam tak a kal a, hmasawna hnathawhna tur a tlem a ni kan ti thin a, tunah erawh chuan Budget mumal takah hei Plan pawisa hman na daihzai zawk leh mumal zawk a nih theihna atana hmasawna hnathawhna tur a tam zawkna atana inrelbawlina kha hlawhbi atanga za zela chhut tur., Plan atanga hlawh la te khata tanga za zela chhut tur a lo ni hi lawmawm ka ti a. State intodelh lo kan ni a kan hre theuh a, tah chuan Sorkar Department te inrelbawlina atana senso nasa lutuk te pawh hi kan tih tlem zel a pawimawh a ni, kan ram kal zel turah. Heng stationery atana kan lei vak vak te, ren lo baksak a paper kan hmang te, hengte pawh hi kan inrenchem deuh deuh pawh hi kan ram tan, chu chuan hmasawna hnathawhna tur atan sum kha a kal theih phah dawn a ni tih kha he House kaltlang hian Department a Sorkar hnathawk zawng zawng te pawh ka'n chah ve duh a.

Tichuan hei Sport discipline hrang hrangte tan khawvel el phak tura hmanrua leh infiamna hmun siam tura hmalak siam tura hmalakna te kan hmu theuh a, mit pawn kan hmu a, kum 2016 Rio De Jenairo a summer Olympic neih tura kan thalaite a tam thei ang ber tel theihna tura Vision 2016 kal pui an ni te hi a lawmawm ka ti a, Aizawl Civil Hospital a tawt em em a, damlo tamtak in khum te an chang lova, chungte kan harsatna hria a, he sorkar ina Referral Hospital lo hlui hlawn der tawh, Broiler Ar vulh nan te a hman leh tuna kan sorkar hnuah pawh hman tangkai tum a IR Batallion te awm nan te va hman mai

mai a kha tun kan Ministry in a cheitha a, damdawiin atana hman tlaka a chei ta leh Hospital department tam tak an sawn phei tan a. Tin, Medical College te hial ni tura an han chhawp chho te hi a lawmawm a, hemi tihlawhtling zel tur hian nakin kan hma lawka inthlan lo awm turah pawh he sorkar hi mipuite hian an beisei leh dawn a ni tih hi a chiang em em a, tin, kut hnathawktute beidawng kawng zawh thawm te a awm ta lo. Chumi chu sawi loh, January ni 14, 2013 ah kut hnathawktute ni hman a lo ni a, chawimawina te neih te a lo ni ta te hi a tha em em a ni. Tin, kan State sum leh pai dinhmun ngelnghehna tura a siamthatna ngaih pawimawh anih thu te a lo lang a, hengah hian ka sawi tawh ang khan State intodelh lo kan ni a, heng ration buhfai subsidy a a nawlpuia kan han dawng te hi ennawn a tul a ni. Hengte pawh hi huaisen taka sorkar hian a tih a tul tawh a ni. Subsidy atan sum tam tak tak kan seng a, khang kha mi lian tak tak mamawh lemlo te thleng pawha subsidy kan intum sak hi state dangte pawhina an tih ngai loh a ni a. Tin, Governor speech ah khan ka sawi tawh a. Result frame work document chungchang hi hei a lawmawm em em a, department te tihdan phung leh kaldan phung pangngai naran atanga tih tum leh hlenchhuah chur hresa kalphunga an kal chho tur hi a lawmawm a, chu chu tehna result frame work document hmanga tih tur an ni dawn te hi Central chuan lo tih tawh pawh nise, kan state tan chuan thil thar hmasawna a ni. Tuna sorkar hmalakna hi hmasawna thar a ni. Tin, central scheme tamtak heng NRHM kan tih te hi central sorkar hmalakna nimahsela a tak taka kalpuitu state sorkar te kalpui danah hian a hlawhtlinna leh a hlawhtlinloh na hi a inngat thin a.

Pu Speaker, i hriat angin sorkar hmasa kum 10 chung khan heng central scheme tam tak, police modernization tih te pawh a khawloh dan leh a hlawhtlin loh dan kan hria a, vawiin ni thlengin RGGVY an tih hemi kan mamawh em em thingtlang electric pekna turte pawh tih khawloh a ni a. Tin, NREG an tih ni 100 inhlawhna te pawh mumal lo taka kalpui a ni. Tin, Central scheme helaia kan buaipuia hi state sorkar, a taka kengkawh tutena kan kenkawh danah hian a hlawhtlinna leh a hlawhtlin lohna a awm avang hian heng NREG kan tih te, NRHM kan tihte, Police Modernization kan tih he sorkar ina mumal taka a kalpui a, he ram tana hmasawna thlentua a lo ni thei hi a lawmawm ka ti a, revenue 381.81 surplus vaibelchhe 81.81 te pawh hi a lo lang a, hengte pawh hi lawmawm tak a ni. Tin, industrial policy 2012 hmangin Industry lama eizawngtute hmasawna tur te pawh a lo lang a. Sawi tur tamtak a awma, Power lam leh NLUP te chu kan sawi zing a ka sawi hman tawh lo ah ngai ila, NLUP chungchangah pakhat chauh sawi ka duh erawh chu Pu Speaker, Governor thusawi laia NLUP avanga helaia i veilama Party thenkhat ten House an chhuahsan lai khan pawn lamah NLUP avangin MNF an lo chhuahsan ve mek a ni tih kha kan sawi duh a ni e, ka lawm e.

**SPEAKER** : Awle, minute 2 kan pek belh che a ni. Tunah chuan Pu Lalrinmawia Ralte i lo sawm ang.

**Pu LALRINMAWIA RALTE** : Pu Speaker, ka lawm e. General discussion-ah hi an sawi tur a tam lutuk a mahni hriatthiam dan tawk te te ah han sawr zim ila demand sawiho hun ah a Minister bill leh Department bil ang a lawm thu sawina leh fakna thu te sawi tum zawk ila tiin ka lo in siam rem ve a. Ka sawi lan hmasak duh deuh chu kan Ex-MP

zahawm tak Dr.R.Rothuama nen Delhi ah kan in hmu a, a ni hi thin cancer a ni a. Chuta thil min chah chu, “Mizoram khi lo in ngai hniam lutuk suh u in sawi chhiat leh in ngaih hniam khi kan ching a kan MP tirh te leh a hnu ah te Nagaland ah te ka han kal thin a khang lai hunah khan Nagaland khi khitah an awm a Mizoram chu khu tah kan awm a hei i rawn hmuh ang hian Nagaland atanga an officer lo kal te Central sawrkar Jt. Secretary ni mai tur pawh kan in hmu a, an titi velah Mizoram chu khitah an dah tawh che u a, an ni chu khutah an indah ve tawh ania hei hi lo hria ula in ngai hniam suh u thil in la ti thei leh zual zel thei a ni tih hi hre reng rawh u” min ti a. Kan inlen pawh thin a. Kan veteran politician te an ni a zawm tlak niin ka hria a, ka’n sawi duh a ni. Kan sawrkar tirha Associated Chambers of Commerce & Industries of India in lehkha an rawn thawnah pawh khan, “Thil hi tha leh zualin kan ti thei a ni,” tih Slogan te hi sorkar chher sela tih te pawh hi an duhthusamah a rawn tel a. Vawiin ah hian kan Finance Minister zahawm tak speech ah leh document hrang hrang kan hmuh atang hian thil hi Mizoram leh Mizoram sawrkar hian Mizoram kan ti tha ve thei a ni tih hi a lang in ka hria, kan la ti tha zual zel thei a ni tih pawh hi a langin ka hria a chumi zawng chuan infuihin “Chawimawi kawngah chuan in duhsak tawn ula,” tih kan Pathian thuin a sawi ang deuh hi he House zahawm takah hian kan tih rik taimak tlan deuh pawh hi kan zavaia that tlan nan a tha ang a tih kan sawi duh a a ni. Kan Ex-MP zahawm tak thu min chah ang khan.

Ka sawi leh duh chu NLUP hi a ri hrim hrim pawh hi a ning te tan chuan ninawm tling pawh a ni roh a Campaign lai atang tawhin kan sawi a. Nichina ka sawi ang khan kum 2009 June ni 8-ah khan Associated Chambers of Commerce & Industries of India Secretary General D.S. Rawat-an kan Chief Minister hnenah lehkha a rawn thawn a. Chutah chuan Central a UPA-II sorkar lo ding thar tan leh State a sorkar thar lo ding tan short term medium term leh long term atana agenda tur an duhthusam an rawn ziak phek riat naah khan Chiang deuha lang chu, Indian Agriculture that loh em em na chu Za zela sawm ruk zet Agriculture a an awm lai hian an sum deh chhuah erawh chu za zelah cheng sawmhnih panga chauh a ni a, hei hi sorkar hian a thlak dang lam a ngai a ni. Chutianga thlak tur chuan Farming hrim hrim hi sum la lut zawnga her a ngai a, tin farmer te pawh hi eizawna hlawk zawk ah agriculture ni lo ah sawn an ngai a ni tih kha a ni a. Hei chiah mai hi tuna Pu Lal Thanhawla hruai Congress sawrkar in Mizoram ah a kalpui ta a ni tih hi an lo hriat ka ring a. Tin, nakinah chuan, he an agenda vanga ti hi chu kan ni miah lo kum 2006- 2007 chho atanga he Manifesto leh Programme a hi duang an ni a Congress Party chhungah khan, hemi India ramon kan buaipui em em Agriculture a hnathawktute dinhmun chhe lutuk chawi san tulna an rawn sawi hi he kan sawrkar hian chak takin a kalpui a, rah duhawm tak a seng mek a, kalpui zel leh chhut zui zel a tum a ni tih hi hriattir let ve a chakawmin ka hria. Mizoramah hian kuthnathawktu chhungkua 1,20,000 vel kan han in ti ringawt a amaherawhchu a tir kum hniah khan chhungkaw 96,139 lutin tuna kan thlan leh mekah hian 29,862 a ni a, hei ringawt pawh hi chhungkaw 1,26,001 a ni tawh a, mahse belh a la ngai tlat a, chhungkaw 15,000 zetin. Tichuan han belkhawm ta ila chhungkaw 1,41,001 tuna kan han ruat chhinah hian a ni ta a. Population nuai 11 vel awrhah chuan a tlangpuia chawhruala chhungkaw khata mi panga awmin chhungkaw 2,20,000 vel chu a ni ang e ti angin ngai ta ila a dang NLUP dawng tur lo hi 80,000 vel chu an awmin a lang a. Tichuan, kan Finance Minister zahawm tak thusawiah khan 60% zet te hian Mizoram

GSDP a 18.68% chauh mai an thawk chhuak a ni tih hi a lo lang a ni. Chuvang chuan, kan rama kuthnathawktute dinhmun chhiat zia hi kuthnathawk ngai lo te emaw, vawiina kuthnathawka inngahna pakhatmah neilo te emaw tan chuan hriatthiam chi a ni lo reng reng a ni.

Tin, Political Party-te pawn dik tak chuan kan ngaimawh a, kan campaign a, khawngaih pawh kan khawngaih a, dawm chhuah pawh kan duh vekin kan insawi a. Thintlung tak paw'n kan ti hlawm pawh a ni ang. Amaherawhchu, rinai tak chuan heng chhanchhuahna tura hnathawh hi a har a ni tih sorkar kalliam ta MNF kum 10 chhungah pawh khan a hriatchian em em a ni. "NLUP ang mai mai khan kan ti lovang tiin," a leta sem tum angin programme te chu han duang mahse a theih lova, thil harsa tak a ni.

Tunah hianin vanneihthlak taka central sorkar thatna zarah, kan kut hnathawktute chhanchhuahna hna kan han thawh sak a zar an han zo thei hi i lawmpui phawt mai ang u tih hi kan sawiduh a ni. Thingtlang mi kan ni a, thingtlanga in leh lo nei kan la ni a, thingtlang kuthnathawktu fa kan ni bawk a, kan hrechiang khawp mai. Kuthnathawktu fa MLA zingah pawh hian kan awm nualin ka ringa vawiin ni thleng hian. Thingtlang mipuiten inngah nana an hman zia, hei hi Tlumtea thlir taka an thlir zia hi zuk hmuh chuan development ropui tak amah ngawtah hian state dangte hmalakna, eng engemaw project vaibelchhe sang tel an khawihte nen a zuk khaikhin chi pawh a ni lova. Chhungkaw khat nuai khat emaw, nuai khat aia tam emaw nuai khat hnuai hret emaw a khaichhuah tum hi sorkar hnathawk zingah thla khata nuai khat chuang hlawh an tam mai chutiang anih laia cheng nuai khat vel hmanga dinchhuah tuma thi leh thau pawlha an beih mek lai hi chuan a phur zawngin, a thatho zawngin lo fuih tlang theuh thei ila, kan zavaiin party te pawh ram hmangaihtu kan ni kan ti a, kan ni vek bawk a; chu chu kan mawhphurhna niin ka hria a. Chu chuan kan hmangaih kan mipuite tan hian rahchhuah tha a chhuah ka ring a ni.

Sorkar leiba chungchang hi han sawilan leh lawk ka duh a Pu Speaker, kum 2002-2003 chhovah 84.6134% ah 87.4689% kum 2004-2005 ah 93% 2005-2006 ah 93% kan dehchhuah cheng 100 zelaah cheng 93 te leiba nei chhovin sorkar hmasa hunah khan 100 a 90/89 bawr velin hun kan hmang tawp a. He sorkar lo din tirh atang khan GSDP leh leiba a ratio a lakin a tlahniam ta zar zar a. Tunah hian 13<sup>th</sup> Finance Commission ina min beisei dan te leh Mizoram Fiscal Responsibility & Budget Management Act, 2006 ina min beisei dan anga 100 zela 79.2 a ding tura beisei kan nih laiin 100 zela 50 leh tih leka kan han ding hi chu hnathawh ropui tak a ni tih hi kan ramin sawi tha duh lo mah ila India rama sum leh pai enkawl thiamho zawng zawng chuan an hre vek tho vang tih hi ka ring a ni. Chuvangin, kan sorkar-a sum enkawltu kan Finance Minister leh kan Chief Minister, hneh taka kan sorkar enkawltute hnenah lawmthu ka sawi bawk a ni.

Kan Finance Minister thusawi a lang chiah lo, veiawm deuh pakhat han sawilan leh lawk duh ka nei a. Pu Speaker, a thiang tho turah kan ngai a. Kan

Finance Minister-in min pek, Economic Survey 2012-2013 ah khan Mizoram-a Commercial Banks te, tin, Rural Banks leh Apex Banks leh MUCO Banks te a kum 2011-2012 chhunga sum dah zawng zawng leh chuta tanga an pek, an puk chhuah tir zawng zawng 2012-2013 chhunga deposit zawng zawng leh an puk chhuah tir zawng zawng zat a lo lang a, chu chu a tawi zawngin sawi ila 2011-2012 ah khan heng Bank zawng zawngah hian ti tawp mai ang cheng vaibelchhe 3431 leh nuai 64 vel a luh lain, vaibelchhe 1517.39 puk tir a ni a C.D. ratio hi za zel a 44.22 a ni a, a hniam hle a ni. Apex Bank hi an che tha hle a za a 61.38 deposit an hmuh ah an puk chhuah tir a; 2012-2013 ah hian deposit zawng zawng hi cheng vaibelchhe 4063 ah a lawn chho ta daih a, puk chhuah tir zawng zawng hi 1740 velah, CD ratio erawh chu 42.84 ah a tlahniam leh ta a ni. Punjab economic dinhmun tlak chhiatna bul lian tak pakhat chu an ram chhung commercial bank leh anmahni State bank hrang hrangte deposit an hmuh atanga puk tir an hreh lutuk kha a chhan pakhat lian deuh a ni a. Punjab University a an Professor Nirmal S. Azad-a article hman ami ka dahthatah kan en a. Punjab economy tlakchhiat naah hian a mawhphurtu lian ber te zinga mi chu an CD ratio hniam lutuk kha a ni, za a sawmli pakhat, za a sawmthum pasarihah thum kua ah te an tla thla a national average 58 te anih lain. Hei, Mizoram Apex Bank hian 2012-2013 ah hian an CD Ratio hi 72.40 a ni a, a tha khawp mai a. Kan ram bank a ni bawh a kan fak tel pah duh a. Hei hi direct a kan sorkar in kan tih theih chu ni chiah lo mahsela heti lama tui mi leh mawhphurhna nei zawng zawng ten chak lehzuah a CD Ratio a san theihna tur atan kan lak hi a tha ang tih kan sawilang hrim hrim. Pu Speaker hun min pek belh avangin ka lawm e.

**SPEAKER** : Awle, minute 3 dawn i lak belh a ni. Tunge han sawi leh dawn le, Pu B. Lalthlengliana.

**Pu B. LALTHLENGLIANA** : Pu Speaker, kha minutes 10 chiah chiah a awm a, kan ban hun a thlen pawhin hun min pek belh ang chu maw.

Pu Speaker, vawiinah hian hei kan Finance Minister zahawm tak Budget Speech kan sawi rualin discussion duh zawng zawng sawi theihna hun te kan han hmang hi a lawmawm ka ti a. Amaherawhchu, he Budget in anticipation a nikum Budget anga kan han kal ta mai hi a lehlamah chuan kan Finance Minister pawh a inpekna te ropuiin thuk hle mahsela nimin piah lawkah budget a pharh a, a tuk lawkah siamthat ngai a rawn awm a, tin, kha lo pawh kha siamthat ngai keipawn ka hmu a, amaherawhchu, corrected copy ah khan rawn siamthat a ni a. Khatianga hmanhmawh tak maia budget han buatsaih chhan kha kan Finance Minister ngei hian helaiah hian a rawn sawi a, he ruahmanna hi sorkar kum 2013-2014 tir te atanga chak taka Plan pawisa hman nghal anih theih beisei vanga siam a ni a rawn ti a. Hei hian inthlan dawn hnaih a ruling sorkar rilru chu a hriat khawp mai, remchang leh remchang lo pawh ngaihtuah chuang lova engemawti zawng tala Plan pawisa chak taka hman anih theihna turin he ruahmanna hi rawn siam a ni a. Chung avang te pawh chu a ni maithei a (SPEAKER : MLA Fund pawh kha in dawng ve dawn tho

ania) chung avang te pawh chu a ni ang khatiang anga kum dang aia a phuai nachhan kha kan tia kan sawi duh a.

Tin, Pu Speaker kumin Plan Budget cheng vaibelchhe 230 allocation in han siamah khan Department 39 ah khan Planning Department tih loh kha chuanin a zavaiin nikum lam budget an pha lo vek a, nichinah kan belhkhawm chhin a department tina an phak lohna kha, kan Finance Minister in 10% vel hian a pun beisei a ni a, tih kha lo pung pawh nisela a pha lo mai awm mang e aw. Amaherawhchu Member zahawmtak Pu Ramhluna'n a sawi Planning Deptt atanga khati zozai dah a semzai anih chuan a la ziaawm theiin ka ring a. Heng School Education te Higher Education te Sport te phei hi chu chengkawl chesual ang deuh tho in a tla thla a ni deuh ber mai a. Tin Home, Medical, Agri. leh Horti leh heng NLUP line deptt te hi chu NLUP atanga chhanchhuah dan te pawh a la awm theiin ka ring a, chuvang chuan kan Finance Minister hian 10% emaw a aia tam emaw a aia tlem emaw a a pung anih chuan heng department pawimawh zual ho hi chu rawn hre zui se a thain ka ring a. School Education-ah phei chuan zirtirtu indaih loh vangin harsatna nasa tak bial tinin kan tawk a. Keini bialah pawh zirlaite nen kan indaihloh dan te chhut chhuakin kan sawi thin anih kha. Khatiang zawnga hmalakna kawng lo lang ta lo hi a pawi ka ti hle a. Tin, Home Department a nimina kan Home Minister zahawm takin a sawi TA/DA bill pek loh cheng nuai 1030 leh tih awm ta ringawt mai te kha Police te kan hman tangkai dan leh luchhum ban chhum huama security vawngtu an nih lai leh tin kan PSO te pawh khawilo kan kalna a kan hruai TA/Da la thei lova an awm hi kan Finance Minister hian hria in, nakinah kan Budget a pun nate a lo lang a nih chuan duhsak theih nise a tha in ka hria a.

Tin, chu bakah chuan Medical ah nimin piah lawk khan ka sawi a, kan bial chhung ah PHE 4 a awm a, pakhat ah doctor regular deuhin a awm a, kan doctor neih chhun Khawbung a mi chuan kha centralah te pawh lawmman a dawng dawn ni awm tak a ni. A bak pathum PHE hi chu doctor nei loin hei kum engemaw zat kana wm a, helicopter service te kha a tha a, damlo phurh nan a tha kan ti a a dik a ni. Amaherawhchu keini bial ang remote area ah chuan helicopter pawh kan chhawr ve zo lova emergency accident emaw a lo awm thut a, Aizawl 200 KM pawn lam emaw rawn pan tur chuan kawng dungah kan thi fo a ni. Chuvang chuan Cabinet in doctor lak tur a tihfel tawh ni a ka hriat, khatianga pass a nih tawh chuan khawngaih takin heng PHE Mizoram hmun hrang hranga doctor la neilo te hi pek theih hram nisela a va tha dawn em, damlo thei kan nih ve tho avangin khalai kha min hriatsak zela, Aizawl khawpui chhung engkim mai kan ti hi a thatna lai awm mahsela, a rualkhai deuha kan tih hi a tulin ka hria a, kha kha tawite in kan sawi duh a.

Tin, Kan Finance Minister in 2012-2013 Agriculture leh Allied Activities an thlir letna point 18-na a a rawn ziah lan kha MIZOFED tih nun nan RKVY atangin cheng nuai 262.50 tih te tin suanghuan link road atan tih te, khatiang a rawn sawite khami ngau ngau ziah belh awm lova, han chhiar kha chuan 2012-13 Agriculture leh Allied Activities hmalakna han ziah chhuah atan chuan a va nep ve maw aw ka ti a. Bawlhhlawh paihna tur tih te bawlhhlawh paihna tura link road siamna tur tih te a ni a. Khami chauh chhiar tan phei chuan Mizoram Sorkar Agriculture hmalakna chu a van nep ve tih tur niin a lang a,



Agriculture leh Allied Activities 2012-13 ah khan buhchinna ram zau zawng kha a rawn sawi leh a, 2011-12 ah khan 25826 hectare a ni a, 2012-13 ah khan 23150 hectare a ni. Chuti chuan 2676 hectare in a tlahniam a. Khatiang a tlahniam chung si a thingtlang leh leilet a buhthar pung ta em em a sawi lai kha ka hrethiam ve lova, lo neihna ram khati khawpa a tlak hniam laia lo neihna khati khawpa a tlakhniam laia buh thar khati khawpa ziah kha a dik thei dawn em ni. Thingtlang lo neih khati khawpa a tlak hniam a WRC khua Kolosib tlangdung chhak leh thlang lam hei kan kal awl lova. Tin Mizoram phai tih te, Chamdur tih te chung lo phai zawl zau tak tak re-claim a la awm bawk silova, chutih laia buh thar lo sang ta viau kha Agriculture Department hian an Statistics hi an ti fuh lo deuh a ni lo maw, NLUP sawimawi kan tumna lamah hian thil diklo hi kan ti a ni lo maw tih kha ka ngaihtuah naah a awm a, chu chu kan sawi lang zawk duh a. Pu Speaker, MLA fund i rawn sawi chhuak a MLA fund hi kan hman tangkai hlawm a, kumin ah te hi chuan a pung dawn emaw kan ti a, nuai 5 te chuan a rawn pungang chu maw tih beiseina kan neih laiin pung lovin a ngaiin kan kal leh dawn engpawhnise, a ngai pawh nise a tha ah ngai ila. Kan sawi leh duh chu Lunglei High Power a pawisa dah te, Dist. Planning a pawisa dah te, Aizawl Dist. pawisa dah te, Mamit, Kolosib, Champhai te tana cheng nuai 500 chauh dah kha, Lunglei High Power kan thikna nilovin District kha zozai enkawl na tura hetizat chauh dah hi chu a dawrawm deuh lo maw. Hmasawn leh than duh ve tho kan nih avangin tih lai kha kan sawi duh a, Lunglei High power hi pek zel kan duh sak, chutih rual chuan la develop that loh district engemaw zat hi duhsak ve theih deuh nise tih kha kan sawi lang leh zawk duh a Pu Speaker. Tin, kan House Leader in ni 14.3.2013 Thursday a House a Ramrikawn leh Sihhmui kawng compensation avanga harsatna awm chungchang a rawn sawiah khan compensation lak tur a survey-na ah official te pawh hlawkna neih tumin an in rawlh tel ve zel a ni tih a sawi kha, khatiang a official te chungchanga hnathawh ti thulh khawpa tel ve an tuma nih chuan kan hria anih chuan engatinge action hi kan lak loh tih hi a sawi atang khan ka rilriah a lo awm a, khatiang kha an awm a action kan la anih si loh chuan kan ram natna hi engtin nge kan tih dam theih ang tih kha kan sawi lang duh a. Pu Speaker khi minute 10 chiah chiah ka sawi a NLUP hi sawi nuam kan ti tlang bawk a. (Speaker : Hun a tawp a Member te phalna a ngai tlat mai, a sawi kha a sawi lak lawh deuh bawk a minute 3 vel ah zo turin beisei ila I phal sak mai ang aw). Ngaihnawm deuhin NLUP ka rawn sawi dawn nia. NLUP sawi nuam kan ti bawk a kan sawi ve leh teh ang. NLUP hi han zir chian han zir chianin a lo tha ve e kan ti ang a. Kan sawrkar official ten uluk taka an duan ang hian kal ila chuan tunai hian Congress sawrkar hi in hlawhtlingin ka ring, beneficiaries te pawh an hlawhtlingin ka ring a, amaherawh chu sawrkar in order a siam ang entir nan beneficiaries tlan dan Board an siam a MHIP te, YMA te, Political Party hrang hrangte in han ti a a tha khawp mai an han thlang dawn a, duh a in ang ta lova chutah chuan Party lamin an ngaihmanawh a kha kha an thiat ta a, anmahni duhdan danin Congress V.C awmna ah pawh Unit ten an thlang a, tikhan an solo chhova, tin, khang a beneficiaries te kal dan phung a dik leh dik loh en dik turin Monitoring Committee Notification chhuahin sawrkar in a rawn ti leh thlap a, chungte pawh chu kar khat pawh an function hman lova chutichuan anmahni Party atang bawk khan monitoring committee an han in din a, monitoring chairman ka hriat pakhat chu pine apple a thlang a ram inches khat pawh a nei silova, mahse kha khan in midantihdik leh tihdik loh te an tih that leh that loh te a va en dik dawn a nih chuan anmahni pawh fel lo khan engtin ngemaw a en dik ang le. Chuvang chuan thil fel kha a chhuak thei ta lo a ni, nimina kan Member ten an sawi

ang khan Vehicle a tam tawh a, hei hian kan ram hmasawna a ti langchiang a ni mi 9 zel in vehicle intawm ang kan ni tih han sawi te kha, khami chin a kha chu a tha khawp mai, amaherawh chu khang kha NLUP nghawng vek a ni a. NLUP an han sem a scooter hlui lei tawh bike lei tawh feh kawngah hian han kal ila tunhma a bike fehkawng a kan hmuh ngai loh kha kawng sirah hian a ding thup tawh mai a ni. Tin, T.V an lei Fridge leh Washing machine an lei a, chuvangin he sorkarin NLUP tihhlawhtlin a tumna ang rilru kha a pha ta lova, chuvang chuan vawiinah hian NLUP hi a lo hlawhtling ta lova. Tin, NLUP hlawhtling lawmna in han thlan hote hi ka duh aiin in fimkhur lo hei hian kan ram rilru a tichhia in ka hria a. Hmana pi leh pu huna WRC lo nei tawh te kuhva hmun lo nei tawh te, sangha dil lo nei tawh te khatiang chi mi tam tak khan NLUP ka dawn ve dawn chuan hei hi trade ah kan thlang nghal teh ang an ti a. Kum engemawzat ei zawn nana a nuai tel lo hmu tawh te an han thlang a Bawngvulh te pawh a ni. Chulaiah chuan a tihlawhtling in han zawng a Pu Speaker khangho kha a number hmasa lamah an lo awm a, chungte chuan thil tak tak ti duh a tihpuitlin tum tute rilru a paih thin a ni. Chuvang chuan Pu Speaker NLUP hi a chhia kan ti ngawr ngawr lo, amaherawhchu nimpiniah lam atanga an sawi ang khan a implementation hi a that loh avangin vawiinah hian hmun thuma thena hmun khat pawh hi a hlawhtling dawn lo a ni tih hi keini chuan kan hmuh dan a ni. Hlawhtling se kan duh kan ram hi heng hmang te hian kan miretheite hi khaichhuak ila kan duh. Amaherawhchu i dinglama thu te pawh khan an tanna ngaiyah leh an dinna ngaiyah hian ding reng lovin siamthat theih a awm chuan siamthat nise a tha in ka ring a. Member zawn nana hman pheih hi chu a tha lo khawp mai Pu Speaker sawi tur ka la ngah tehlul nen Zu chungchangte hi sawi ka duh a, amarawh chu demand ah ka rawn sawi dawn nia.

\* Speech not corrected.

**SPEAKER** : Awle tunah chuan hun a tawp a, minute nga laiin kan kal chuang tawh a, kan chawl rih ang a dar 2:00-ah kan discussion kan tan leh dawn nia.

## **2:00 P.M**

**Pu KS THANGA** : Hei kan hun hnunng ber Budget Discussion kan neih hnunng ber tur a lo ni ta reng mai a. Full budget-in kan han pass thei dawn a. Finance Minister chak tak maiin hetiang ruahmanna a rawn siam hi lawmawm ka ti hle mai a. Amaherawhchu sawi ang khan helai hmunah hei hun rei tak kum li pumhlum, a kum ngana kan lo hmang a, kum li pumhlum kan lo hmang zo ta a. Tunah hian inthlan nan general election atan hian thla riat tling tawh mang lo kan nei chauh a ni tawh a. Chuvang chuan vawin hunte hi a lunglen thlak dawn angreng hlein ka hria a. Olympic closing function ceremony te pawh a ang deuh ruaiin ka hria a. Kha Pu Chatea kha an chhuak leh a. Ani han khawhar vel leh lungleng te pawh kha ka hriatthiapui a. Hmanni a politics a ralmuan lohna an sawi te pawh kha hriatthiapui tu tak ka niin ka hria a. A chhan chu tun ang huna party-te a awm chu a khawhar thlak in a ralmuan thlak loh em em hian kan hriatpui a. Chuvang chuan party lianah te lo awm sela thlamuang deuh khan lo awm sela kan lo welcome mai dawn a ni

tihte pawh kha ka rilruah a lo awm a. Pu Deputy Speaker, hei kan hun chhungin, tun sorkar hun chhungin sorkar anga hma lakna kawng hrang hrangah hmasawna chi hrang hrang Mizoram mipuiin hmuh theih leh chhiar theihin hawrawppuia ziakin a awm mek a ni tih a lang a. Hei power lamah te, sports, agriculture, road communication, essential commodities kan tih, ei leh bar, buhfai ah te, gas, lamah te pawh law and order, education leh health-ah te kawng chi hrang hrangin he sorkarin hun kan hman chhungin hmasawna hmuh tur a tam hle a . Hemi tuna kan sawi bik bakah khan dept dang hlawm hrang hrangah hmasawna kan hmu a ni. Chuvang chuan he ram mipuite pawh hi an zalen a. Sorkar chak tak leh thiltitheih hnuai hian a ram mipuite hi kawng chi hrang hrangin kan hlimin kan thla a muang a ni tih vawiin ah hian a langin ka hria a. Nakum lamah budget session te kan neih leh chuan kan kim tawh kher lo maithei a, vawiin ami te hi engmaw zawng chuan a lunglen thlak riau a ni tih kha kan sawi hmasa duh a ni . Pu Dy. Speaker, hei politics-ah hian zalenna kan nei a duhzawng sawi theihna right kan nei a. Amaherawhchu dawt sawi theihna right hi chu tuman kan nei lo a. Mahse kan ram angah hian nichina kan member zahawm takten an sawi ang khan ram hmasawna te North East pumpui ang han thlir te pawhin, India ram anga han thlir te pawhin hmasawna lamah rahbi tha tak kan chuang a kan kal a ni. North East state a kan thenawm kan sister state-ten tun dinhmunah chuan Mizoram min chung en dan te zuk ngaihtuah phei chuan vawiinah hian lawmthu sawi mai hi kan tih tur niin a lang a ni. Amaherawhchu politics-ah party hrangte kan nih chuan insawisel lo thei lo te kan ni a. Chu chu a thalaite hmuh kana engemaw han sawi pawr hram lai kha politics a kan nihphung a nih ve avangin inhriatthiam loh tur pawh a awm chuang lo a. Hei a bik takin, heng point tlemte kan sawi duh zingah chuan power lama tuna kan dinhmun te kan hmasawna kal mek hi ram mipuite hriatah he house kaltlanga kan sawi nawn leh duh chu kan sorkar hmasa kal ta kum 10 chhungah khan power lamah hian hmasawna hmuh tur kan nei lova, tunah hian Serlui- 'B' Hydrel Project MW 12 pechhuak thei tura ngaih kha M.W. 8 pechhuak thei mang lovin a kal a, chumi karah chuan he sorkar lo ding vaibelchhe 100 chuang kha Serlui 'B' ah pawh khan kan rulhsak leh a ni he Sorkar thar hian. Chuvang chuan he Sorkar kutthlakna hi a nasa hle a, chu aia la pawl zawk chu M.W 60 pechhuak thei Tuirial Hydrel Project tihchhiat vek a vawiina harsa taka tan leh ngai a, a thente phei chuan CBI case an neih phah ngaite pawh a lo awm ta hial kha a ni a. Chuti chung chuan vawiinah hian kan Sorkar thiltitheih leh kan Chief Minister chak tak leh thil titheih takin vawiinah hian min kalpui avangin kan kal thui viau tawh a ni a.

Hei tunah hian MoU kan sign tawhna ringawtah hian M.W 1700 vel pechhuak thei MoU kan sign tawh a ni a. Chungte chu sawi vek lo mai ila. Tuna hma kan lakna mek M.W. 525-ah hian H.E.P M.W 60 NIPCO thawh te, tin Tlawva M.W 5 pechhuak thei P&E Department thawh te, Kolodyne Phase-II M.W. 460, a vain M.W 525 pechhuak thei phei chu tunah hian chak takin kalpui a ni. Tin, tender kan pek tawh M.W. 210 Tuivai Hydrel Project internatiuonal tender tihchhuah tawh a ni a. Company lian tak tak 7 (pasarih)-in an chhang a, heng zing atang hian tunah hian thlang turin Sorkar a inbuatsaih mek a ni. Chutiang khawp chuan power lamah hi chuan kumli (4) chhunga power lama thil tih theih ang chu he Sorkar hian a ti ngei a ni tih hi vawiinah ka sawi nawn ve duh hrim hrim a. Chuvangin tuten emaw mahni Sorkar kum 10 chhunga power pakhatmah siam chhuah nei silo leh hmasawna khati lama kalna nei miah si lova, vawiina power harsatna kan sawi hi chu a zahthlak a ni. Electric

Switch on a power hi lo awm ngawt a ni lova, kum 6 kum 7 te power siam nan hian a ngai a. Chuvangin 2018 inthlan hi lo nghak sela, chutah chuan Power-ah hian harsatna hi Mizoram mipui hian an sawi leh ngai dawn tawh lo a ni. Chuvangin Pu Deputy Speaker, thudik hi a awm mai a, amaherawhchu, a behbawm mipui tihchiai tumna leh khating vel kha kan ramah hian mipuiten chik zawkin heng hi zir chiang thin sela tih hi waviinah hian he House kaltlang hian ka sawi ve duh a ni.

Essential commodities kan tihah pawh hian Pu Deputy Speaker, harsatna kan han tawh a, sum leh pai harsat tak chungin agriculture lamah kum 10 chhunga hmalakna pakhatmah kan neih loh avangin tunah hian FCI-in buhfai min pek bakah hian kan mamawh belh quintal singriat thlatin lei a ngai a, chuta tan chuan vaibelchhe 12 atanga vaibelchhe 14 hi Supply Minister-in a mamawh belh ziah, kan budget a awm lo a ni. Development sum pawh ngai a ni. Finance-in an lo ngai tuahsak a ngai a, chuti chung chuan waviinah hian kan la kal a, chu chuan agriculture-ah hian kum 10 chhunga hmasawna awm loh zia tilangtu a ni. Chuvangin Pu Deputy Speaker, hengte pawh hi waviinah hian he Sorkar hian heti zawnga agriculture lama tan a rawn lak hmanniah kan sawi tawh a. Heng hi a ropui a, hun reiloteah hian tun aia hmasawna sang zawk kan thleng thei ang tih a rinawm a ni.

Tin, mipui budget Pu Dy. Speaker kan sawi lawk ang e, khawngaihin mipui budget NLUP hi kan thiante i veilam ami te pawhin an rawn fak tan ta a, amaherawhchu han sawisel hram an han tumna laiah pawh lo a feh nan scooter te, bike te, scooty te an lei a ni a tih te kha, kha tluka NLUP fakna a awm thei dawn emaw ni aw? He budget atang hian mipui chanai a lo awm ve ta a, chung chuan an hnathawhna tur kan Chief Minister kalchuak ta in in thlamah te motor in in feh ang a a tih a kha Congress sorkarah hian a tihhlawhtlin sak ta a ni tih kha waviin ni ah hian Pu Dy. Speaker, a lawmawm em a khalaite kha kan sawi duh a. Pakhat chiah Pu Dy. Speaker, hemi Falkawn Hospital hi a hminga bial neitu ka nihna angin waviin ni ah hian saw hmunah sawn Hospital tak tak din leh Medical College te din turin kan Chief Minister in hma min laksakna hi a ropui kan ti a. Waviin ah hian Aizawl Civil Hospital te sawn a, hun reiloteah hian sawlai hmunah sawn Mizoram Civil Hospital pawimawh ber saw specialist thiam ber berte an han phu suau suau mai tur hi bial mipuite hian an thlir a beiseina nen. Waviin ni ah hian a tak ram kan han hmuh mek a hi ropui ka ti a. Chuvangin helaiah hian kawng chi hrang hrangin sports ah leh khatiang chi hrang hrang leh power leh dan leh thupek kenkawhna leh chitin mai ah, tunhma kum 4 han thlirlet hian he sorkar hmalakna hi a ropui em em a. Thalai atanga kuthnawhktu leh chitin kohhran mite hi (Dy. Speaker : tawh tawh rawh le) kan thla a muang a ni tih kha Pu Dy. Speaker kan sawi duh a. Waviin ah hian General Discussion a nihna angin zau deuh hlek general deuh vin kan sawi a, kan ti ve a ni e. Pu Dy. Speaker, hun min pek belh avangin ka lawm e.

**DEPUTY SPEAKER** : Tunah Pu T.T. Zothansanga ilo sawm ang.

**Pu T.T. ZOTHANSANGA** : Pu Dy. Speaker, ka lawm e. Hei kan budget hi han en chet chet hian a tha a, tam tak ka rawn sawi lo turah ngai ila. Ram pum thanna 5% a nih laia Mizoram 10.37% daih lai a an thang mai kha kan sawi hmasa duh a. Tin, tun term hi 2008 kum tawpah kan inthlang a, 2009 chho khan kan han sorkar chho a ni a. Kan han sorkar

chiah khan kan C.M hmsa in a lo tih chiah loh avangin hma kan han la nghal a, power ah Champhai ah khian 133 KV khi Champhai Keifang tlangah Vaibelchhe 15 velin ruahmanna kan han nei a. Amaherawh chu a lo chhuah danah chuan vaibelchhe 12.32 in a lo chhuak a. Tunah kan Engineer te Champhaiah khian an fakawm khawp mai a, Champhai lama an tih tur chu an zo tawh a ni. Company lamin an tih tur hi an la rawn ti lova.

Tin, chumi ruala ka han sawi duh chu tunah hian Serchhip Bukpui lam atangin power kan la thin a. Khimi kan zawh hunah chuan Champhai khian direct in phai lam atangin kan la ve thei tawh dawn a ni a. Tun dinhmunah chuan Saitual a rawn thleng a ni a. Saitual leh Khawzawl inkar khi tunah khian nasa taka buaipui a la ngai a, tin keini aia an tan hmasak Khawzawl khi tunah hian kan han lehpel mek a. Tun kan sorkar in chak taka hma min lak sakna a zarah 133 KV Sub Station mumal taka Champhai a kan han nei ve ta khi a hmasa in lawmthu kan sawi duh a.

Tin, hei India leh Myanmar chungchang kha nichin khan a rawn sawi tawh a. Hei, a lawmawm ka ti khawp mai a India level atang hi chuan Look East hi a awm chiang a ni kan ti mai a. Keini khawchhak lam Mizoram in min hnuchhawn deuh emaw kan tih lai karah Rihdil Kaleimyou inkarah Vaibelchhe 711 chuang meuh a kawngpui an han lai tur khian kan thla a ti muang a. Khimi an laih tawh hnuah khi chuan Mizoram lam kawng pawh hi automatic in a lian ang tih kan ring a. Khimi khi khawchhak lam chuan kan en ber a ni. Tin, chutih rualin Burma nena insumdawnna kan duh tak tak anih chuan khimi Zote leh Hnahlanah pawh khian mumal taka rawn chhukthlakna remchang tak a awm a. Tin, khilai khi keimahni kan Paihte unaute an bawh khawmna lai a ni lehngal a, khilai ah khian ruahmanna fel tak kan la nei thei turah kan ngai a. Chu chu a pawimawh kan ti a, kan sawi a. Hna han tan theih mai tur anih lai hi a lawmawm ka ti takzet a ni tih kha kan sawi duh bawh a ni.

Tin, anthurium vel a rawn sawilang bawh a, 77, 78 na chho vel ah khan. Anthurium hi Mizo cheimawitu a ni a, chutih rual in Horti lamah hei a rawn sawina ah hian thlai venna tur hmanrua te, enkawlina tur te, an thil tharchhuah tihpunna tur leh mamawh phuhruk nan loneitute hnenah a man pangngai aia ₹ 100 a 50% a hniama pekchhuah tum mek a ni tih ani a. Helaiyah hian a hming hmerh a grape a rawn sawilang lo hi pawh ka ti khawp mai. Ka bialah khian Grape a eizawng khi In 400 / 500 vel an awm a. Hetilai te hi chu kan lo en ve dawn a ni. 50% a min pek ve theih kha kan lo beisei dawn a. Anthurium te a tha em em a, chutih rualin In za tel in kan lo inngahna ve khi helai Bu-a an lang lo hi ka rilru-ah a kam deuhhlekk a. Chu te chu ka'n sawi tel hram duh a. An hmanrua leh tul ang hrang hrang kha subsidized rate in min pek theih kha kan han beisei dawn bawh a ni.

Tin, tunhma deuh khan Champhai-ah khian Sorkar hmasa khan land development nasa takin a ti thin a. Tunah khian kan han chhunzawm ta lova. Chu chu han chhunzawm leh theih kan chak khawp mai a. Power Tiller te, Tractor te ah chuan duhsakna tinreng kan Sorkar hian min han pe mek a. Chutih rualin ram khi siam rem tur a la tam a. Zep thu a awm lem lo. Kan Sorkar hmasa-ah khan land development a han tih khan mumal lo taka official atanga a 15% la thin an nih avang khan leh anmahni Party chauh an tih thin avang

khan keimahni Party lo khi a chhe em em hlawm mai a ni. Chuvangin, a Party anga kal lovin, a hlawm hlawka khilai siamrem ngai ang zawng zawng chul mam a, han siam rem leh khi kan chak ngawih ngawih a ni. Chu chu min lo hriatsak hram se tih kha ka'n sawi duh a. Chutih rualin Champhai antam khi a tui bik a ni kan ti a keini chuan. Hmanni-ah pawh sawlaiah ka kal a, "ka pu hei Champhai antam lei rawh" an lo ti a. Buhpawl hian an lo tel thin a. Chu chu khaw dang pawh hian buhpawlin an tel phah ve tawh a ni. A lawmawm ve hranpa riauvin ka hria a. Buhpawlin an lo tel ve a, Champhai antam kha a ang ve ta riau mai a. Kan ei a, a taka kha chu kan hre si a ni. Khalai te kha, Champhaiah khianin tha deuhin develop tur kan nei a ni tih kha ka'n sawi lang duh a ni.

Tin, Urbanization khawpui-ah kan lut tawh a. Khawvel hi urbanization zawngin kan kal nasa a. Migration from Rural to Urban hi a nasa em em tawh mai a ni. Helaiiah a rawn lannaah pawh hian kan hmu a, urbanization chungchang kha Bung 60-na 70 velah khan kan han hmu a. Khatah khan khaw 10 vel kha en tawh an ni a, khaw 23 khuh turin UD&PA Minister zahawmtak in hma a la chho leh mek a ni a. Kan hun hmasa lama khaw 10 kan tihnaah khan kan Engineer te, Mizoram PWD te an theihna an nei vak lo kha a pawh riau-in ka hria a. Tuna an hma lak mekna pawh hi enpui deuh chu an tha lawm ni ka ti a. Champhai anga an hma laknaah chuanin, Engineer ten mumal takin an thutchilh si lova, rin aiin a buaithlak ang reng khawp mai a. A pawisa hlawm a len leh an hnathawh tur an rawn sawi a ropui ang hu-in an kahthluk khi a te riau mai a ni. Chuvang chuan khaw 23 an hma lak lehna turah NBCC an ni emaw, Contractor dang an ni emaw, ngun deuha kan enpui loh chuan a pawisa a hlawm len ang hu hian khawpui hi a chei tak tak lovang tih hi ka hlau a. An thawhna hmun turah te ang kha chuan enzui deuh tha ka ti a. Champhai te angah kha chuanin E.E te emaw kha han entrust ve mai sela a tha-a rinna kha ka'n nei a. Chuvang chuan hetiang nasa taka malsawmna lo luanglut hi a enzui lam, monitoring kan chak loh chuan, kan tum ang kan thleng lovang tih kha a hlauhawmin ka hria a. Chu chu ka'n sawi tel duh bawk a.

Tin, Pu Deputy Speaker, infiamna lamah hma kan sawn nasa a. 2016 te kan han tinzawn ruau ruau mai a. Helaiiah hianin beiseina sang tak kan nei a ni tih kha ka'n sawi duh a. India rama kan kal dan phungah hi chuan Central lamah khuan kan hotute khu a hmelhriat apiang khan India an represent tih deuh ang mai khawp khan corruption khu a nasa thin a ni. Khatiang deuh khan Mizoramah hianin thil hi a kal ve palh ang tih hi kan hlau khawp mai a. Zep thu awm lem lo, Khawchhak lam khi infiamna lamah chuan tunhma atang khan Mizoramah hian a lawr pawl hi kan ni deuh ziah a. Ama'rawh chu, a facilities pek lamah hi chuan kan hnufual a ni. Khalaiiah te khan kan UD&PA Minister zahawmtak pawh hian min rawn khai rual deuh hlek dan hi han nei se tih kha ka'n duh a. PYKKA kan han tih angah te pawh Champhai lam hi kan champ deuh ziah a ni. Khami anih avang khan khilam khi min rawn enchhoh ve deuh kha infiamna lamah hian kan lo beisei ang a. Kha kha min lo chhinchhiah sak hram se tih kha ka'n duh bawk a.

Vawiin ni-ah hian sawi tur a tam a. Kan ram hi tlem lai deuh khanin chhanchhuah tur awm tawh lo ang deuhthaw khan kan han chhuah a. A chhe ngawih ngawih a. Tawngtai mi te an tawngtai thin a. Ni 40 leh zan 40 te kan han ti a. Zoramah hian

beidawnna leh rumna nasa takin min tuam vel laiah vanneih thlak takin Sorkar-na a han inthlak a. Chulaiah chuan mipuiin beiseina sang tak min nei a. Chu beiseina sang tak hnuaiiah chuan min beiseina a san lutuk vang te pawh a ni ang e, kan beisei ang chu in ni chiah lo te pawh min ti a. Amaherawhchu, he Sorkar hian theihtawp chu a chhuah a. Tunah hian thil chhe tawh lutuk atang hi chuan han fawr deuh nalh pawh hi har ve tak a ni, kha lai te kha rilruin ka'n hria a.

Tunhma deuh khan Reiek tlangval, Bawkkuaia tlangval chhuanvawr ve tak mai kha Sangha rep an vana ah Nghavurtling an tia mi, khatiang an ven naah khan sakeiin a rawn seh a, chutah chuan sakeiin a rawn seh khan, “min chhan rawh u, chhan tlak ka la awm e” an ti thin a, tichuan an chhan ngam lova. Tichuan an hnuah a han au leh a, “min chhan rawh u, chhan tlak ka la awm e” a'n ti leh a, an chhan ngam reng reng lo mai a, a hnuah chuan, “e, min rawn chhan tawh suh u, chhan tlak ka ni ta love” a ti a.

Thil reng reng hi a hunlai thil hi a awm ve thin a. Damlo thenkhat a tir a ngaihsak em em a, dam leh mai tur si, a tawp lama dam thei ta lo hi an awm fo mai a. Cancer meuh te pawh hi a tirah chuan han hlauhawm viau thin mahsela, a tawp lamah an han enkawl a, advance stage a lo nih hi chuan harsatna kan nei tawh thin. Kan fimkhur loh chuan tuna kan ram, kan chenna, kan hmangaih, kan awmna, kan lu kan phumna tur ramah hian harsatna kan la tawh ang tih ka hlau khawp mai a. Hei kan chhehvelah khuan Cachari ho te, Meghalaya te, Khasi ho te, tin, Tripura lam te pawh an ni a, an aia hnam fing zawk ten an chimral nasa tawh khawp mai. Khutiang ang chimralna khu keimahni tan lesson tha tak hi nise ka duh a. chimrala an awm ang khuan keini pawh hi chimralin kan awm ve ang tih ka hlau.

Zep thu awm lem lo, hei Politics-ah advantage kan neihna anih dawn phawt hi chuan Party kan in sawi chhe bawng bawng a. Amaherawhchu, kan common enemy chu kan hnam ral zel tur ven hi a ni. Khalaiah khan kan tan rual kha a tha khawpin ka hria a, kan ram, kan hnam ti dam tur hian helaiah political party vawiina helaia thu te leh party hruaitu te hian mawh kan phur nasa a. Chutih rualin, Sorkara a fawng chelhtute pawh hian mawh an phur nasa em em a ni tih kha ka'n sawi duh a. Dan anga lo lutte hnawh chhuah theihna kan nei lo, amaherawhchu, dan lo anga lo lut na na hi chu kan duh chuan kan veng thei a ni. Sawi tur a tam khawp mai a, he kan ram hi chhan a ngai a, a chhan turin tute mai pawh hi kan in sawm a, rinawmna te, taihmakna te, keimahni party hamthatna te leh mipui hamthatna te avanga khatianga in sawi chhe mai mai lo khan kan ram mipuite hi i tang rual ang u, he kan ram kan hum zel theihna tur hian mawhphurhna kan nei vek a ni tih sawi pahin kan Finance Minister-ina helaia a thusawi hi lawm takin ka rawn thlawp a ni. Ka lawm e.

**DEPUTY SPEAKER** : Le, tunge han sawi leh dawn le? Sawi kim tawh thawkhat a mi? Sawi tur in la awm em. Aw, Pu R. Selthuama.

**Pu R. SELTHUAMA** : Pu Deputy Speaker, ka lawm e. Hei vawiina kan Finance Minister zahawmtak mai Budget Speech kan han sawi hi a lawmawm hlein ka hria a. Keini hun chhung ve, hei kan term-ah chuan, nichina Pu K.S.-a'n a sawi ang khan Budget

session vawi 5 kan neihna a ni ta a, a hnuhnung ber tur a ni a, a hnuhnung ber a nih avang hian a tha zual deuh bik emaw ni aw ka ti a. Kan chhiar thin a, hmanah NLUP changtlung zawk tih pamphlet kan siam a, chu chu Baktawng pa in a lo chhiar a, tha hi an ti khawp mai a, “hei hi chu Sunday school zir atan pawh hian hman tlak a ni e,” a ti e an ti a. Chutiang deuh chuan keini tan pawh hian han en hian Sunday school-ah pawh zir tlak mai khawp hian a tha a ni lawm ni Mizoram tan hian ka’n ti ve deuh a ni.

Tichuan, kan sawi duh hmasak berah chuan tuna kan Sorkar, Pu Lal Thanhawla kaihhraina hnuaiia kan Minister zahawmtak Pu H. Liansailova’n ram a han enkawl naah hian a ti tha em em a ni tih ka’n sawi duh a. Chumi a lanna chu 10<sup>th</sup> 5 year Plan, 2002 leh 2007 inkarah khan kan growth rate hi 5.1% chauh a ni a, chutah chuan 2009 atangin a han enkawl chho ve a, 2007 atanga 2012 11<sup>th</sup> 5 year Plan-a kan growth rate chu 8.87 a lo ni ta a. Chutihlai chuan India ram puma a growth rate kha 5% lek a ni. Chumi anih avang chuan tuna kan Sorkar, kan hotute hian an ti tha em em a ni tih a lang a. Chungte avang chuanin a ni ang chu India Today pawhina ‘Best Performing State on Investment Among Small States’ tih lawmman te pawh an pe a ni. Chuvang chuan he sawrkar hian kum li chhunga hna a thawh hi tunlai tawng takin, a tha bawn tawp a ni, tiin sawi ila a dik awm e. Tichuan economic survey of Mizoram in 2012-2013 a an tihchhuah khan thla 11 chhung lek chhut hianin kan State economy 2012 leh 2013 a a thanna rate, a punna rate hi 10.37 ni turin an ngai a, chutihlai chuan India ram pumpui national growth rate chu 5 % chauh a ni. Chungte kan en chuan kan hotute hian an ti tha, chawimawi an phu a ni; chuvang chuan helaia sawrkar lo ding tawh zawng zawngah chuan tuna mite hian an thawk tha ber a ni, tiin sawi ila kan sawi sual lovang, tih kan sawi duh a ni.

Nichin ah khan kan ngaithla tawh a, kan annual plan punna te pawh hi sawrkar hmasa kum 10 an sawrkar chhung khan a punna tam ber kha 16 point something ania, a chiah chiah chu ka hre ta lo a, mahse 18 % a pun an nei lo a ni. Chutiang ang chu anih laiin keini sawrkar ve hi chu Central sawrkar pawh hian an ring tawk a ni tih a hriatna chu, nikuma kan annual plan punna kha 35.29% a ni a, khati khawpa a han pung nasa thei kha Central sawrkar planning commission ami te hian kan hotute hi ring tawk lo sela chuan khati zat zat khan pawisa annual plan ah an puntir lo ang, chung avang chuan kan hotute an fakawm. Tin, khatihlai khan hei veilama mite khan ₹ 2300 crore ah hian 370 crore NLUP ami hi paih thla ila chuan a tam lovang a tih te kha an han sawi a ni. Engvangin nge an paih thlak ang? 370 kha 2300 chhung ami a ni a, NLUP atan a bika pek a ni a, khatiang anga mirethei chanpual tur te kha kan paih dawn anih chuan mirethei te hi kan hmusit nge ni, tih lai kha ka rilru ah a lo lang a. Chuvang chuan he sawrkar chak tak Pu Lal Thanhawla Mizoram Chief Minister ni rei ber in a kaihhraina hnuaiiah hian miretheite an hlim a, an tan a thlamuanthlak a ni, tih kan sawi duh a ni. Chuti anih laia thenkhatin 370 han paih maite an han sawi kha chu khawngaihna an neih loh vang em ni ang ? tih te ngaihtuahna ah a awm thei a. NLUP chungchang Governor in a sawi laia an han tlanhhuak dum dum maite pawh kha rilru in an hre zui a ni. Tichuan kan sawi duh leh pakhat chu, power generation chungchangah hian tuna sawrkar hian hma a la tha a ni. Hei kan Minister Speech ah hian a lang a, tuna a kal pangaiah chuan Tuivai megawatt 210, Lungreng HEP( Hydro-Electric Project) 815 megawatt, tin, Chhimtuipui 635, Kolodyne – Phase – II 460, a vaiin megawatt 2120 a ni a ni. Hei hi lo ti



hlawhtling ta ang se chuan 12 % chauh pawh hi a free in lo nei ta ila megawatt 250 M.W hi man lovin kan chhi thei dawn a, tuna kan mamawh hi 120 M.W vel a nih pheih chuan megawatt 130 vel hi chu hralh tur kan nei dawn a ni. Chuvangin hemi puitlin hlan hi a nghahhlel awm em em a, kan hotute pawh hian tun aia chak zawk hian hma a lak theih em ? Hei aia nasa zawk te hian tan a lak theih em ? tih hi kan sawi duh a, chutih lai chuanin eng party emaw ni kha chuanin, ‘kan harsa em mai, Congress an sawrkar hian electric power kan harsa,’ tiin meihawl te an sem a nih kha kan hre vek ang. Meihawl sem avang khan kan awlsam phah miah lo, mahse meihawl sem khan engnge a lantir kan tih chuan, a semtute khan an mahni hotute , an party hotute mawng an hlim a ni. Tuirial Hydel project kum 2006 a zawh theih tawh tur kha lo zo ta chu niselangin khatiang harsatna kha a awm dawn lo a ni. Megawatt 60 a pe chhuak thei a, thal lai firm power ah megawatt 40 a pe chhuak thei a, khang kha nei ta ang ila chuan, tuna kan harsat em em na pawh hi a puhruk dawn a, chuvang chuan khatih hun laia tuten emaw, compensation Lal chhungkua in a, tul hauh lo a tam tak an lak avanga, heng te pamtul ta te kha, tun a electric power a kan harsatna chhan chu a ni a, chutihlaia meihawl an han sem te kha chu an hotute mawng an hlim a ni tih kha kan sawi duh a ni.

Chuan Agriculture & Allied activities ah hian, Agriculture Minister zahawmtak hi a fakawm hlein ka hria a, huaisen deuh maiin buh thar tam kum tih kha a han puang a, chanchinbuah te pawh khan kha kha an rawn chhuah a ni. Engmah hmalakna hranpa a awm si lo a, hetiang anga han puan ringawt mai hian engnge awm zia a neih ang?tih te pawh kha an rawn zia a ni. Amaherawhchu kha a han puan ngamna khan hna nasa tak a thawk a, Mizoramah kan buh thar te pawh a tam phah a, tin khami ang anih theihna chhan kha a hmalakna vang bawk a ni a, a hma lakna vang bawk a ni a. Hei tractor te, power tiller tih te, subsidy-in tlawm tein tun hmaa mi tam takina an neih theih loh, pawisa an neih theih loh avanga an neih theih loh a kha, sorkarin tlawm tein subsidized rate-in a han pe chhuak ta a. Mi tam takin an neih theih phah ta a ni. Chuvang chuan an lovah khan an buh tharte pawh kha a lo pun phah ta a. Hei hi khimi Pu Zualtea bialah khian kan chungte an lo awm ve a, chungte pawh chuan an lo hmu ve a. An lawm khawp mai a. A tirah pheih chuan a kawng pawh awm lo kha, “ Kan zawn thla ang a, Power tiller a ni bawk a, kan zawn thla ang a, kan la lut ve leh mai ang,” an ti a. Mahsela, tunah chuan kawngte pawh an lai tlang tawh a, chuan a kal ve thei ta a. An buh tharte pawh kha a tam ve phah ta a ni. Chutiang anga an buh tharte a tam tak avang chuan Mizoram pumpuiah kan buh thar a lo tha a. Chuvang chuan a Department pawh hian Krishi Karman Award 2011 tihte pawh kha a dawn phah ta a. Hengte hi kan Minister, Agriculture Minister zahawm tak hma lakna leh a tum ruhna zara hetiang ang hi thleng thei a ni a. Chuvang chuan, a fakawm tak zet niin ka hria a, chuvang chuan heng hi ka sawi tel duh bawk a ni.

Tichuan, kan sawi leh sawi hnu, sawi loh theih loh chu NLUP hi han sawi leh ta ila. NLUP chungchang hi Party tinin kan beng verh a. Kan sawi vek a, kan sawi dan erawh chu a inang lo a ni. Hei i vei lama mite pawh khan a chhia chu an ti bik hauh lo a, a tha an ti a, amaherawhchu in tih dan a hi a tha tawh lo ve tih angte an sawi chhuak a. “Hetih zawng hian ti ula a tha lawm maw ni le,” tia thu rawn min pek erawhchu an nei lem lo a ni. A dik tak chuan a thlan chungchangahte pawh hian chiang taka kan hriat chu helai House-a an sawi

chhuah thinah chuan, “Congress Party chauh an inpe a, midang erawh in pe lo,” tiin an sawi thin a ni. Hei hi a dik lo a ni tih chu hmanni ah pawh khan Governor Speech kan sawi lai khan ka sawi tawh nghe nghe a, keini bialah pawh First phase-ah khan Party dang congress Party ni lo hi chhungkaw 186 ngawt an tel a ni tihte pawh kha kan sawi lang tawh a, chuvang chuan hemi NLUP kan hotuten an han ti chhuak a hi a lo tha em em mai a, Mizoram mipui tam zawk hian, “A tha,” an ti a, an fak a ni.

Tunah pawh hian a hma 1990 kum vela NLUP hmasa kalpui ai khan tunah hian a hlawhtlinna hi sang hle dawn niin a lang a. Chung zinga a chhan ni ve anga ka zuk hmuh venaah chuan hmana NLUP hmasaah khan mi engemawzatin an dawng a, ti tha duh mang lote kha an awm a ni. Amaherawhchu, tanpuina an dawn a tawp dawn chiah kha chuan an lung a leng tawh a ni. An lo tha duh lova, duh ang tawka an tihthat duh lohte kha an inchhir ngawih ngawih a ni. Chung avang chuan kum 10 chhungin engmah an dawng leh ta lo leh nghal a. An rilruah chuan, ”Aw, NLUP hi han dawng leh ila chuan, ka tihlawhchham tawh lo vang,” tih rilru pu kha mi tam tak an awm a ni. Chung angte chuan tunah hian an han dawng nawn leh ta a. Chuvang chuan an thawk tha em em a ni. Khi lai Lungdar E-a kan hotute pawh khan, “Min han pe leh teh u, hmanah khan kan titha duh lova, kan huante kha kan hralh mai mai a, mahse, leitu hnenah khan kan inhlawhfa leh si a, tunah chuan dawng leh ila kan tihlawhchham tawh lo vang,” an ti a. Chutiang ang rilru pu chuan mi eng emaw zatin NLUP hi an dawng ta a. Chung avang chuan a hlawhtlinna pawh hi a sang hle tawh a ni.

A bik takin hmunphiah thlangtuahte phei kha chuan, hmeithai ringawtte pawh khan nuaih telte an lei chhuak thei tawh a. Tin, vawk thlang te, ar thlangte pawhin an titha, kan bial chhungahte pawh hmanni khan vawk thlang pakhat chu kan hmu a, “Hei NLUP atanga ka vawk, a hma khan NLUP hi ka dawn hma pawhin vawk hi ka vulh tawh tho va, mahse, ka dawn hnu hian hei, a pui pawh pathum ka vulh belh leh tawh a,” a ti a. Note kha a lo nei a, khang kha kan zuk en a, khang kha han hralh vek sela chuan a kum khat income kha a tam hle dawn a ni. Chuvang chuan khatiang kha tam tak an awm a, an titha em em mai a. Chuvang chuan, hei hi insawi bawrh banpui chi pawh a ni lo. A tha zawnga tihlawhtling tura kan infuih hi Mizote theuh kan ni a, kan bat a ni. Chuvang chuan i vei lama mi kan M.L.A-te pawh hi an bial theuhah a dawngtu kha eng party mi pawh ni rawh se, Congress a ni emaw, ZNP a ni emaw, P.C a ni emaw, MNF a ni emaw a dawngtu kha chuan ti tha sela tihlawhtling sela, ama tan a ni a, tin ama tan anih rual rual khan Mizoram pum pui tan a ni, zofate tan a ni. Hei hi kan tih that chuan kan ram hi a din chhuah phah dawn a ni tih kha ka sawi duh a ni e, ka lawm e Pu Deputy Speaker.

**DEPUTY SPEAKER** : Le, tunge han sawi leh ang. Kan sawi zo tawh thaw khat em ni aw. Hei member 13 in niminah khan an sawi a, wawiinah hian 9 in an sawi leh tawh a. Pu Lalduhoma a la awm a ni, i lo sawm ang.

**Pu LALDUHOMA** : Pu Deputy Speaker, hei tun term chhunga Budget Session hnukung ber Pathianin min hruai thleng a, kan zinga member pakhat erawh chuan min kal san a rilru a ti hrehawm hle a. Chuti tih lohah chuan tluang takin kan kal thleng thei hi lawmawm ka ti a. Tin, kan Speaker leh i chungah hian lawmthu ka sawi duh a. Khami Chair

atang khan fair takin Session hi min kaihruiain ka hria a. Kan Speaker ho a Appropriation Bill No.1 te No.2 te kan han pass thin hi chu a hlimawm hle hian ka hre leh zual a. Tin, kan House Leader hnenah lawmthu ka sawi duh bawk a, helamah hian opposition nihna atangin eng eng emaw thahnemngaihna in kan sawi ve thin a, chungte chu in phar thlak sak mai lo in a rem chin chinah min tihlawhtlin sak thin avang te pawhin boruak tha tak a awm thin a, lawmthu ka sawi bawk a. Tin, he term chhungah hian keini hian constructive opposition role dik tak hi kan play in ka hre ve a. A ni chu 'ni' kan ti a, ni lo chu 'ni lo' kan ti a, sut ngai chu kan su in ka hria a, support tlak chu kan support bawk thin in ka hria a, hei hi lawmawm ka ti a.

Tin, Pu Deputy Speaker, waviin hi kan budget hnunung ber a ni a, budget hnunung ber inthlan dawn budget hi kan lo hre ve nual tawh a ip zawr zawr na tur hi a awm thin a. Tunhma in inthlan dawn budget-ah te hian District thar te hi a awm nuaih zel mai a, tin inthlan dawn tep a Doctor a hlawh tur ngaihtuah lem lo va han appoint teuh mai te, zirtirtu han lak chiam mai te, a hnu leh lamah kum eng zat tak kan lu ti hai ang maw tih pawh ngaihtuah lek lova sikul za tel han upgrade thut mai te, khatiang ang chi te kha he budget-ah hian a awm lovin ka hria a. Tin, inthlan dawn tep a plan sum vaibelchhe 50 han sawh hek tawp mai a, a rulh leh dan tur ngaihtuah miah lova health care scheme han kalpui te, waviin thlenga mipui damlo te sum Reliance Company ten vaibelchhe 5 atanga 6 lai an la bat sak ta reng mai te leh case hial siam a lo ngai ta te hi. Heng hi inthlan dawn budget kan lo hmuh tawh thinin a hrin kha a ni a, chutiang chu a awm lem lovin kan hria a, hei hi budget pangngai la niin ka hria a, lawmawm ka ti bawk a.

Tunhma khan Pu Deputy Speaker, helaiah hian keimah ngei hian No Confidence Motion te ka lo move ve tawh a, kan sorkar leh helhote thuk taka an in kaihkuaah tlatna kha ngawihpui mai chi ni a ka hriat loh avangin, chutiang tih ngai te chu kan lo tawng tawh thin a. Tin, hemi Aizawl khawpui in kan tui tlan ber mai Aizawl Greater Water Supply Scheme Phase II chungchangah pawh hian Zero hour ka pu lut tawh nghe nghe a. Contractor hnenah hian vaibelchhe 32 man hna an pe a khatih hun lai khan. Vaibelchhe 32 estimate kha vaibelchhe 98 pek a ni ta a ni, pui tak a ni. Khatiang ang em em a in duhsak kha chu project kha that ngaihna a awm lova. 100 zelah 300 a sangin estimate aia sangin pek a ni a. Tin, estimate pumpui kha vaibelchhe 71 a ni a, chu chu a khum daih bawk a. Advance in vaibelchhe 19 pek a ni bawk a. Vaibelchhe 19 chu bank ah pawh dah ringawt ta ila a interest kha a hlawk tham fe dawn a ni a. 24 MLD tura ngaih a chanve a lo chhuak ta a, khatiang chungchang te kha he budget ah hian kan hman dan dik lo lutuk leh mahni hamthatna um rana kan project te pawh kan tih khawloh duh thin avanga kan ram leh mipuiin an tawrh zia thu hi waviin ah hian ka rilru ah a thar leh tlat a ni.

Tuirial chungchang kan sawi zing hle. Keimah ngei hian zero hour ah ka pulut a, khatih lai kan CM kha, 'hei i chhungte hming a intlar dul mai a, tak tak em ni ? tih ka zawhna chu, 'E...ni e Pu Duha khan a la hrekim lo zawk anih kha,' a ti a ni. A pha miah lo a ni. Chutiangin Bairabi Thermal te pawh khati zat vaibelchhia kha sen a ni a. Vawiiinah hian a chhitin kan chhi ngam reng reng lo. A hawnni a motor kal zozai leh ran talh zozai kha a uihawm mai mai a ni. Engmah ni chuang silo tura sum khawhral ṭawk ṭawk ang

hi kan budget ah hian a awm nawn leh ang tih hi ka hlauh pawl tak a ni a. Chung chu kan fimkhurna tur a ni a. 3% lak chungchangah pawh “Inlo la reng em ni tih ?” zawttu chu keimah ka ni. Khatihlaia kan CM khan, ‘MZP te pawhin donation an khawn a, kan khawn ve anih kha,’ a ti a ni, he House ah ngei hian, a pha lo a ni. Chu chu thudik tak a ni a. Piggery scheme chungchangah vaibelchhe khati zat kha a liam a, Kawlkuh ah, Mualkhang ah, Pukpui ah, vawiin niah a ram vek tawh a. MLA ten hah taka budget kan pass a, kan phar thluk hnu pamtul thin hi uihawm ka ti em em a ni.

Tin, Venus bamboo chungchangah hian kan sorkar in a tum ve tur chu a share neih chu 40% a ni. 40% chu nuai 160 a ni. Khatihlai khan vaibelchhe 10 chuang pek a ni a, vawiin niah hian a interest an la ba a, penalty provision pawh an pe lova. Thi tepin a awm a, kan hria a. Tiang chi a induhsakna hi a tha lo ka ti a, kan sum pass leh tur pawh hi fimkhur tak leh ren taka kan hman tur a ni. Tiang mai mai a kan hman tur a ni lo tih hi kan hriat thar leh nan hmang ila tha ka ti a ni.

Hei, Pu Deputy Speaker, sawi mai ni lovin hnial theih hauh loh C&AG Audit report a lo thleng ta a. In kawl ve vek a, han chhiar ula BAFFACO chungchang a rawn ziah dan hi a ziak na viau a ni. BAFFACO scheme hi Central in a approve sak miah lova, cheng khat mah hemi atan hian pawisa a sanction lo tih chiang takin Audit hian a ziak a ni. Chuti chung chung chuan Additional Central Assistant atang leh 12<sup>th</sup> Finance Commission atangin vaibelchhe 125 hi Planning awm miah lovin result nei lovin hmanral a ni tiin an rawn ziak kuau a ni. Chutiangte chu a ni lawm ni sum, vaibelchhe tel awmze nei lova senral a pawl dan chu. Tin, bamboo link road laihah khan measurement book pawh MB pawh maintain a ni lo, chhui ngaihna pawh a awm lo tih pawh a inziak a ni. Tin, audit in a rawn ziah leh chu khatihlai khan nuai tam tak tu tu te hnenah emaw loan agreement mumal awm hauh lova pek a ni a. An hmingte pawh a rawn tarlang vek a ni, an loan lak zat pawh. Vawiin ah hian a interest naia khat pawh sorkar ah hian kan dawng let lova, a capital an loan laka pawh kha cheng khat pawh min rul lova. A vaiin an fanghma no ei hmiah mai a ni. Khati khawp khan tumah hi an ât ka ring lo. Rilru nei ranin engemaw avangin neih hlen theih loan te pawh kha an lo in pe niin ka hria a. Hengte hi a pawl em em a ni a, khangte avang khan term hmasa khan opposition nih kha a hahthlak a. Kan insu tak tak deuh fo mai a. Tun term ah erawh hi chuan chutiang lutuk a han insut ngai a awm lova, tun hun kan thlengte hi lawmawm ka ti a. Han insut deuh dawn pawhin Pu Deputy Speaker, an lo dup veleh deuh dul bawh thin a. A insut nat vak theih loh a ni. Vawiin ah pawh hian a tha chu a tha ka ti dawn a, a tha lo chu a tha lo ka ti mai dawn a ni.

India Today atanga Award dawn kan sawi teh ang. Sorkar hmasa hun lai khan India Today atanga Award dawn kha an ngah riau mai a, kan nuhzat deuh thin a, Kan House Leader ho hianin nuhza siam nan khan kan hmang deuh thinin ka hria a. Mahse, in rawn ti ve leh tho mai a, a zia lo ang reng hle mai. 2011 ah khan Health Most Improved State Award kha an lo hlan tawh a, India Today atang hianin. State hrisel ber lawmmawm han lak kha chu, cancer leh Aids tih vel a tam nen a inhmeh lo hi ka ti ang reng a. Hei, tunhnaiah Best Performance State on Investment among Small State Award an la leh ta a. India Today pek

vek a ni a. Chanchinbu pakhat hian kan sorkar hi sorkar hmasa atangin duh tawk hian a hling niin ka hria a. Hei hi chu Governor Speech ah leh Finance Speech meuhah te hi chuan rawn thai lan loh nise ka duh. Planning Commission-in Award a pe tih te nisela chu thudang a ni. Chuvang chuan chanchinbu pakhatin a lawman min pek min pek tur hi kan ni bik love, heng hi chu an lo pe che u anih pawhin lo la ve mai mai rawh u, ngawi rengin, a tawk lek a ni.

Tin, NLUP chungchang hi, a tir atangin Cabinet Committee on Economic Affairs atanga ngunthluk taka duan a nih dan te lo chhui chiang ve a, a hlawhchham hlau a, thatna lai te pawh rawn sawi ve reng thin tu ka ni a. Tunah hian bawngnhute ah te kan intodelh ta te hi lawmawm ka ti a. A nih ang ang tunah hian, a thatna lai emaw a famkim lohna lai emaw chu a ni zo mek tawh a. Ka ngaih pawimawh zawk chu, What next? tih hi a ni. Engtingge sorkar lo ding leh turin NLUP hi a kalpui ang. Kan Finance Minister Speech a lo lang Exit Protocol hi a pawimawh lai ber a ni. Kan Exit Protocol ah hian engtingge ni ang le ? NLUP hi, sorkar lo awm leh tur chu tu pawh lo ni se, kan kalpui tak ang ? Chuvang chuan hemi kalpui zel dan turah hian, thlai thar te pawh hi vai ho kuta awm ngawt lova minimum rate te fix a, hei aia hniam chuan a tla thla dawn lo tih hrechiang a, kan lo nei miten hna an thawh a ngai a. Chung atan chuan lei a tul pawha kan leina tur te, tin, vawiin chawhma lama kan sawi, link road laihna tur te leh, tin, kan rama kan thil tharchhuah Processing, Entrepreneurship lampang kan thalai ten an lo buaipui tur kawng ang te, khang ang fun tel nasa leh zual tur zawnga exit protocol ah te hian kalpui zel te hi tha hlein ka hria a, chu chu ka rawn tarlang duh a.

Tin, kan GSDP hi sorkar hmasa hun tawpah khan vaibelchhia 4577 a ni a, tunah hian vaibelchhia 8018 a lo ni ta a, a pung tha viau a, a lawmawm a. Chutih rual chuan service sector hian za a 60 lai mai hi a rawn thawh a. Industry leh Agriculture & Allied hian za a 20 chauh a thawk chhuak ve a. Kan lonei mite hi kan population atanga za a 60 lai ni si hian mihring za a 60 in sum za a 20 lek an rawn thawk chhuak reng mai leh hemi kan pel thei lo reng mai hi kan in enchian a ngai ka ti khawp mai a. Hei Buh te kan lo thar tam a, lawmawm ka ti a. Krishi Karma Award tih te kha kan hmuh a ni awm e, tu pek nge a nih ka hre lova, kha kha. India Today chu a ni lo phawt mai a, a lawmawm a, kha kha. Amaerawhchu, kan buh thar a tam chung hian tuna kan buh thar hian kan demand za 20 hi a phuhhruk chauh a ni. 80% chu kan lei a ngai reng reng a, kan ngaihthlak tak ang khan. Thlatin mai hian, kan Supply Minister zahawm tak hian vaibelchhia 10 chuang hi kan thar ni lo buhfai lei nan a pek chhuah reng a ngai a, kan dinhmun hi a la tha thlawt lo a ni. Chuvangin uar leh zualin helamah te hian kan kal a ngai ka ti a.

Tin Credit Deposit hi hei, kan hre thang lo viau mai a, a figure kan neih hi 2011, December thla tawp thleng kha kan nei a, hei hi up-to-date tawh lo lutuk a ni. Chief Secretary hovin quarterly Meeting an nei reng si a, hei hi engatinge hei aia up-to-date figure hi kan neih loh aw! ka ti a. Hei kan ramah bank 20 bawr vel an awm a, Commercial Bank te hian kan ramah za ah 37 chauh, loan an pechhuak a ni. India ram pumpui an figure kan en chuan za a 70 chuang an hawlh si a ni. Chumi

awmzia chu Pu Deputy Speaker, Mizoram ah chuan za a 37 chauh hi loan ah an pe chhuak a, a bak zawng Mizo te quota, Mizo ten a loan kan lak tur kha vai ramah, an hmunpui lamah an pe tih na a ni. Kan chanai State dang ami ten an la tihna a ni. Tichuan, a pumpui National levelah kha chuan an tichhe chuang lova, Mizoramah hian an tichhe em em a ni. Heng hi development atana tangkai a ni a, kan ramah development hna hi an thawk chau lutuk heng Commercial Bank ho hian. APEX Bank erawh hi chuan za ah 72 chuang a pe chhuak a fakawm ka ti a, an hnenah lawmthu ka sawi duh a ni. Chutiang chu anih avangin hengte hi hma kan lakna tur pawimawh a ni a.

Tin, inflation hi za ah 35.60 a ni a heti khawpa thil man rate a sang hi a check na tur hian Dan mumal kan la nei reng reng lo, association emaw tu tu emaw in an duh duh dan in thil rate an la tisang thei reng a, kan NGO te hian hma la lo phei sela chuan kan ram hi a hrehawm khawp ang, chuvangin hei hi hmalak vat na chi ah ka ngai a ni.

Tin, Sorkar hnathawk hlawh hi Plan atanga kan pek hi vaibelchhe 280 a la awm a ni, a turu lutuk a ni. Kan Plan sum, development atana kan hman tur Sorkar hnathawk hlawh a kan hman hi, heti hi a ni a, heng hi Non-Plan lamah hian kan suan phei a ngai a, chutah chuan kan Education Department pahnih hian vaibelchhe 172 hlawh atan an la hmang a ni, an sang ber a. Health and Family Welfare Department hi vaibelchhe 47, PWD vaibelchhe 12, PHE vaibelchhe 8 a ni a. Heng Department te hian theitawp rawn chhuah se tih hi ka'n duh bawk a.

Tin, BPL hi 38.6% hi kan ni reng kumkhua. Chhungkaw pakhat pawh kan dawmkang lo BPL atangin, khati ringawt kha a diklo a, figure ngai reng kumtin kan hmuh hian kan performance kawng lehlamah a hek em em a, heng te hi tihsan chhoh dan ngaihtuah a tha hle in ka hria a.

Tin, kan per capita income lo pung chho zel te hi a lawmawm ka ti a, Revenue Surplus te pawh a lo pung chho a, hemi hun chung hian vaibelchhe 500 chuang kan Plan sum atangin Sixth Pay ah leh Pay Revision ah Sorkar in a seng a, chutichunga kan Revenue Surplus a lo pung chho te pawh hi a lawmawm a ni. A lawmawm na na na chu Pu Deputy Speaker, lawmawm kan ti mai keini hi chuan, a tha lo chu a tha lo kan ti mai a ni. Heng te hmang hian hun kha a awm tawh si lova he kan Budget hi ka rawn participate ve a ni e, ka lawm e.

**DEPUTY SPEAKER** : Le, tunge han sawi leh dawn le.  
Pu R. Lalthangliana.

**Dr. R. LALTHANGLIANA**: Pu Deputy Speaker, ka lawm e. Hei tun tuma kan Budget Discussion ti mai ila, a hnunng ber kan nei thei ta a a lawmawm hle mai

a Pathian hruaina a zarah leh inkaihhraina a zarah hlim takin kan hun kan hman a chutihlain kan Member zahawm tak Pu Chawngtinthangan min boral san a pawl kan ti hle tlangin ka ring a. Chutih mek lain member thar kan neih belh ve leh a, mike hi a chiang lo.

Pu Deputy Speaker, thil tam tak sawina hun a ni lova, churang chuan ka ngaih pawimawh thenkhat thil pahnih khat han sawi ka duh a. Pakhatna ah chuan hei he kan rorel naah hian member te, a thar te kan awm belh zel a kumin hian. Tun term bikah hian member 20 hi first timer ti mai ila vawikhat tlinna a lo lut thar te kan niin ka hria a, vawiin ni a lo thukhawmte te hi 2013 kum tawp in thlanah chuan kan vai hian kan kim ka ring tawh lova, churang chuan kan hun tawp Budget bikah chuan niin ka hria a, engemaw zawnga ngaihtuah chuan a lunglenthlak viau a, a chang chuan House ah hian kan han inti deuh bar bar thin a. ZNP lam nih hi a nuam berin ka ring a, anni hi duh dan dan khan thil sawi kual kha a remchang riau mai a, sorkar tawh ve ve kan ni a, dinglam a mite leh helam a mite hi. Han sawi dawn khan sawi tur kha a tam thei ve viau mai a chulai chu anni hian advantage ropui tak hi an la thiam riauin ka hria a ka lawmpui a..... khang kha thuhma ang deuhin kan sawi duh a ni.

Hei kan sawi duh chu Pu Dy.Speaker, pakhatna ah chuan vawiin nia kan budget pass tur hian kum 2014 nakum march 31 thleng hi a hawlh tlang dawn a. Chutih mek lai chuan hei kum 10 vel dawn chu vote on account ngar ngat hian kan la kal hian ka hria a, term hmasa hunlai atang khan tuntumah hian full budget ang deuhin kumin kum kal mek ral mai tur budget size hman khan kan han sawiho tur hi a har khawp mai a, churang chuan kan ngaih pawimawh zawng deuh deuh tia han sawi kual anih mai loh kha chuan Pu Dy. Speaker, sawi thiam kha a harsa a, kawng lehlamah chuan keini lam hi chuan kan hrethiam em em che u a, inthlan kum anih avang hianin a full budget anga han tarlan ve hrim hrim pawh kha in duh niin ka ring a, amaherawhchu a tak tak rama hei lo sorkar ve tawh thin kan nihna azarah inthlan kum budget hi chu a tak takah chuan sorkarna chelh meka te hian kan hman hman mang lo a ni. Hlawh leh thildang hi chu an han kal chho mai ang a, june, july chho velah amaherawhchu 'Ber' thla a han ni chho anga, helaiah hi chuan a khawih tak tak theih tawh lohva, churang chuan sorkar thar lo piang tur kan beisei ZNP te pawh a ni maithei a, khang khanin an duhdanin an khawih dawn niin kan ring deuh a. Engpawhnisela, a full budget a kan han project hrim hrim hi a tha chu ka ti a, amaherawhchu sawi thiam erawh chu a har ka ti deuh hlek a ni tih kha ka han sawi duh a ni.

Tin, Planning Commission khan nikum khan plan India ram state hrang hrangte an final hun kha a tlai viau mai a, ka hriat sual loh chuan Mizoram hi June ni 6 hian min final pui a, kan Chief Minister zahawm tak leh kan Deputy Chairman, Planning Commission ten ni 6 khan an final a, chutah chuan vaibelchhia 2300 khan min final pui kha a ni a. Tin, India hmarchhak state pawh hi Pu Dy Speaker, an final tlai viau vek mai a. Hei Prime Minister special package tih chungchangah hian thil kan han sawi duh lawk chu, a awm chu a lo awm a ni, Arunachal Pradesh leh Deputy Chairman, Planning Commission

lamin a an thutkhawm tum hi july ni 11, 2012 kha a nia, hetah hian chiang deuh hian a lo ziaak a. 'Special package announced by the Prime Minister has great helped in generating more economic activity' tih kha an minute ah hian an tar a ni. Engemaw hi chu a awm a ni, thil danglam deuh funding source a hranpa deuha in rawlruk chi hi chu a awm a ni tih hi chu a chiangin ka hria a, chu chu kan han tarlang duh mai a ni a. Tin, hetah hian Sikkim Chief Minister te leh kan Deputy Chairman te an meeting tum April, ni 13 hian Prime Ministers package kha a awm thu a rawn tarlang bawk a. Tin, hei Sikkim hi kan Planning Commission Chairman hian a comment hi a ropui ka ti em em mai a, a tak tak ram hi zuk hmuh a nilova, 'Ahluwallia appreciated the development efforts and pointed out the human development indicators were among the best in the country' a ti tawp mai a ni. A ropui ka ti khawp mai a, 'he said that the growth in agriculture during 11<sup>th</sup> plan was better than the national average' a ti, 'The Government was also appreciated for giving priority to organic farming, horticulture and floriculture' a ti a, tin, chutih mek lai chuan Arunachal hi Deputy Chairman hian heti hian a comment a, 'he appreciated the efforts of the state in accelerating development and capitalizing infrastructural development. State was also appreciated for the improvement in growth rates which was better then the national average' a ti a. 'It was acknowledge that the special package announced by the Prime Minister has greatly help in generating more economic activity' a ti a. A lawmawm ka ti a, ka lawmpui a, heng kan sawina chhan hi waviin hi general discussion a ni a, min hmuh dan tak tak hi a pawisa min rawn petute hian eng angin nge ni ang tih hi ka ngaihtuahnaah a awm a. Kawng lehlamah chuan thil tam tak tha tam tak hna kan thawhna lai kan sorkar hian a nei ang tih pawh ka ring a. Amaherawhchu chutihlai chuan keini lampang rawn thlirna hi sawichhia lampang nilovin kan comment ve awm erawh hi chu he House ah hian han sawi chhuah hi a tha in ka hria a. Dik tak chuan kan budget kan han en hian NLUP tih loh hi chu thil danglam, engemaw significant langsar tham han sawi tur hi kan hmu tam lo em em mai a.

Amaherawhchu ka lawm ve na riau chu Pu Dy Speaker, Kan sorkar hmasa in a thil tih thenkhat tuna kan sorkar in puitling deuhin ngaihtuahna a rawn nei a hei hi a rawn chhunzawm hi lawmawm ka ti a, entirnan Rajiv Gandhi Stadium tih te pawh a hmun an sawn tih mai loh ah chuan kan pawisa kha khu lamah an sawn a tikhuan hmuh theihin hna an thawk ve tlat mai a. Thenzawl te pawh bul kan han tan a hockey an chhunzawm mai a, Kolasib ah Training Centre min chhunzawm pui bawk a Kawnpui ah hockey min chhunzawm pui a Chite ah te, Champhai ah te min chhunzawm pui bawk a. Tin Capital Complex a lung te pawh kan phum tawh Stadium a pawisa Putar te tlang lamah an transfer a kan sorkar hian tha deuh mai in an sa ve leh mai a. A hmasain sum pawh kan lo ruahman fel vek tawh min han chhunzawmpuina ah hian lawmawm ka ti a. Kan ngaihtlak tawh angin mirethei a bikin Urban poor kan tih ang chi an chenna tur In leh lo sak chungchangah pawh Sorkar hmasa in khawpui lian deuh deuhah chuan ruahmanna kan siam a, kha kan siam kha chhunzawm duh lohna boruak nei lova tun sorkar in an chhunzawm zel ta hi a lawm awm ka ti, in sawisel ringawt lova thil tha kan tih te kan in chhunzawm thin hi waviin ah hian kan chin zel tur nisela ka duh khawp mai. Chutihlai chuan thil pakhat pawimawh em em kan hriat atan a ka duh em em chu Sorkar chuan achievement kan nei tur a ni chu chu achievement a phaw vuak mai mai nilo a tak tak achievement kan nei tur a ni. Chumi kawngah chuan Pu Dy Speaker



tlem in i ding lama mi te hi an tehfung kha la fip leh deuh se ka duh a. Hmanni ah ka bialah ka kal a, NLUP ti teh ber kha Award dawngtu kha kan in hmu a kei hi chu dawng tur ka ni lo a ti a, a chhan chu Sorkar hmasa hun lai atang a puitling tawh sa ka nih avangin dawng chi ka ni lo, mahse dawng tur a min tih takah chuan ka dawng lo thei si lova a ti a tiang deuh chuan entir nan awih awmlo thil kha a awm ta a ni, thil tam takah chuan NLUP ah pawh hian a hlawhtlinna a awm ve ka ring tho mahse thil thenkhatah entir nan Red Oil Palm te chu kum 7/8 vel ah lo chuan a hlawhtlinna a hmuh theih tlat loh kuhva te pawh kum 4/5 kum 6/7 vel ah lo chuan a hlawhtlinna a hmuh theih loh chutihlaia Tv/ Local channel vela kan ti lang fo kha chu mi in awih dan chin tawh kha an nei tlat a ni Chuvang chuan a tak ram tak taka kan hlawhtlinna hi kan sawrkar hian pho lang tam se a pawimawhin ka hria .

Thil pakhat kan Budget hrim hrim a ka'n tarlan duh chu Pu Dy Speaker harsatna tam tak hei, sorkar hnathawkten hlawh an la thei lo kan tih khan kan Chief Minister zahawm tak khanin "an lak theih loh chuan Department mawh a ni" a han tih teh tawng lai anga kha enchian deuh pawh a ngai thovin ka hria a, an mawhphurhna lai chin chu a awmin ka ring a, amaherawhchu, an mamawh tawh an siam thiam lo nge, an mamawh tawh an siam thiam a kan cut sak tih lai hi ka ngaihtuah a. Hei Hindi Teacher te chuan tunah hian thla 8/7 te hlawh an la lo tawp mai a ni, SSA zirtirtute hian thla li nge thla thum hlawh an la lova, tunhnaiah an han pe leh a. MIFCO a hnathawkte chuan January thla atang khan an la la lo hrim hrim. Khatiang ang chi kha Pu Dy. Speaker, an awm tlat mai a ni, chuvang chuan kan thil sawirik dan te leh kan thil hriat danah hian heng hi kan ngaihtuah chian kha a tha in ka hria a.

Tin, a tawp bera kan sawi duh chu Pu Dy. Speaker, NLUP hi vawikhatmah House ah hian kan sawichhe ve lovin ka hria a a scheme hrim hrim pawh hi engemawti zawnga zuk sawichhiatna hi helama mite hian kan neih ka hre lo.

Amaherawhchu, a implementation dan te a dawngtu tur NLUP hmanga hlawhtlinna ti tura kan ngaih, kan thlanchhuah dan chungchangah erawh hi chuanin enchian a ngai. Chuvang chuan, Pu Deputy Speaker, vawiin nia ka sawi duh chu sorkar hi chu a ngai reng a ni thei lova, tuna Budget kan sawi mek lai pawh hian nakinah November thla bawr velah inthlanna a awm ang a chu inthlanna lo awmah chuan sorkar lo inthlak ta ang sela ka sawiduh em em chu ZNP pawh lo sorkar ta sela, MPC pawh lo sorkar ta sela, MNF pawh lo sorkar ta ila budget allocation a fel taka NLUP ruahmanna lo awm hman lova paihbo ngawt theih kha a ni tawh lo, kan hman hrim hrim a ngai dawn. Chuvang chuan, vawiin nia sorkarna chelhtu ten "keini kan sorkar loh chuan hei hi a bo ang, a awm tawh lovang" tih tluk deuh thaw khawpa mipuiin an sawi hi chu Pu Dy.Speaker, a dik lo in ka hria a. Chuvang chuan heng hi uluk takin a tu a te pawh lo sorkar ta ila kan chhunzawm tur chi hrim hrim anihna lai zawk hi kan hriat a pawimawhin ka hria a, a policy leh programme kha kan pawm e, kan tihna lam ni lovin loh theih lova kan chhunzawm tur chi a ni. Kan sorkar hunlaiah pawh khan an tawp ta a, thil tam takah in chhunzawm tho kha vang khan vawiin niah hian khati zawng khan ngaihtuahna kan neih a pawimawhin ka hria.

A tawp berah chuan Pu Dy.Speaker, kan sawi duh chu kan Finance Minister hi vawiin niah hian kan Minister dangte nen duhsakna kan hlan duh a hun tlemte thla 4/5 bawr vel hnathawhna hun an la nei turah ngai ta ila hemi chhung hian dik taka pawisa hetiang ruahmanna budget kaltlanga lokal hi kan hman ka duh a. Pawisa hi dik takin hman theih ni sela. Tin, a hlawhtlinna hi a taka hmuh theih turin hun reilote an la neih chhung hian hman theih ni sela tih hi ka duhsak a ni tih hi kan sawilang duh a ni. Ka lawm e.

**DEPUTY SPEAKER** : Tunah chuan kan Member-te sawi awm chuan an sawi zo tawh niin ka hria, kan General Discussion chu kan duhtawk ang a, kan Finance Minister zahawm tak kha rawn wind up turin sawm ila a tha awm e.

**Pu H. LIANSILOVA, MINISTER** : Pu Dy. Speaker, ka lawm e. Vawiinni a kan Budget General Discussion-ah hianin nim lam atang khan mi 23 niin ka hria a ka chhinchhiah sual loh chuan, member zahawm tak tak ten rilru zau tak leh duhsakna te, lawmthu sawina te nen he sawihonaah hian an participate a, a lawmawm hle in ka hria a. Vawiin niah hian a tawpna ni kan lo thleng thei ta a, tluang takin sawihona pawh kan nei thei a. Tin, kan sawihona boruak pawh a hlimawm hle in ka hria a churang chuan a tlangpui thuin kan sawihona leh he kan general discussion a kan thahnemngaihna leh infin chhuahna thu kan sawi te kha lawmthu sawi phawt ngaiin ka hria a kan sawi hmasa phawt a ni.

Tin, pahnihna ah chuan kan hriat theuh angin hei kuminah hian budget pangngai deuhvin pass hram ila tih kan hotuten an duh avang leh a hun tawh pawha ngaih a ni a. Pu Speaker, a sawiho na ah te kan ngaihtlak tawh ang khan kum 1999, 10<sup>th</sup> Plan hma leh 11<sup>th</sup> Plan chhung hian Central lamin kan plan size tur min final puina tur atana hun min tiam hi a tlai thin avangin Vote on Account in kum 10 chuang kan kal ta a, churang chuan kuminah hian heti reng maia kal lo hian tihdan ngaihtuah a tha ang tih kan hotute rilruah a awm a, kan Chief Minister zahawm tak remhriatna leh kaihhruainain. Tin, Planning Commission te pawh a thuphung chuan kan kalphung tur te pawh rawnna neiin tiang hian budget plan size tur kan hriat hmain tuna kan din lai Plan size hian relh phawt mai ila tiin kan lo kal pui ta a. Heng zawng zawngah hian kan Chief Minister min kaihhruaina te, kan Minister ho te leh kan Parliamentary Secretary te, sorkar lama kan thawhpui te, a bikin Planning leh Finance lama kan officer ho zawng zawng te remhriatna leh thahnemngaihna a inngatin heng hi kan rawn tlin ve thei ta a ni a. Tin, hei kan budget document hi a thahnem tham fu mai a, a related document nen chuan a vaiin bu 13 tia sawi theih hial a ni a, hun chep tak karah zawh ngai a ni a, tin, kal mek a lo awm reng baw si a, churang chuan tih phuai deuhna lai te pawh kan nei a, mihring ti dik taw lo leh tisuah thei kan nih avangin. Chungte pawh chu han hmuhchhuah leh tlai khawhnu te a ni a. Amaherawhchu, kan member zahawm tak te'n chung te pawh chu hriatthiamna zau tak neiin min dawngsawng a churang chuan lawmthu kan sawi nawn leh duh a ni.

Tin, sawi rei pawh tulin ka hre lova, ka budget speech ah khan finance lama kan dinhmun te tin, sorkar policy financial management a kan policy-te, economics development lam atana kan policy te, kan lehkhahu pekchhuah che u ah khan Fiscal Policy statement leh a strategy tih te. Tin, Macro Economic Statement-te pawh kan rawn ti tel a tin, chung bakah chuan Medium Term Fiscal Management tih te pawh kan rawn ti tel a, khang kha ngun taka in lo chhiar tawh leh in hmuh ang khan kan budget hi a nih ang anga han thlir hian kan Plan Size hre lo mah ilang kan kal pelh tawh tuna mi han review na kha han thlir let hian kan harsa chung chung pawhin thawhona tha tak leh nichin a kan ngaihthlak tak ang khanin Opposition lam atang pawhin insawisel leh in sawichhiat hrim hrim lam ai pawhin constructive taka thil sawi leh in dawnawm anih avangin a lawmawm a. Kan hmasawmna pawh hi nichina Sikkim te kha chu pha lo mah ila India ram hmarchhak State dangah hian keini aia ti tha dang hi han hriat theih maiah chuan an awm lova. Kan GSDP tun kum li chhunga a pun dan han en hian heng hi tu in emaw a thawh that bik vang emaw a Minister in a thawhthat bik vang a ni lova. Thawh ho vek kan ni a, Sorkar kan tih leh roreltute kan tih hian vawiin nia helaia thu ho zawng zawngte leh heng thawhchhuah nana thawktu pawimawh tak tak te kan ni vek a. Kan thawhona anih avangin heng hi Sorkar angin han sawi chhuak theih a ni ta zawk a ni. Chulo ah chuan kan outstanding liability hi tunhma kha chuan kan ngaih a tha thei lova, kan hotute thil ngaihtuah thui leh a hre deuh ho hi chuan hei hi chu a hlauhawm e tia sawi thin a ni a. Amaherawh chu engemaw chen atang khan kan Chief Minister kaihhraina in, ani hi remhria a thil chinchang hria a ni bawh a, theihtawp chhuahin kawng min lo zawhpui avangin kan outstanding liability hi kha a chart in han en khan a tlahniam hle mai a.

Tin, Finance Commission in Fiscal Correction path min pek leh kei mahni ngei pawhin dan Mizoram Fiscal Responsibility & Budget Management Act kan lo pass tawh chhunga in khung theiin, vawiinni thlengin kan kal hram hram thei hi, kan Sorkar in Finance lam hma a lak naah hian, kan sawi tawh ang khan mimal a tumah accredit la bik tur kan awm chuang lo, kan thawhho na leh kan Chief Minister kaihhraina hnuaiah a ni. Vawiinniah hian Finance Commission in min beisei ang leh min tuk ang chhungah la inkhung hram hramin leh keimahni dan pass chhungah kal pel lutuk lovin kan kal hram hram niin a lang a. Hei pawh hi vawiin niah hian han sawichhuah tlak niin ka hria a.

Tin kan outstanding liability hi 1999 atang khan a sang chho ta zawt zawt a. A chhan chu plan lamah te kan pawisa hmuh a lo sang deuh deuha, chuvang chuan open market lamah te kan lo la tam deuh a ni mai thei e. Kum 2003/2004 chho ah kha chuan kan GSDP nen khan a in tia ruau ruau mai a. Chubakah kan revenue receipt nen han khaikhin khan kan revenue receipt ai khan a sang ta mah a. Chuvang chuan kan state liquidity kha dinhmun derthawng takin a awm a ni tih kha hetah opposition MLA a leh kan hotute leh mipui duhsakna a kan awm ve khan, kan hotuten an ngaihmawh leh helai dinhmun hi a hlauhawm a ni tia an sawi fo thin kha a ni a. Amaherawhchu kan GSDP atanga teh pawhin 50%, 54% ah te kan tlathla ta a, kan loan lian leh interest sang deuha kan lo lak ho kha, a tam ber chu kan Chief Minister in Finance a enkawl lai khan vaibelchhe 100 dawn khan kan nawr hniam ta a. Vawiin niah hian heng kan liability ah pawh hian tlem chuan kan thawk a rem ta deuh a ni

tih kan document-ah in hmu thei ang a. Tin, 2014/2015 ah pheih chuan beisei anga kan kal theih a, tun anga keimahni lam inhrek taka kan kal zel chuan ziaawm takin Fiscal Correction path prescribed chungah hian kan in khung thei ang a, chumi avang chuan Central Sorkar atang pawhin puihna min pek thin a award pawh hi kan hmu thei tha zel dawn niin kan beisei a, chu chu kan hmahlir pakhat a ni a. Tin, chuloah chuan revenue surplus hi kum li chung chu tha takin kan nei chhonzawm zel thei a, a hma lam pawh khan revenue surplus hi kan nei chho zel a. Tin Capital Expenditure lamah hian kan san chhoh zel theihna turin revenue surplus kan neih tam deuh deuh a ngai a. Chutiang anih chuan kan hotuten an han sawi lan tawh ang khan kan neih tam deuh deuh a ngai a, chutiang anih chuan kan hotuten an rawn sawi lan tawh ang khan sawrkar hnathawk hlawh leh a behbawm a kan in sen sona hi kan in hrek tial tial deuh a ngai dawn a ni. Hetih rual hian sawrkar hnathawk hlawh chungchang hi han sawi lang ila. Kan survey report ah khan in sawrkar hna ruak hnawkhah loh nikumah kha chuan singkhat chuang deuh hlek kha niin ka hria a, kumin ah hian 9000 velin hnawkhah loh kan la nei a ni. Post create si a hnawh khah loh hi engvangnge. Pakhatah chuan kan Finance dinhmun han en hian heng hi hnawkhah vek ta ila, tuna hlawh atana kan han pek ringawtah hian vawiin chawhma lamah te pawh han sawilan a ni a, tin kan statement ah pawh khan sawrkar hnathawk bik atana kan senso san tawh zia kha kan hmu vek mai a, hemi han belh chhan leh chuan mipui lam chan, hmasawna tura kan hnathawhna tur capital outlay tur lam kha a hrek dawn bawk si a, churang chuan sawrkar hnathawk hlawh chung changah hian tuna kan dinhmun ang hi kan in maintain hram hram a, loh theih lohva a tul bik kan inbelh hret hret hian kan kal thei tawk tawk a ni tih kan hriat zui pawh ngai in ka hria a.

Tin kan member tam tak ten an han sawi tawh District Council lam te pawh an in hrek ve deuh a ngai a ni, anmahni population leh an sawrkar timai ila hnathawktu an tam lutuk a, churang chuan helai atanga pawisa kan neihsak theih ang ang te hlawh atana lo hmang zo zel thei khawp leh chutianga anmahni lamah pawh hmasawna tur atana hman tur dah tam deuh deuh thei tur zawnga anmahni pawh in rationalize a ngai zui dawn niin a lang a. Tin, sawrkar hnathawk chungah pawh hian lawmthu han sawi zui pawh ngaiin ka hria a, Six Pay kan han hmang ta a, sawrkarin sum harsatna nasa taka a tawk a. Chutichung chuan tunah hian Six Pay chu 2009-2010 atangin kan han hmang ta a, tih fel ngai leh enfel ngaite a lo la awm zel a, Cabinet in nguntaka a zir chian hnua a thlir tawh hnua a hnuhnung ber atan nikumah khan engemaw la thlir nawn ngai tur review committee in a thlir te pawh, final in tunah hian thu leh awm tawh lova, chinfel ni a ngaih deuh tawh a ni a. Churang chuan kan sawrkar hnathawkte hi an hlawh a pek theih tur awmah maximum-in sawrkar hi a in pawt fan tawh a ni ber a. Tin, hetiang kan harsatna te hria hian leh sawrkar neitu tak an nihna pawh anmahniin a taka tilang in, a chhe zawnga innawr leh sawkar dova emaw a awm lovin, hlawh leh a kaihawih thilah inpawh sak leh tha taka indawr zelin, tun hi kan thleng thei a a lawmawm hle in ka hria a. Tin DA pung hi tunah hi chuan kan pek theih tur chin chu kan pe hram hram a, heng hi an hotute nen tlang taka in dawr pawhin, tiang a sawi in sut reng pawh ngai lovin, a thlabi in finance secretary ho hian kan Commissioner nen kan finance dinhmun enin, an ngaihtuah reng thin a, keimah pawh a chang chuan ka tel thin a. Churang chuan kan theih hun hmasa berah C.M. pawhin heng hi ngai pawimawh tura min duh avangin kan enzui reng tih min hriatpui a, chutiang chuan kan kal zel a. Tunah hi chuan December thla thlenga

DA pawh kan pe tawh a. Hetih rual hian Sorkar hnathawk hlawh chungchang a kan Finance-a harsatna han share che u ka duh a. Hlawh Sorkar hnathawk 80% vel hlawh hi non plan atanga kan pek a ni ti ilara a sualin ka ring lova. Kan Non Plan pawisa pun dan kha kan budget atang khan a hmuh mai a theih a, 10% pawhin a pung pha lo a ni. Chutihlai chuan hlawhah hian kumtin 3% in annual increment a pung tawh ngei ngei a. Tin, a karah ACP kan hman avang hian promotion tam tak avanga hlawh pung a lo awm leh a. Tin, D.A pung hi kumkhatah hian 7+8% a nih loh pawn 7+7% emaw a lo ni a, chutiang anih chuan mandatory anga hlawh pung kha 17% emaw 18% emaw kha a tul ngei ngei a. Chutiang anih chuan Non-plan lama kan pawisa pun danin a match pha lova. Chuvang chuan sorkar hnathawk lakah pawh duhsakna sang tak kan C.M te pawh hian han pek duh thin mahsela kan sum leh pai dinhmun leh kan pawisa hmuh danin a phak loh avangin kan duhsak tur angin kan ti thei lova, a hun takah DA pung thin te pawh kan pe thei lova. Amarawhchu chutichung chuan ngaimawh takah kan neih loh theih loh avangin tunah hian harsatna zual pui chu sukiang ta ah kan in ngai a. Chung kawngah chuan sorkar laka an dawhtheihna leh min hriat thiamna avangin lawmthu pawh kan sawi nghal a ni.

Tin, Plan Fund chungchang hi Session hmasa July thla pawh khan sawi a ni tawh a Department tin te a kum hmasa aia an tlahniam emaw a hma ami an phalo emaw khatiang kha zawhna awm thei leh mit la deuh thin in ka hria kan sawihona ah hian. Tuna kan kalhmngah hian kan normal plan fund hi chu hlawh leh office in enkawlna a ni tlangpui ber a. Chuvang chuan kan C.M in min kaihhrui thin angin hlawh hi chu indaih turin normal plan fund-ah in daiha dah turin Draft Annual Plan siam lai pawhin Department tinte hriattir an ni thin a. Tin, hemi bakah hian scheme-wise emaw, Project base emaw a ACA atanga hmuh theih a awm leh a. Chu pawh chu department-in Scheme/Project a an siam that leh tih thatah thui tak chu a in nghat a ni. Tin, hei bakah hian Special Plan Assistance a lo kal tur project tha entir nan kan NLUP ang te pawh, khami hnuai min pek tur ang chi te an rawn neih a an rawn kalpui theih chuan chu kan plan size tilian tu leh Department Plan Allocation tilian tu tur a la awm leh a. Tin, Special Central Assistance a awm leh a, chutiang bawh chuan EAP-a pek theih a awm leh a ACA ang bawh khan. Heng hi project based anih vek tawh avang hian normal central assistance a kan hmuh theih thin piah lam hmu thei tura department in a Scheme/Project thar an rawn neih theih a an rawn siam loh chuan nikuma ₹ 200 a hmuh atanga kan plan fund 10% a a pun avanga ₹ 210 a pun ve mai kha a remchang tawh thin lova. Chu chu a tlangpui kan kal tak dan hi a ni. Chuvang chuan Department thenkhatah chuan eng project emaw ACA emaw SPA emaw atanga project pek theih an lo neih khan an plan fund allocation a sang a. Chu chu kum 2/3 an kalpui theih tur project te a nih pheichuan khami kha an chhunzawm zel a. Amarawh chu kha project a zawh tawh a adang lak leh tur an neih chuan si loh chuan project an thawh zawh taka an allocation tia bawh, project nei chuang si lova, pek leh ngawt kha a remchang tawh lova. Chu chu department-a Plan Fund in pek danah khan inchen lo zung anga zu sawi theih leh nikum aia hniam kum hmasa aia hniam a han sawi theih a awmna lai a ni a. Amarawhchu Central Normal Assistance ka tih State Normal Plan Fund ka tih, state resources base-a leh Planning Commission in min pek ang chi ah hi chuan in rualkhai thei ber leh hlawhte an in enkawlna tur te khami annual plan fund atana anmahni in hma an lo lak ve thin pangngai te an kalpui zel theihna turin a tlangpui chuan tehna hrui khat deuhin kan kal tlangpui a ni. Tin, kumin ah

pawh hian dept 30 lai mai an hniam tih pawh kha chumi ang avang a ni thei a, tin, chulovah pawh hemi Central sponsored scheme leh Project engemaw kan hmuh tur state matching share ngai tur khang kha tunah engzatnge an hmuh theih dawn a hriat bawk si loh. Chuvang chuan a matching share tura kha Planning dept budget hnuaiyah khan kan park rih thei lova; hei hi kan plan size tur kan hriat loh mai vang pawh nilovin eng scheme nge ni an la neih ang a, matching share engzatnge ni an mamawh dawn tih hi la hriat loh avanga la allocate rih loh avanga thenkhat kha chu la hniam rih te a ni thei bawk a. Tin state matching share tur hi Department-ah lo pek lawk hi a lo thlen loh hian eng eng emaw tia a nihna tur dik taka hman loh emaw mamawh hmasa zawka han hman theih tur te pawh hman theih loha anmahnia kan lo allocate kha chuan a awm thin bawk vang hian khang kha siamremna remchang zawk atanah Planning lamah khan pawisa park tam a ni ta zawk a ni. Chu chu ka sawifiah thiam dan nisela. Tin, NLUP pawh kha kuminah kan lo kalpui pangngai leh budget-a a kum hmasa a lo awm pangngai anga an han dah den den kha department-ah khan, Implementing Department leh Nodal dept ah khan dah chu a ni bawk na a, amaherawhchu a pumhlumin kuminah hian engzatin nge Department tin hian an chan dawn tih Planning Department-ah NLUP board atangin emaw a Nodal dept atangin emaw rawn pek hman anih loh avangin a hlawm deuhin Planning Department hnuaiyah khan park rih a ni a. Hei chu allocate leh mai tur a ni a, harsatna awm lo tura ngaih a ni a.

Tin khatih rual khan NLUP kha thildang sawi tam vak lovin kan sawi duh chu NLUP hi kan hriat theuh angin Special Package anih dan hi sawifiah zui pawh a ngaiin ka hre lo a. Tha takin kan dawng a kan hmang kan hmang a, chutih ruala kan chhinchhiah tur ni a ka hriat chu ₹ 370 crore hi a hma lam kumah ₹ 240 crore ACA emaw SPA atangin Planning Commission in min pek hian Sorkar hnathawk hlawh nena chawhpawlh theih a ni lo a, NLUP-a hman tur hlawh atanga hlawh pawhpen ngai pawh a ni lo. Tin, kan Plan Fund zawng zawng ah pawh hian sanction remittance a hlawma min pek hmasak ber a ni ziah zawk a ni.

Chuvang chuan sorkar hnathawk hlawh atana pawhpena NLUP a chhun tih ai chuan engemaw sorkar hnathawk dept thenkhat engemaw remittance sanction lo thlen hmaa min lo chhawkto ber pawh NLUP hi a ni zawk a ni. Fund kan neih ang zawng zawnga kan hman tangkai theih ber zawk a ni e, Kut hnathawkto tan liau liaua dah a ni a, chuvangin sorkar hnathawk hlawh atanga pawh pen a ni lo. NLUP a Cash Balance hi Department thenkhatah hian lo pe lawkin an sanction lo thlen hmaa lo pekah kan hmang fo zawk a, chutiang thilah chuan tangkai takin kan hmang zawk a ni tih kha kan hriat tha in ka hria a. Tin hemi bakah Agriculture leh Allied sector ah he NLUP hi an Budget allocation belhchhah (enhance) thahnem tak anih avangin RKVY hi tunhma 2008 hmalama kan avail theih loh kha, NLUP kan neih chinah hianin kan avail thei ta a. Kan budget allocation Agriculture leh Allied Sectors ah a lo tihsan tak avangin. Chuvang chuan tun kum kan hman mekah phei chuan crore 370 lai kan han hmuh belh takah hianin Agriculture leh Allied Sectors head ah kan budget allocation kha a san theuh avangin RKVY atanah hian ₹ 140 crores bakah crore ₹ 60 crores lai kan han hmuh belh leh ta a. Chuvang chuan NLUP hi Sorkar Budget atan pawh kan tangkaipui in kan chhawr nasa em em a, mipui lam leh kut hnathawk tuten an chhawr mai ni lo in kan sorkar sum indaihlohna avang hian lehlam ah chuan kan hmuhphak loh kha min hmuhtir phah ta a. Hei hi kan sawilan tam loh deuh avangin kan hriattlan atan

thain ka hria a. Tin NLUP hi, tuna kan sorkar term chu a lo tawpin kumthar leh tuna kan kalpui mek hi inthlanin a rawn nang dawn a, engtingge nita ang tihlai tak kha pawimawh chu a ni ta a. Amaherawhchu kan party lian ber MNF lam pawhin NLUP hi kan chhunzawm ang tunhnaiah chuan an han ti ta a, a lawmawm hle in ka hria.

Tin, tun tuma kan Bye-election thlanna ah khan “NLUP hi kan hneh lo a ni ber alawm” an han ti kha lehlahmah chuan a tha zawnga ngaihtuahna rilrua ka lo neih chu, policy hian inbei ila politics ah pawh hian, an policy kan hneh lo a ni an tihna tlukah ka lo ngai a. “E a lawmawm hle mai, mihring leh mihring inbeih emaw in sawichhiat ni lo in, a policy lai tak mai hi dinpui theuh ila chuan a tha mang e. Tun tuma NLUP hi kan chhunzawm ang tia party hruaituten an han puang ngat pheih chu, hei thawhharh a hun ta, kan tho harh a nih hi tih ngaihtuahna te pawh a awm a, he policy kan tihah pawh hian policy tak tak hi nisela, cheimawi leh tawngkam thiam zawrhna ni lo in a tha in ka hria a. Chuvang chuan NLUP hi a concept hrim hrim hi vawiinni ah kan sawi dan dang deuh leh hei FAO hial te pawh an lo lanna chhan a kha kan sawi duh tak chu kan NLUP hi tualchhungah hian, a policy a nihna aimahin politic-in kan sawi a, ram siamna tur a nihna tur anga in pawmsak a har thin a ni. Mahse kan NLUP ah hian tunlai khawvelin a concern zawng zawng a in khung vek a ni. Pakhatna ah chuan Food Security an tih hi kan NLUP chhungah hian a awm a ni. Tin, Environmental Security hi a awm bawk a ni, tin, tui chungchang khawvela tui lo kang leh kam tur chungchang pawh hian environment protection atangin a in tan a a tel vek a ni.

Tin, chuloah chuan mihring khawsak eizawna atana security livelihood security an tih hi kan NLUP chhung ami thlap hi a ni. Tin, chuloah chuan hemi kan kalpui dan hmangah hian beneficiary thlan chungchangah te pawh duhthawh awmna lai chu a awm naa, pawmawm tho in ka hria a, kan hotuten an sawifiah tawh a. Mahsela Sorkar Programme reng reng hi ka hriat chinah chuan hetiang khawpa langtlanga kalpui hi a la awm lo in ka hria a. A tlukpui a awm anih chuan ka hre lo, mahse hetiang tluka keima hriat chin ah chuan transparence kalpui hi a awm lo. A dik tak chuan a dawngtu zawng zawng kan tlang zarh vek a, an dawn tur zat an hre vek a, an dawn hunah an pawisa dawn tur zat envelop ah a inkhung emaw, khawiah emaw anih loh pawhin bank account ah thunsak vek an ni a, pawhpen leh engemaw a awm lo. Tin, chubakah chuan financial inclusive initiative a pawh hi tah hian kan khung reng tawh a ni. Heng hi India ram mai pawh ni lo khawvel pumpuiin a concerned em em anih avang hian Agriculture Conclave, India International Centre ah C.M ho a min neih pui tumin, kan C.M in kan NLUP chutianga a hrihfhahna ah, FAO representative Dr. Peter Kenmut a lo tel ve a, Chief Minister-in thu a sawi zawh veleh, thusawi ve kha a rawn dil nghal a, “hun ka nei tlem a, thusawi tlem te ka duh si a a” a ti a. Chutah chuan NLUP-in tih hi a document pawh kan lo dawng tawh a, kan lo hmu tawh a. Chuvang chuan tha kan lo ti khawp mai a, North East ah hian kan la lang ve lova, rawn participate dan a awm em? rawn participate kan duh a chuvang chuan hei hi kan dinpui duh a ni tiin chu chauh chu sawiin min chhuah san ta a. A thu mai kha nilovin a follow up kha a awm a. Kan hotuten an bawhzui a, chutiang chu a ni. Chuvang chuan politics thila thil engemaw, thil tha deuh tur beisei aia tha a lo thleng ang ti a in thikna ni lovin helai thuah hi chuan thu dik hi chu a awm a. Tin, keini pawhin khati bak kha chu sawi tur kan la nei em em lo. Amaherawh chu thu a min hriattir dan kummin hi annual plan ah hian lo khung hman kan

tum ang an ti a. Engtingge min tih sak dawn chu kan hre lo, mahse beiseina sang tak kan nei. Chuvang chuan kan Exit Protocol, Pu Lalduhom'an a sawiah khan, kan Exit Protocol-ah hian mithiam ten eng eng nge ni min kalpui dan tur chu kan ram mamawh en hian leh tuna kan progress en hian, mithiam ten hma min lak sak dawn a. Tunah hian khatianga a material leh a pawimawh tur leh contact tur te kha an contact mek a ni. Tin, a pawisa chungchangah pawh hian dap belh em em ngai lovin Central sorkar UPA khu a din zel chuan Prime Minister package kan ti phal lo anih pawh in tunah hian kan pawisa hman tur Vaibelchhe 2700 zet min dah atang khan vaibelchhe 1000 pawh hi kan la hman lo va, min la pe chhuak lo va. Chuvang chuan Exit Protocol a kalpui tur pawhin kan project siam dan leh neih theih dan a zirin an project pawm tawh sa atang khan ACA ah a package kha a lo kal zel dawn a. Prime Minister Package mai pawh a ni tawh lova Central Cabinet Package angin a ding tawh zawk a. Chu chu kumtin khami kha a scheme wise project deuh anih ve avang khan kan project behchhana pawisa hi minrawn pe thin an nih avangin Plan ah pawh hian chutianga lokal tura kan duh leh RKVY lamah khan kan chhawr tangkaina tur a awm bawkw avangin a hranpa pawha kan plan a lokal a minrawn pe turin kan duh zawk avangin khatiang khan a lo kal a ni. Aw le, khangah khan sawi tur chu a la tam ang a, waviin chawhma lama kan hotute points an han raised thenkhat kha han sawifiah kan tum ang a. Kan Member zahawm tak tak ten inrawn sawi tam tak kha chu a Department Demand te sawi hunah a changtu Minister ten fiah zawka an larawn sawi theih tur te pawh niin ka hria a. Pakhatnaah chuan Pu Thlenga ten Police TA/DA chungchang an han sawi kha kan ngaimawh khawp a, keini pawn pawimawh kan ti a. Amaherawh chu kan dinhmun ten a phak loh avangin a kawng dap fe a ngai a. Tin, chutih rual chuan hei election duty ten an han chhuak ve a, khangah khan advanced ten an lo pe a, Finance lam atang pawhin lo bat kha kan lo nei ve thin a. Chung chu a Central emaw State reimbursement a kha a lo thlen mai thin loh avangin harsatna kan tawkw deuh va. Engpawhnisela tunah hian ₹ Nuai 500 hi salary saving an neih atang khan an TA a hman theih tura ruahman mek a ni a. Tin Nuai 480 pawh hi tunah pawh hian dil a ngaihtuah mek a ni a. An salary saving kha engemaw ti ti in siamrem pui tum in kan Finance lam hian hman la a. Engpawhnisela tuna Nuai 980 pending chanve tal hi chu (Pu Duhoma : Salary saving anrawn neih mai dan a kha enge maw ni an in chhutsual viau tihna em ni?) Khalai te kha chu ka hre lo. Post ruak hnawkhah lohva dahsak hi 800 chuang zet kan neih sak a, chumi atanga saving chu a ni ang e. Saving neihtir kan duh em em avangin. Tin, a dik tak chuan IR Battalion hi thawl deuh hlek mahse a management pawh nuam an ti deuh zawkin ka ring mah mah a. (Pu K. Liantlinga : Pu Speaker, khalai kha khatia saving lama nuai 3000 lai awmah kha chuanin nuai 1013 chauh kha ania khami atanga han teh kha chuanin, khang atang khan a tih theih mai lawm ni? A harsatna enge awm em em?) Pu Speaker, RE ah hian khatianga saving an han neiho kha an dahkhawm a. Anmahni saving a ni tawh bik lo. Sorkar saving a ni. Chuvang chuan, a mamawh, priority ang zel khan Finance in a sem thin a. Tunah hian an mamawh chanve tal hi chu meet thuai an tum a. Tin, 480 lakh la awm pawh hi a remchang hmasa berah lo tihfel an tum a ni. Tin, hetih rual hian kan hriatdanin a sipai ho tak te hian henga TA tura ruahman leh allocation kan siam hian an officer, a bikin IPS officer ho Mizoram-a awm te hi an zin vak tam si a. Chuvang chuan, an naute TA tur hi an ei nasa a ni tih hriat deuh a nih avangin, kan Home Minister pawhin heng hi chu engemaw chin kan sipai ho tan hman theih anih ngeina turin thu te pawh lo nei deuh se a tha awmin ka hria. Ka'n chah hial nghe nghe ang e.



**SPEAKER** : A dik khawp mai. Ram leilung fa lo hi TA,DA an heh lutuk a, kan Sorkar hian a buaipui mek a ni.

**Pu H.LIANSILOVA, MINISTER** : Pu Speaker, chulovah chuan, kan Member zahawmtak Pu Ramhluna'n Central Tax kan dawn tur hi kan pha meuh ang em a tih kha – Tuna Budget-a kan han dah kha Central in Budget a min project sak ti a a dah a ni a. Kan beisei turah chuan kan ngai phawt a. Tin, kan State a kan own Non-Tax kha Department zawng zawngte kha vawihnih vawithum sawipui tawh hnu a fixed anih avangin, theihtawp chhuaha kan tlin thei turah beisei a, kha pawh kha han dah a ni.

Tin, chulovah chuan, kan Member zahawmtak Pu Lalduhoma'n Contingent Fund 200 crore dah chungchang a han sawi kha – Tihian, tawite-in han sawi ila. 2009-2010 ah khan a niin ka hria kan han ti a. A hman pawh kan han hmang a. Amaherawh chu, accounting ah khan harsatna a lo awm riau mai a. Rin aiin account fel kha a lo har a. Chuvang chuan, AG lam te leh kan Finance lam ten sawi hovin, dah zui tawh rih lova, engemaw ti a accounting lam te pawh hi tih chian dan a awm hma hi chuan, accounting tihfel a har em mai tiin an lo sawiho tawhna avangin tunah hian Contingent Fund ah khan kan dah zui ta lova. Nikum lamah pawh kan dah lovin ka hria, kuminah pawh hian kan dah ta lo a ni.

**Pu C.RAMHLUNA** : Contingency Fund kha kan passed kha a ni a. Ka'n sawi duh chu Finance Minsiter zahawmtak han sawi ang khan Excess Expenditure kha kan lo regularized ta kha PAC lam pawhin an han en a. Khatah khan Soil Department te leh Department pahnih khat dangte khan Contingency Fund atanga an pawisa hman kha, an reimburse lo tlat a. Khalai tak kha, khami accounting procedure kha engemaw ti a awlsam deuh zawka siam tumna te a awm em? kha kha chu .....Scheme atanga an hmuh kha an lo hman lawk kha a ni ta a. A rawn thlen khan an pe let leh ta si lova. Anmahni pawh kha evidence la-in kan zawt a. Kha kha an dinhmun kha a ni a.

**Pu H.LIANSILOVA, MINISTER** : Pu Speaker, Accounting hrim hrim-ah hian a process hi rinaiin a lo har a. Kan la thiam loh vang nge ni. Mahse, AG lam te pawhin accounting process hi tihfel a har si a, chuvang chuan, kawng dang deuha tih mai te pawh a tha zawk ang tiin an lo rawn bawk nen, tunah hian kan dah ta lova. Tin, hetiang thil a lo awm chuan Advance Allocation kha a inpek theih thova. Chutiang zawng chuan kal dan te pawh ngaihtuah nise tih thu an lo inbiaktawwna-ah an dah avangin kuminah pawh hian kan dah lova. Tin, hetiang dan kan lo passed tawh avangin engpawhnise hei hi kan zawm tha thei dawn lo a ni emaw, a kawng dang tha zawk a awm a ni emaw, chutiangah chuan Finance Department pawhin House zahawmtak-ah hian a nihna tur chu a la rawn thlen leh torah ngai ila. Khang kha ka'n hrilhfiyah thiam theih tawk chu a ni mai awm e.

Vawiina kan General Discussion tluang taka kan han nei thei a, rilru inpawh tak leh thahnem ngai taka kan sawi thei hi a lawmawm ka ti a.

**Pu K. LIANTLINGA** : Pu Speaker, nimina ka sawi, khami bank deposit amount leh C.D. ratio kha, 2012 emaw 2013 thleng emaw kha min pe thei em tih kha ngaihtuahnaah a awm ta em aw ? tih kha ka'n zawt duh a.

**Pu H. LIANSILOVA, MINISTER** : A awm a, kan naute pawhin an rawn dah a. Amaherawhchu, midang hian an mamawh anih lem hranpa loh chuan i hnenah kan rawn pe mai ang che a nga. December 2012 chin kha an nei thei a, kha kha an rawn pe dawn che u nia.

**Pu C. RAMHLUNA** : Pu Speaker, ka'n hriat duh lai pakhat kha min la chhang chiah lova. SPA for Road Development 2012-13, 200 crores awm a kha, Planning Commission kha kan hriat sual loh chuan an approved a, conditionally-in. Finance Ministry in a phalsak chuan tih kha a ni a, Finance Ministry khan a turned down niin hriatna kan nei a, kha kha kan hre dik em? Engnge a dinhmun ?

**Pu H. LIANSILOVA, MINISTER** : Hre dik. In hre zawk emaw ka hre lo. Mahse, vawiina RC te nena kan inbiak pawn, a va kal zui reng a. Planning Commission chuan an clear a. Amaherawhchu, Finance Ministry-ah hian keini ang bawkin supplementary demand an passed deuh chauh a ni a. Chuvang chuan pawisa awm han hman theih turah khan a la tel ve, an la rawlh reng a, engzatnge kan hmuh tur chu kan hre thei lo na a, hmu mai thei turah kan in beiseina a la lian hle a. Central Sorkar pawh hi pawisaah tunah tak hian current deficit an neih nasat avangin. Tunah hian han sawi tel remchang ta ilangin, kan pawisa remittance tur pawh hi kum dang ang a ni lova, a tlai vek mai a, vawiinah pawh, naktuk emaw tuk leha lo kal tur khatianga hlawm pui pui a la nih avang khan. Financial year tawp tura rush awm lo se kan tih, nikum leh kum hmasa lam te, kum dangah te kha chuan March ni 15 hnulamah kan buai lutuk tawh lova, kumin hi chu chutiang harsatna chuan min rawn nang a. chuvang chuan road project atana pawisa pawh kha la hmu mai thei turah kan la inngai reng a, thu thar engmah a hmuh lohna tur lam zawng chuan kan la hre lova. Tin, kan hmu theih loh palh anih pawhin a kum leh a project atanah khan min pawm sak turin a thu phung pawh khan kan sawi tawh a. Chuvang chuan, kha kha lo kal zel tur leh, kumina a lo kal loh pawn nakumah pawh a la beisei awm zel turah ngaih a ni.

**Pu LALDUHOMA** : Pu Speaker, pakhat chiah. Kan deficit kha Finance Commission-ina target min siam sak aia hniamah khan kan kal a. Khatia achievement a that kha chuan award kha beisei theih tur a ni dawn lawm ni? Khalai kha engemawzat a han pun leh theihna tur kha beisei tur a awm thei ang em? tih kha ka'n hre duh deuh a.

**Pu H. LIANSILOVA, MINISTER** : A correction path-a kan zawm that hian crore 50 a niin ka hria a (award min pe a). Chief Minister-in finance a enkawl lai pawn nichina kan sawi tawh ang khan min pe a, chuvang chuan, kan leiba lamah khan kan khunglet pheih a, vaibelchhe za dawn lai kan liability kha kan rul thla ta daih a, a reduce ta daih a. Chutiang bawh chuan tuna kan management-a hi fimkhur taka kan kal chuan beisei turte pawh kan la nei ang tih ka ring. Pu Speaker, ka titawp mai ang e. Ka lawm e.

**SPEAKER** : Awle, tunah House Leader-in sawi ve tur a neih chuan lo ko ila.

**Pu LAL THANHAWLA, CHIEF MINISTER** : Pu Speaker, hun min pek takah chuan, a hmasa in tuna 200 crores SPA, improvement of internal roads tih kha a la kal mek zel a. Planning Commission chuan kan Finance Minister zahawm takin a sawi ang khan an recommend a, anmahni min promised avang khan. Finance Minister zahawm tak P. Chidambaram-a pawhin pek ngei chu a tum a. Tin, tun fiscal-ah hian pek theih loh anih pawhin, thla tharah, 1<sup>st</sup> quarter-ah ka pe ang che u, min ti e, an ti a. Chu chu a latest a ni. Tin, keini hian kuminah kan hmanng vek dawn chuang lova, 50% chauh pawh min pe mah ula, paw kan ti lo, kan ti a. Amaherawhchu, hei hi kan plan discussion-ah hian plan size kha a effect ang tih erawh chu ka hrethiam mai lova. Chutiang chu tuna kan han hriat duh a kha, chutiang tak chu a dinhmun a ni.

**SPEAKER** : Kan hun khi a tawp a. Mahse, House Leader khan han sawi zawm zel rawh se aw.

**Pu LAL THANHAWLA, CHIEF MINISTER** : Pu Speaker ka lawm khawp mai. Nia hei nichinah kan ngaithla tawh a, tun tum kan session hi budget session ah chuan a hnunung ber a ni dawn a, chuvangin kan member senior deuh te pawhin valedictory speech ang deuh kha an rawn sawi a, a ropui a, a lawmawm a, tun House kan kalphung hi a khawilamah pawh hian a lawmawm ka ti a, opposition lam a nih pawhin constructive opposition role hi an play tak tak a ni tih hi a hmuh theih a, tin, helama kan hotute pawhin a tulah chuan kan ram kan hnam tan, opposition tih a nih avanga pawng oppose awm hranpa lovin, kan ram kan hnam hre rengin lungrual takin kan thawk ho tih a lang chiang a, a lawmawm takzet a, lawmthu ka sawi a. Tun tum kan Finance Minister zahawmtak budget speech kan han sawihona ah pawh hian engemawti taka zuk in tai emaw, zuk in tih mualpho tum emaw, zuk sawi chhiat leh critical deuha zuk sawi kha a awm miah lo te hi a lawmawm a, kan Finance Minister pa zaidam anih piah lamah engemawti zawng taka han chona leh han tih pawrhna awm miah lo a, opposition lam atang pawha thu a lo kal kha, engtinng a chhan ang aw? tihte leh han inspire deuha han chhanna tur awm engmah, challenging word awm lote kha ka lo ngaihtuah zawk nghe nghe a. chutiang khawp chuan kan session hi a kal tuang a, a lawmawm ka ti a.

Tin, tun House hrim hrim hi opposition leh opposition lo pawh hi kan inkawm ngeih hlein ka hria a, kan member zahawmtak Pu Lalduhoma'n a sawi tawh ang khan, ram leh hnam tana thawh hona tak tak rilru kan pu tlang hle a ni, tih a lang thin a, hei hi a hming a Treasury bench a thute tan pawh thil lawmawm tak a ni. A pawng a pui a han in oppose ringawt maite leh intih mualpho tuma han inpaih thluk eng emaw tumna ang chi reng reng a ri lo hi a lawmawm tak zet a. Tin, a diklo chu diklo ti ngam tlang, a dik chu dik ti tlang ngama kan awm hi thil ropui tak, achievement ropui tak ania, kan ram kan hnam tan pawh thil ropui tak niin ka hria a, lawmthu kan sawi. Tin, tun lo hi session dang pakhat Pu Speaker, kan neih leh a la tulin ka ring a September velah chuan, thla 6 a tlak lohna turin, inthlan atangin, amaherawhchu inthlan an puan hma deuh a, code of conduct an englo khan engtin nge a awm dan tur erawh chu ka hrethiam hran lo a, chutiang chu anih chauh tawh dawn

avangin tun hi kan last session anih theih dante pawh a awm avangin, nichina kan ngaihthlak ang chite pawh kha thil lawmawm tak a ni.

Tin, hei vote on account in kan kal thin a, engtizia nge tun hnai kum eng emaw chenah khan, hun hmasaah pawh khan a ni a, Planning Commission hian tun hma zawng zawng kha chuan September, October, November vel atang hian plan, a kum leh a mi tur size discussion-in an tan thin a, chuvangin State tam takin budget session pangngai kan nei thei thin ngai ania, kan hun hmasa lamah khan tianga tih khawtlai hle hi a awm ngai ka hre lo a, tun hnuah hian a awm a awm ta mai hi a lehlam takah chuan State keini ang sum leh pai neih sa neilote tan chuan thil buaithlak tak, hrehawm tak a nihna lai a awm a, mahse hei tun tumah kan Finance Minister zahawmtakin a thahnem ngaihna in, “Full budget nei ang,” a rawn ti hi thil lawmawm tak a ni a. Ngaihdan ni lo deuh hlek han awm pawh nimahsela hemi hi a thatna chu, tunah engzat percent-te pawhin lo pung selang, helaiah khawi khawiah emaw kan dah belh chho a, khatia kal thei mai kha a ni sa a, tin, tun ami hi chuan assumption leh presumption a kal kan ni tih kan hre veka, chuvangin engmah a figure a hi a final tak tak chuang lo a ni.

Tin, kan member zahawmtak Pu Lalduhoma hnen atangin kan ngaihthlak kha a lawmawm ka ti a, kan Finance Ministerin, ‘Inthlan dawn kum anih avanga eng emaw populist deuh thil pakhatmah a rawn telh lo hi a puitlin thlak ka ti a, tianga populist taka thil tih hi, ringtu kan ni a, Pathian nung kan nei a engmah a tangkai chuang lo a ni tih hun kal tawhah te kan hmu a. Chuvangin khatiang lam pang ni lova dik taka, a tul anga sum-te hman theih tura a rawn ruahman, vote khawna tur awm ang chi pakhat mah han sawi tur awm lo te hi thil ropui tak, thil lawmawm tak a ni. Chuvangin kan Finance Minister chungah pawh lawmthu ka sawi lo thei lo a ni. Sawifiah tur zawng zawng Finance Minister zahawm takin a sawifiah tawh a, Amaherawh chu thil tenau te te, nichinah khan hlawh la lo deptt., an awm teuh tih kha an awm teuh lo in ka hria a, tun kumah hi chuan.

Higher & Technical Education-ah khan kan ngaihthlak tawh angin Chawngte College leh Law College-te khamite lo kha chu hlawh la thei lo hi an awm lo a ni. Hindi teacher, SSA teacher tih ang reng ho kha chu Centrally Sponsored Scheme ania, an rawn pek tlai chuan helai atangin pek tur kan nei lo va. Chuvangin, nimin emaw ni nimin piah maiah pawh HRD Minister hnenah hei Education Minister zahawm tak hian nang ziaik teh min ti a min ziah tir a. Hetianga an rawn pe tlai thin hian nasa takin harsatna a siam a, a za tel a za tel an ni ve a, thingtlang kilkhawr tak takah te an awm a, hlawh la lo a an awm hian an tan a harsa em em a ni. Chuvangin, a hun taka hemi fund hi rawn release tum teh u, tiin kan ziaik nghe nghe a. Chung tih loh chu kan State-ah chuan khami college pahnih tih lohah kha chuan hlawh lak theih loh a awm loin ka hria a. Tin, kha pawh kha a pawng a puiin sorkar hnathawkte kan puh mai lo va, kan Finance Minister zahawm takin hnathawktu chuan hlawh a hmu tur a ni, chuvangin deptt. te hian kum tirah hlawh atana in mamawh tur zat hi dik takin chianguang takin in rawn project tur a ni tiin a hrilh a. Chutichung pawhin khami college pahnih kha hmah an la ni kha a pawi khawp mai a, Amaherawh chu tunah chuan ngaihtuah an ni ta tih kha hriat a tha ka ti.

Tin, Member zahawm tak Dr.R.Lalthanglian Prime Minister Special Package a lo awm ngei a ni, a tih kha a tha, a lawmawm ka ti a. Arunachal-ah chuan Prime Minister Special Package thahnem tham tak an hmu a, a chhan ber pakhat chu Chinese aggression avangin khi State khi a mipuite tihlungawi a ngai a ni. Indian an nih kha an chhuan a ngai a, Chinese ho in an rawn thlem reng a, hei Indian delegation a China ram a kal tur eng emaw Arunachal mi an awm ve chuan Visa te hi an rawn pe duh thin lo va. Chutiang karah chuan Arunachali te hi helaiah chuan sawi mai ila lungawi taka an awm a tul avangin chutiang chuan Prime Minister Special Package in economic development kawng hrang hrangah chak zawka an kal theihna turin an pe a, duh sakna an hlan a ni. Chutiang chuan Prime Minister Special Package an pe a. Tin, Sikkim ho kha Prime Minister Special Package an hmu a an lawmpui awm hle a, lirngingn nasa takin a ti chhia a, rapthlak tak a ni, an tuar nasa em em a. Khami atan khan reconstruction atante leh a tuarte tanpui nan khami atan khan tam tham tak an pe a chutiang chu a ni. Tin, Sikkim hi tunlaiin India ramah an thang tha hle a, an lawmpui awm ka ti a. A chhan ber chu semi-independent State atang khan Indian State pakhatan an rawn lut ve a ni a. Chuvangin kawng hrang hrangin development-ah an advance hle tawh turah ngaih theih tur a ni a. Tin, an mipuite khu an tha hle a ni, an taima a, an in ngaitlawm a, an rinawm a, chutiang chuan rinawm takin mahni hna theuhah tui in hma an la a, mipui awhawm tak an ni. Chuvangin an hmasawna pawh a ropui khawp, kawng hrang hrangin. He nauban humhalh chungchangah te hian tunah chuan khawvel pum pui hriat thamin nauban-ah ringawt pawh hian hma an la a ni, an awh awm hle a. Keini hian tu tu te emaw in min rawk chung hian kan V/C tam takte han hrih thin mah ila rohlu a ni tih nachang hre mang lo te pawh kan la awm nual a. Chuvangin heng lamah te pawh hian kan harh chhoh a tul hle tih kan hriat a tulin ka hria a.

Member zahawm tak Pu Lalduhoma'n Tourism a sawi kha sawi awm tak a ni a. Tourism atang hian keini state angte hi chuan Industry tha taka siamin income tha tak la thei tur kan ni a. Amarawhchu, tunah hi chuan zep thu a cheng lova, tlang hriat a ni a. Kan chak tur ang leh kan tih tur angin kan kal hlei thei lova, helaiah hian tan lak a ngai a. Kan zavaiin a mawhphurtu ni anga siamthatu ni turin tan nasa takin kan lak a ngai. Tin, Tourism lamah te tan kan la dawn anih chuan kan outlook pawh hi kan tih zau ve deuh a ngai. Communalism a kan chen chuan Tourism lamah chuan kan thang vak thei lovang tih a hlauhawm a. Chuvangin, keimahni outlook pawh hi kan insiamthat ve a ngai hrim hrim a ni. Nia kan hotuten an rawn sawi a, NLUP hi sawi loh theih a ni lova, a pawimawh em avangin sawi loh theih a ni lova. Tin, tuilo tak tak pawh in awm lova, Pu Speaker, kan House ah pawh hian opposition emaw opposition lo emaw kan tuidan hi a inang vek a. Kan sawi duh dan erawh chu a inang lo deuh a ni mai a. Chuvangin, NLUP hi thil tha tak anih zia chu kha kan sawi tawh a. Vawiin ah hian hleih neih anga han insawi talhte hi thil vanduaithlak tak a ni a. Eng ang pawhin kan hotuten hleih nei mahselang, a dawng tur ang chia ruahmante hi chuan an dawng vek dawn Pu Speaker. Hunin a daih dawn a, sumin a daih bawk si a, an dawn loh na chhan tur a awm lo a ni. Amaherawhchu, dawng tlak lo erawhchu an awm ang tih ka ring. Chutiang chu a ni. Vawiin ah pawh nizan ah te, vawiin ah te news in ngaihthlak chuan dawng hmang tha lo te pek tawh loh tur an nih zia te leh an hman that loh a pawh kha an chungchang ngaihtuah tur a la nih zia te, an sawite in hria in ka ring a, nimin lam meeting an nei a. Sorkar sum a ni a, sorkar sum hman dikloh hi thilsual a ni a. Chuvangin sorkar sum hi a hmang diklo

tute chungah chuan sorkar in dan a lek tur a ni a. Chutiang hnuaiah chuan sorkar hnathawk chauh ni lo sorkar sumdawngtute pawh hi an lut ve tho a ni. Chuvangin, a dawng hmang tha lo te chungchang ngaihtuah an nih piah lamah pek chhonzawm an ni dawn lo a ni tihte pawh nimin lama a ngaihtuhtute meeting pawhin an rel kha kan hre theuhin ka ring a ni.

Tin, credit deposit ratio hi thil pawimawh tak a ni a. Kei pawhin state level bankers meet kan neihah chuan kan sawi deuh ziah a ni. Amaherawh chu, han inchhuahchhal a committee han inchhuahchhal pawha han tan ve deuh hlekna chu Mizoramah hian recovery hi a chhe lutuk a. Chu chu bank te tana harsatna a ni a. Chuvangin, recovery credit ratio chungchangah kan chanvo tur dik tak kan chan theih nan chuan a loan la tuten rulhna chang kan hriat a, rulh tum a ngai a. Tun hma anga loan lak tuk atanga bat ral dan ngaihtuah a, a file te hal tum ut ut ang chi rilru kha kan la pu deuh a, zep tur a awm lova. Chungte avang chuan bankers ho hian harsa tihna an nei a. Chuvangin keimahni Mizo zawk hian kan hamthatna tur atan kan ngaihtuahna kan rilru kan tih danglam a, tin, ringtu kan nihna pawhin kan bat chu kan rul tur a ni tih hi kan inhriat a pawimawh. Chutiang chuan bankers ho harsatna hi kan hriatpui ve hrim hrim a, a siamthat tur laia kha keini helai member zahawm tak te hian siamtha tura kan tan tlan a ngai a ni.

Tin, Sihhmui to MZU kalkawng siamah khan compensation siamah official-te an tel ka ti tlawng lova. Zoram dung leh vang a, compensation chungchang a harsatna kan tawhah hian abik takin official te hi harsatna siamtu an nihna lai a awm thin a ni. Inquiry kan conduct atangin a Chiang em em phat tur a awm lo. Builum chungchangah pawh a tibuai tute chu official te an ni a. Tuirial chungchangah te pawh an ni zel. Mipui mimir naranin compensation chungchangah va tihbuai ringawt theih a ni lova. An pass te a dik leh dik lo te chungchangah a va tih buai ringawt theih lohva an pass te khatiang zawng zawng a dik leh dik loh te khatiang zawng zawng entu tur te kha kan official te an ni a. Tin, Land Acquisition Act tha tak kan nei a, chumi hnuaiah chuan felfai taka tih mai tur hi tih loh anih chang a awm thin a, chu chu a harsatna a ni. Chuvangin Pu Speaker, ka sawi tawh ang khan hmanni ah kan ramah hian hetiang zel a kan kal chuan kan project tha tak takte hi puitling lo tur a awm vak ang tih a hlauhawm a, Tuirial Hydel Project-a puitling tawh lo ang khan. Chuvangin, helai hi kan zavaia kan rilru a kan neiha kan tih a ngai a.

Tin, NLUP te hi thlan dan diklo anga rawn sawi hi a dik hranpa lova, member zahawm tak Pu Lalthangliana'n a sawi a, hei NLUP hmasa atanga hlawhtling te ang te pawh kha kut hnathawk hlawhtlingte Doordarshan-ah hian an interview na ah hian an rawn tilang fo a ni. Vawiin ah hian MNF hunlai sorkar hmasa hunlaia a hlawhtlingate kha NLUP fak nan hian hlawhtling angin kan lantir lo Pu Speaker, amaherawhchu hei Palm Oil chungchang-ah te hun hmasa atangin lo tih chhoh a awm a, kan hunah kan Finance Minister, kan Agriculture Minister zahawm takin tha takin, zahawm takin a han tih tir chhova, a hlawhtlinna percentage hi a sang dawn a. Chumi ah chuan kut hnathawk hlawhtlingte thahnemngai taka miten an entawna tur atana interview te zingah Oil Palm chingtute an lo tel ve anih chuan chung ang chu NLUP vang a ni tih a awm ka ring lova, kei pawhin a plantation hmun tam tak ka tlawh tawha, kum 4 kum 5 atanga lo tan tawhte kha an ni nual hlawm a. Tin, kan luh hnua tante pawh tunah chuan puitlin intintuah an awm ve tho a ni, chutiang chu a ni a, tute emaw

hlawhtlinna kha kan va chuh awzawng lova, amaherawhchu, a kal chho zelah khatiang khan a lo hlawhtling tihna mai a ni. Tin, a titha thlan chungchangah hian an thlan dik hle ka ring a. A chhan chu Pu Rualzakhuma, IAS Rtd. in University a professor te tu tu emaw an tel a, a hmunah an kal deuh vek a, la kal lohna chin an neih erawh chu an thlang tel lova, an kal tawhna chinah khan a hmunah an tlawh vek a. Chutianga thlang chu an ni a, chuvangin an thlan dik leh dik loh chungchangah hi chuan dem theih an awm ka ring lo. Chutianga khawpa uluk a tih chhoh chu a ni.

Pu Speaker, engpawhnise kan Finance Minister zahawm takin tun tuma Budget a rawn present leh Budget kha a ropui khawp mai. Kan per-capita an pung ta te, revenue surplus an pung ta te leh thil dang dang an awm chho ta te hi thu lawmawm tak a ni a. Hemi RFD atang hian department 40 lain emaw an hnathawh dan engkim an han kal chhoh pui anga, khatiang ang khan tu te tan pawh en theihin a awm dawn a. Sorkar langtlang thei dik tak siamna tur atana ruahman a ni. Engpawhnise Pu Speaker, kan Finance Minister zahawm tak Budget Speech sawiho chungchangah kan hotuten puitling taka ngaihnathiamna thui tak neia an rawn participate hi a lawmawm ka ti a, tin, kan Finance Minister-te leh Official-te thawhrimna hi fak loh theih a ni lova, Budget prepare hi buaithlak tak a ni a, a lo berah thla khat hi an mamawh thin a, thlakhatah hian an peih chiah thei lo a ni, chutianga chu a ni a, chutichungin sawisel tur awm tehchiam lo figure a placing a dikhlel deuh e, tih mai loh chu sawisel tur awm lo khawpa an rawn puanchah thei hi a lawmawm takzet a ni. 'Rorelna dik chu Lui angin luang sela, felna chu Luipui kang ngailo angin luang rawh se' tih hi kan changvawn a ni a, amaherawhchu hetiangka kal hi kan tum chungin mihring kan ni a, a theih loh tih kan hria a, chungte avang tak chuan tawngtaipuite, tanpuite he House kaltlang hian mipui tanpuina kan dil fo thin a. Kan ramin hruaitu tha, hruaitu fel kan mamawh a, mahse kan rama hruaitute hian hruaitu tha, hruaitu fel an nih dawn chuan mipui tha, mipui rinawm, mipui dik, mipui taima an mamawh ve ka ring a, chutianga that leh thata in lawm tawn tur chu kan ni. Kan sorkar in a duh berte zinga pakhat chu he ramah hian mi rinawm, mi dik, mi fel, mi taimate thlamuang takin, ralmuang takin neitu rilru pu in awm sela. Mi diklote, mi zawmthawte misualte, helte raltitna hmun, chutianga rama siam chu kan tum a, chumi atan chuan member tin te tawiawmna, tanpuina kan mamawh a, chumipiah lamah tawngtaipuina kan mamawh a ni. Chutianga tur chuan vawiinah kan sawiho naah member participate-tu zawng zawng ten puitling taka thu an rawn sawi hi a lawmawm ka ti a, lawmthu kan sawi leh a ni. Ka lawm e.

**SPEAKER** : Awle, House Leader pawh in a rawn sawi leh ta a, ka han sawi duh chu niminah khan tilaia kan la thut laiin ka dawhkanah lehkha pakhat hi a lo awm a, kan member te House chhungah thu taima tura min ngenna kha a lo ni a. Chu chu live hian a lang vek mai si a, kan zun zung chhuak te hi kan rei deuh lutuk thin nge ni ka hre lova, live a lo lang vek mai si ah hian engemaw deuh hlek ngaimawh an awm anih ka ring a, chu chu member ten hria ila 'roreltu chuan taima takin rel rawh se' tih kha changthlanah hmang ila. Hei, tunah hian kan member-te hetia thutna ruak te pawh hi engemaw ka phalna la veka ruak an ni tih kha erawh chu live a lo entu mipuite pawhin min hriat sak se ka duh a, pawimawhna neia Speaker ka nihna anga zah taka ka hnena phalna rawn la vek an ni.

Kan Discussion tluang takin kan zova, vawiina kan tihur chu kan lo zo ta a, kan chawl tawh ang a, naktuk ni 20.3.2013 zinglam dar 10:30 ah kan thukhawm leh dawn nia.

Sitting is adjourned at 4:20 p.m